

# DIPOTŠIŠO LE DIKARABO

 A re feleng re eme feelsa nakwana ge re inamiša dihlogo tša rena bakeng sa thapelo.

Tate Modimo wa Mogau, re a Go leboga mosong wo go tšwa botebong bja pelo ya rena, gobane Wena o a kgona le go rata go araba dithapelo tša rena. Gomme re a rapela gore O tla amogela go fa ditebogo ga rena bakeng sa se O šetšego o re diretše. Re letile ka ditetelo tše kgolo go Wena go re thuša mosong wo, gomme ge re tlogela dikarolo tša moago wo, a nke re ye ka ntle ga mo motho wa go fapano go feta ka mo re bego re le ge re etla ka gare. A nke Moya wo Mokgethwa o re kgoloke mosong wo, dimelo tša rena, le go re dira ka go balata ba Mmušo wa Gago gobane re e kgopela ka Leina la Jesu. Amene. (Le ka dula.)

<sup>2</sup> Feelsa tshwarelo go no ba thari nthathana gannyane, eupša ke bile le dilo di se kae go di dira, le bontši bja batho ba go babja le dipoledišanonyakišio pele ke tsena ka go—go moago go nyakile.

<sup>3</sup> Gomme kafao, re thabile go ba fa mosong wo le go bona lena batho ba bakaone bohole. Gomme ke nyaka go leboga bale... magagešo ale a re rometšego dilo tše kaone, mpho go mosadimogatša le go... le ngwa—ngwa ngwanešu yo a nthometšego raborolo ya gagwe ya tshepe. Morena a mo šegofatše. O... rile o a tšofala gomme ga a nyake go e šomiša gape, gomme o be a nnyaka ke be le yona; kafao ka—ka nnete ke leboga seo... bakeng sa seo. Ge feelsa ke phela, ngwanešu, bokgole bjo nka kgonago go ithuša nnamong, ke tla ba le yona. Nka se tsoge ka e bea ka seatleng sa ka ntle le ge ke nagana ka wena le go go rapediša.

<sup>4</sup> Bjale, re... Dilo tše dintši kudu go dirwa lehono, ke naganne mohlolmongwe ge ke be ke sa le mo ke tla ba le dipotšišo tše dingwe le go hwetša ntle se se bego se le pelong ya kereke ya ka, tša go fapano. Ka kgontha ke dirile! Ke na le dipotšišo tša go lekanelo go ntšea go fihla Mileniamo o thoma! Ke be ke sa tsebe gore go be go le tše ntši kudu di bego di ka kgona go hwetšwa. Ke—ke na le tše dingwe tše lekgolo ka mo, gomme go na le lekgolo goba go feta di tlago ka gare mosong wo. Kafao nka se tsoge ka kgona go di araba, ke a thanka, ka maleba, gobane... Gomme tšona di—tšona ke dipotšišo tše botse, kgontha gabotse.

<sup>5</sup> Bjale, tše dingwe tša tšona ga se tša kgona go balwa thwi ntle phatlalatša, kafao le a tseba, ke ba botšišitše... Ge se nka se se beego ka tseleng ya go rarela... Ke mathata a lapa le... Le a kwešiša. Gomme ke—ke kgopetše go ba le bobedi monnamogatša le mosadimogatša ka go poledišanonyakišio ya sephiri, gore ke kgone go bolela le bona ka sephiring ka ditaba tše. Ga se dilo tše mpe; ke dilo tše di swanetšego go rarollwa ka lapeng, feelsa

tlhago ya motho le morafe woo re . . . nako ye re phelago le go ya pele tše di tlišago dilo tše ka ona, gomme ke mathata ao a yago go lapa la motho; gomme a swanetše go arabja. Gomme kafao, ke tla dira se sengwe le se sengwe ke kgonago go di araba ka tsela ye kaonekaone.

<sup>6</sup> Dinako tše dingwe go arabeng dipotšišo, go mohuta wa go tše nako ye telele; gomme ga ke nyake go foša e ka ba efe ya tšona. Ke tla hwetša ye nngwe le ye nngwe feela kgauswi ka mo ke kgonago. Bjale, di no . . . Ke no di dira di kgoromeletšwe ka gare ga mokotla mo, go di araba, le—le go bea Lengwalo fase ge eba ke swanetše go ba le lona, le—le go le bea morago. Ka gona ke be ke le letšatši lohle maabane, le karolo ye kgolo ya bošego bosegong bja go feta, gomme ge e sa le go tloga gannyane morago ga mahube mosong wo . . . Gomme morago ke na le e ka ba gabedi bontši bjo bo tlilego ka gare mosong wo. Kafao, ke nagana se re tla se dirago, Morena ge a rata, ke tla di araba go fihla, bokgole bjo ke kgonago, go fihla e ka ba ka sekglela, morago ra phatlalala, morago ra tla morago gape mantšiboa a le—le go leka go fetša bontši ka mo ke kgonago bosegong bjo, le go bona ge nka kgonago go hwetša . . . go di fetša. Gomme mohlomongwe ga ka swanela go le otla botelele bjalo ka go kopano e tee ye kgolo ye telele. Gomme ke nagana go tla le fa nako go tšwela ntle, le go khutša, le go okobala gannyane, go tše kgoswane goba se sengwe, gomme la bowa morago ge le ka kgonago. Ge le sa kgone, gobaneng, Ngwanešu Fred Sothmann, ke a nagana, o gatiša wo. A o a gatiša? Go lokile, go kaone. Ya, ba ka kamoreng ba o gatiša, gomme—gomme theipi ye e ka no ba, ge go lokile, o ka no ba le theipi; e tla bolokwa le go bitšwa *Dipotšišo le Dikarabo*, gobane go ne dipotšišo tše rilego tše thata ka kgonthe ka fa le se sengwe . . . Bontši bja tšona bo godimo ga dithuto tša kereke.

<sup>7</sup> Bjale, ke tla rata go batho go tseba gore dinako tše dingwe go arabeng dipotšišo tše, go bothata. Go tše a bontši bja mogau go ema fa, ge le tseba lerato leo ke nago go lena batho. Nka se kgone go le hlagiša. Ebile ga ke le hlagiše go bana ba ka; ebile ga ke hlagiše lerato la ka—la ka la go teba go mosadimogatša wa ka bjalo ka ge ke swanetše, gobane ke—ke felapelo, gomme ke no tšwelapele go ya ka go mothalo o tee wa go otologa. Go ne selo se tee feela ke tla hlagišago lerato la ka ka moka go sona: seo ke Modimo Ramaatlakamoka. Gomme ke—ke no Mo rata pele go tšohle. Batho ba bangwe ke a ba rata, eupša ga—ga ke nyake go hwetša . . . Ga ke nyake go senya lerato lela ke nago nalo bakeng sa Gagwe; a nke leo le be pele. Kafao kagona, ge ke araba dipotšišo tša lena, ke e araba ka lerato ka pelong ya ka go lena; eupša selo se tee pele ga ka nako yohle: seo ke Jesu Kriste (le a bona?), ka tsela ye A tla e arabago.

<sup>8</sup> Dinako tše dingwe nka no swanela go araba . . . Go ka no gobatša, go ka no ngapa, gomme ga—ga ke e re go ba ka tsela yeo. Ke e araba ka morero o tee, bjalo ka ge ke boletše, Kriste pele

ga ka. Gomme ke swanetše go elelwa gore Ke Yena yo ke... Ke swanetše go fa lebaka bakeng sa gagwe. Kafao lerato la ka la pele ke go Yena; lerato la ka la bobedi ke go lena batho, gomme kafao ke... Kereke ya Gagwe yeo A e rekilego ka Madi a Gagwe Mong. Gomme ka kgonthé O le rata kudu go feta A ithatile Ŷenamong, gobane O ineetše Yenamong bakeng sa lena. Lena le barekwa ka Madi a Gagwe, gomme ke—ke e swara feela ka tlhokomelo le tlhokofalo ka mo ke tsebago. Eupša gona, go e direng nako ye nngwe le nagana, “Yeo e be e le tshwayo ya go befa kudu ke... ka ga... Go makonko le mpapatla kudu.” Ke e dira le Yena ka monaganong wa ka (le a bona?) go leka go dira, gore ka moka... yo mongwe le yo mongwe le a bona feela gore go swanetše go ba ka tsela ye. Ga se le ge e ka ba—e ka ba eng go gobatša goba go no feta go dira nnete gore batho ba a e hwetša, gomme ke a holofela yo mongwe le yo mongwe o e amogela ka tsela yeo. Gomme bjale, ka fa re hwetša se se logo go menagano ya renā.

<sup>9</sup> Gomme bjalo ka ge ke le bona bohole bohole le kgobokane mosong wo le se sengwe le se sengwe se pakelane go dikologa, gomme ke nagana re na le lešaba la go falala ka—ka kerekeng ye nngwe. Kgaetšedi kereke o topile se—se seyalemoya goba mohuta wo mongwe wa kgo—kgo kgokagano ya mogala. Yeo ke... Phalalo e ka kerekeng yela mosong wo, ke a kwešiša. Ngwanešu... Goba ngwanešu yo mongwe o ne ke—ke kereke yeo e nago le go falala yeo e fetišitšwego go tloga fa go ya kerekeng yela. Seo se bjalo gore le se swanele go ema maotong a lena seng le go dilo go dikologa leboto.

<sup>10</sup> Bjale bošegong bjo, Morena ge a rata, re tla ba le... re tla thoma ka pela bošegong bjo. Ke tla rata go kgopela modiša le—le poto ge ba ka... A re thomeng feela gannyane nthathana ka pela bošegong bjo, ka gore batho, ba bangwe ba bona ba mo, gomme ba tla ba le go otlela go go telele go otlela. Gomme ke tla rata go thoma bonnyane iri pejana bošegong bjo, ge re ka kgona, le go fetša yeo. Kafao le... Feela ka pela ge le na le dijо tša lena morago ga iri ya boselela goba nako efe kapa efe, gabaneng, ke tla thoma. Le a bona? E re, ka mehla le thoma ka seripagare sa bošupa a ga le? A re beng, a re, a nke ke be sefaleng ka šupa. Le a bona? Gomme ka gona ka seswai goba seripagare sa seswai, goba se sengwe boka seo, go tla le fa nako go—go ya magaeng a lena le go ba komana bakeng sa mošomo wa gosasa, ge eba go ne gosasa.

<sup>11</sup> Bjale, Morena a be le lena le go le šegofatša kudu, gomme ke tla ya ka gare ka pela ge tirelo ye e fedile le go topa dipotšišo tše dingwe tše le go leka go di araba. Ke no ngwala godimo ga tšona, feela diripana tša dinoutso tše nnyane—tše nnyane le go ya pele, tše nka kgonago—nka kgonago... Mohuta wa go lebala Mangwalo. Ka gona ge ke le ka kamoreng ke ithuta, gona ke (ke rata go šupa morago go wona felotsoko, gomme ke na le yona mo) gomme—ke no e ngwala fase godimo ga ntsekana ya pampiri.

Gomme ka fao, ge e le ka go—ka go ensaeklopedia ke swanetše go e topa, goba tlhagišo tsoko ya lentšu, goba leina, ke na le lona le ngwadilwe pele ga ka. Ga ka swanelo go tliša sehlopha se segolo sa dipuku le go ya pele; ke na le yona kua.

<sup>12</sup> Bjale, ge potšišo e sa kgotsofatše go wena, gabotse, gona nna, mohlomongwe, ke dirile phošo. Le a bona? Nka—nka—nka no be ke dirile phošo, gobane dilo tše di no ba tše kaonekaone tša kwešišo ya ka. Gomme ke nyaka ba—ba badiredi ba ba ka bago le phuthego ya bona, goba phuthego ya kereke ye e itšego ye e tla theetšago dipotšišo tše... Ga ke nyake se... Ge e le ponagatšo e itšego godimo ga thuto ya gago le phuthego ya gago—ya gago, ke nyaka phuthego go kwešiša ka go hlaka gore ye e no ba thuto ya rena mo ka tabarenekeleng. Ga ke leke go e pitlaganya godimo ga dihlopha e ka ba dife tše dingwe tša batho. Gomme ke—ke—ke nyaka go ba Mokriste ka—ka pelong ya ka, gore ke ruta se ke se dumelago. Ke ema go phenyego ya ka. Ge nka itšimeletša go seo, ke nna moeki go Kriste le moikaketsi go lena; gomme ke—ke swanetše go ema ke botega go se ke dumelago go ba Therešo. Eupša motho yo mongwe le yo mongwe o na le tokelo go dira sa go swana. Modimo ke Moahlodi wa rena bohle.

<sup>13</sup> Bjale, feela pele re thoma, ke naganne ke tla bolela ka rahistori yo mokaone, Paul Boyd. Bontši bja lena le a mo tseba; o tla fa mo tabarenekeleng. O sa tšo bowa go tšwa Jerusalema le go tsenela Pontšho ya Lefase. Ke yo montši kudu wa mo—mo morutiši wa seprofeto, gomme ke rahistori, yo mongwe wa ba bakaonekaone. Ke ngwanešu wa Mennonite, o be *a le*, gomme o amogetše kolobetšo ya Moya wo Mokgethwa. Gomme kafao o bile mogwera wa ka wa sebele kudu. Gomme ka mehla o šeditše le go tšeа noute ya se sengwe le se sengwe seo ke se boletšego se amanago le seprofeto, go šetša le go bona ge se ka direga.

<sup>14</sup> Gomme bjale, o nngwalela fa (bjalo ka ge a le fa ka Dinageng gape bjale), gomme e godimo ga letlapa la ditaba, ke a nagana, mosong wo. Gomme o ngwala fase mo noute ye a e beilego ka go e tee ya dipampiri goba se sengwe goba se sengwe, ka diprofeto tša go ikgetha. Gomme o bolela selo sa bohlano, ke nagana ke sona, gore ke bone mengwaga ye masometharo tharo ya go feta mabapi le phihlelelo ya, tšwelopele ya, a ke re, ya saense. Gomme yo mongwe wa lena yo a gopolago, le na le yona fase. Ke na le yona ka dipukung tša ka. Gomme se sengwe le se sengwe seo Morena a se boditšego... a mpotšago, ke se ngwala fase, seo ke sa se segolo sa ka tlase... goba selo se nka kgonago go se botša batho.

<sup>15</sup> Gomme ke naganne mosong wo, pele re thomile ye... Ye ga se dithero, eupša re mo go dula mmogo go ithuta go tšwa go seng sa rena se se lego dipelong tša rena. A re hwetšeng dilo tše di kamilwe ntle bjale, bjalo ka ge re tlie tlase go kgabola Mabaka a Kereke le go ya pele. Ke nagana gore ke mo go botse go ema bakeng sa kopano goba tše pedi, le go hlola godimo, le go hwetša ntle se se lego pelong ya batho, gomme ka gona go ya go tloga fao

go ya pele. Le a bona? Ka gona go ya morago ka gare gape le . . . ka go tatelano ya—ya ditirelo. Ge Morena a rata, ke nyaka go ba le seo mo tabarenekeleng pele ga botelele, feela tatelano ye telele ya ditirelo; le tseba se ke se rago, ya—ya go swana le dithuto tša go fapana; le go no tšwelapele go ya go fihla A etla go nna goba ke ya go kopana le Yena, e tee. Le a bona? [Lefelo la go se be le selo godimo ga theipi—Mor.]

<sup>16</sup> Paul Boyd o ngwadile fa mabapi le dilo tšela tše šupago tšeо ke di bonego ka 1933, tšeо di bego di tla direga. Gomme o di šeditše feela sekgauswi, ka thelelo, ka mo a kgonago, gobane ke rahistori. Gomme o e šeditše, feela tlwa se o se bolelagoo. Gomme o bone dilo tšela tšeо di boletšwego tša mengwaga ye mentši ya go feta: ka ga ka fao gore Mussolini . . . le se se tla bago ka yena, le Hitler, le se se tla bago ka yena; le ka fao Bokomonisi bo tla tšeago bobedi Bofasci le tšohle tša tše; le ka fao mo—mo Mothaladi wa Siegfried o bego o tla agwa, le ka fao gore Maamerika ba be ba tla rothothwa fale (gomme ga se ba tsoge ba e amogela go fihla feela e ka ba mengwaga ye mebedi ya go feta, gomme ba na le diswantšho tša Jeremane tša tlhaselo fale; gomme ka kgonthe ba rothothilwe. Ba nyakile . . . Ba nyakile ba lahlegetšwe ke sesole sa bona ka moka thwi fale); le dilo tšeо tšohle tšeо di dirilwego.

<sup>17</sup> Gomme bjale, gape e rile, “Gomme go tla tla go phethega, gore pele nako ya bofelo e tla tla, difatanaga tšela di tla tšeа sebopego sa lee, tša ba bontši boka lee.” Gomme ke bone lapa la Amerika le otlela go theoga tselalepheto ka koloing yeo . . . Ba be ba dutše ba lebane seng sa bona, gomme ba bile le tafola, gomme ba be ba, go lebega o ka re, ba bapala tšekase goba dikarata. Gomme ba be ba se na le seterebelo se itšego ka koloing. Gomme e be e laolwa ke maatla a a itšego ntle le seterebelo. Ke ba bakae ba nkropolago ke profeta seo (le a bona?), bao ba bilego fa?

<sup>18</sup> Bjale, ka go Pontšo ya Lefase ba šetše ba ne koloi mo mmarakeng. Mo go . . . E rekiitšwe bjale; khamphani ye nngwe ye kgolo e tšere bontši bja tšona. Gomme koloi ye, še yona. Paul Boyd o eletšwe seprofeto, o lebeletše ka pukung ya gagwe se ke se boletšego, gomme o tšere seswantšho ka fale. Gomme šele yona, tlwa ka sebopego sa lee, le ditulo tše pedi di dutše ka tsela yela, gomme ditulo tše pedi di dutše ka tsela ye, gomme tafola e dutše ka bogareng go bapala dikarata le dilo godimo ga yona, feela tlwa.

<sup>19</sup> Lentšu la Morena le nepile ka go phethagala. Seo se be se le ka 1933. Seo se tla ba . . . A re boneng, seo se tla ba eng? Mengwaga ye masometharo pedi ya go feta, a e ka se ke? Wo ke '64. Ya, masometharo . . . Ya, mengwaga ye masometharo tee ya go feta. Mengwaga ye masometharo tee ya go feta Morena o mpoditše seo, gomme še yona. Gomme khamphani e mo ye e šetšego e di otarile; le—le dikhamphani tša ditheraka le dilo di dira ditheraka go swana le tšona. Ba ka kgona go e laola thwi go tšwa go motsemošate wa bona ka mokgwa woo, ebile ga ba

swanelo go ba le mootledi ka go yona. Gomme še yona yohle e šetšego e dirilwe, gomme šele yona le dikoloi. Bjale, e godimo ga pote ya ditaba ka morago, gomme le ka kgona go bala seprofeto le go no bona ka fao Modimo wa rena a nepilego, ka fao Lentšu la Gagwe . . . O rile, “Magodimo le lefase di tla feta, eupša Lentšu la Ka le ka se tsoge la palelwa.”

<sup>20</sup> E no lebelelang, mengwaga ye masometharo tharo ya go feta. O tseba se—se 1931, goba eng kapa eng e bego e le yona, koloi ya mmotlolo e be e tla lebega bjalo; e be e tla lebega bjalo ka kgopotšo. E rile, “E tla lebega feela bjalo ka lee, ya ba bjalo ka lee.” Nnete, ga go motho fa, ke a thanka, yoo a phelago lehono goba magareng ga rena yoo a nkwelego ke bolela seo. Ke . . . Le nkwele ke e bolela go theoga go kgabola mabaka, eupša . . . Ya, mosadi šo o dutše mo. Gobaneng, Mdi. Wilson, ga se ke go bone fao. O elelwa ge seo se direga. Ke ge a be a fodišitšwe, a ehwa ka TB (mosadi, monnaamogats wa gagwe le morwedi ba tlie go nna go ya go mo rapelela) go fihla ge a dutla madi go fihla kho—kho khona e robetše e tletše ka—ka malakane a mosamelo le dilo tše a bego a di tšhetše madi. Gomme ngaka o rile, “Ga go tsela ya go mo dira a a tsoga a phele,” gomme ebile . . . O be a leka go bolela se sengwe go nna pele a ehwa, gomme madi a be a tla tsurutlela ntle godimo ga dikobo le dilakane ge a be a le fao, ge a be a leka go gohlola. Gomme ka mo tše go tšwa malaong ao, gomme ka mo tše go ya nokeng ya go tonya mo, le meetse a aese, le go mo kolobetsa Leineng la Jesu Kriste. Gomme yeo e bile mengwaga ye masometharo tharo ya go feta, gomme šo o dutše lehono, o sa phela, mola ba bagolo, bana ba go phelega, bontši bja bona ba ile pele. Ke lena bao. “Mogau wa go makatša, modumo o bose bjang, wo o pholosítšego leratha boka nna!” Seo se no laetša ka fao go phethagetšego ka gona ge e le O RIALO MORENA.

<sup>21</sup> [Kgaetšedi o bolela le Ngwanešu Branham—Mor.] Ee, yeo ke—yeo ke nnete, Kgaetšedi. Ee, mohlomphegi! Basadi . . . Ke rile basadi ba tla hloka maitshwaro kudu ka go la maf—. . . Bjale, le a tseba mengwaga ye masometharo ya go feta ka fao ba aparago. O rile ba ba baitshwarahlepi kudu, go fihla ba sepela go theoga mokgotha ka feela go apara diaparo tša ka fase. Gomme ke rile, “Gona go tla direga, gore ebile ba tla goboga kudu, go fihla ba tla apara se sengwe go lebega boka letlakala la mogo.” Ke e bone, gomme ba e hweditše; gomme ba e apere. Feel a go—go hloka maitshwaro ga basadi go tla ba fase le go nyenyefala kudu! Re ka se kgone go ya fasana bjale; o ka se kgone go ya go befa. O mafelelong! Le a bona, ba ka se tsoge ba ponoka go felela. Aowa, ba . . .

<sup>22</sup> Ke rerile go batho, basadi ka masome a diketekete bao ba se nago le ntshetlana e tee ya diaparo godimo ga bona (le a bona?), masogana, le basadi ba baswa, le bohole, eupša ga ba tsebe ba hlobotše. Le a bona? Ga ba e tsebe. Gomme ka tsela ye basadi ba dirago lehono . . .

<sup>23</sup> Ke be ke bolela bošego bjo bongwe go bagwera ba ka moo re bego re le moragorago godimo ka dithabeng, gomme mo—mo mosadi yo moswa . . . Ke be ke sa tšwa go rapelela lesea la gagwe; le be le na le bolwetši bja go wa dihwahwa; gomme lesea le fodile. Gomme le lennyane, lapa la go šokiša, moragorago godimo ga ntikodiko, seratswana se sennyane sa kgale sa motšoko go dikologa ntlo, le e ka ba dikamora tše pedi ka go yona, le bana ba šupa goba seswai . . . Mosadi yola o šoma (oo, nna!), feela selepe sa mphaphathi ntle fale, ba rema dikgong le dilo, le—le dirapana tša go hlagola, le go khena dilo. Gomme ke lebeletše mosadi wa go šokiša, roko ya go swana a bego a e apere bakeng sa ngwaga goba ye mebedi, gomme e arogana gohle le se sengwe le se sengwe . . . Gomme ke be ke leka go hwetša ye nngwe ya diroko tša Meda go e tšeela tlase go yena beke ya go latela.

<sup>24</sup> Gomme—gomme re lemogile go emeng fale, banabešu ba se bakae le nna, mohumagadi a amuša lesea la gagwe. O nno tloša letswele la gagwe go tloga rokong ya gagwe—go tloga go ya gagwe—go tloga go ya gagwe gomme a thoma go amuša lesea; gomme go bile mohuta wa go makatša lebaka la motsotso; ke ka tsela yeo mme wa ka a nkamušitšego! Ke nnete tlwa.

<sup>25</sup> Ke na le tlhompho ye ntši go mosadi wa go swana le yola go feta ka mo ke dirago ba bangwe ba basadi ba bao ba beilego lešejanā le lennyane la kgale ka tlase ga bona go itahlela ntle bonabeng. Ebile ga ba lebege bjalo ka motho. Ba na le morero ka go dira seo; woo ke wa thobalano, go hlokamodimo. Mosadi a apare diaparo tše dintši kudu le go leka go itira yenamong go lebega boka se sengwe a sego . . . Ke . . . Gobaneng, basadi ga ba—ga ba ka tsela yeo gabotse; ke mohuta tsoko wa dilo tša Hollywood. Gomme moyā wa diabolo o tsena go bona basadi go ba dira ba leke go goga šedi ya monna ka thobalano. Letswele la mosadi le be le filwe yena go lesea go anywa. Yeo ke nnete tlwa. Mosadi o thwi ka mothalong wa segologolo, eupša o mothalong gabotse. Ke na le tlhompho ye ntši go yola, go mosadi yola ka mokgwa woo, ka gore o . . . Yeo ke tsela ye mmagwe a mo godišitšego; yeo ke tsela . . . Ga—ga se ba ke—ga ba ke ba ela šedi ye e itšego go yona. Lesea le anywa thwi ntle go swana le seswantšho sa Madonna seo o tla se bonago. Gomme ge batho ba ka no dira menagano ya bona e dule ka mokgwa woo, go tla fapanā.

<sup>26</sup> Eupša ge o etla go ya ka ntle gomme mohlomongwe go apara e ka ba bontši kudu bja polause goba go ya pele, gomme ka gona wa ithakgafatša ntle kua ka marala le dilo, tše di lebegago go hloka modimo le go dira banna . . . A le a lemoga woo ke moyā wa diabolo godimo ga lena? Kafao ga o nyake go dira seo, kgaetšedi. O se ke wa dira seo; woo ke modirelo wa Hollywood le molaba wa diabolo! Ge o dira seo, o dira banna go nagana selo sa phošo ka wena; gomme ge o dira seo, gona o molato wa go dira bootswa le monna yola, gobane o itšweleeditše wenamong ka tsela yeo go

yena. O ka se kgone go thuša ka tsela ye o agilwego, eupša e no ya gomme o dule ka tsela ye Modimo a go dirilego. Le a bona? O se leke go itira se sengwe se o sego sona. E no dula o le motho. Seo se a befa? Gabotse mohlomongwe seo se araba dipotšišo tše dingwe tša yo mongwe le yena.

<sup>27</sup> Tate wa rena, re a Go leboga lehono bakeng sa Jesu Kriste le bakeng sa go otlologa ga Lentšu. Bjalo ka ge ke Go bona ka go phethagala kudu o dira wona mantšu go tla go phethega, go ntira ke dule le Therešo kudu le lentšu le lengwe le le lengwe la Therešo. Kafao ke a rapela, Tate, gore O tla re šegofatša mosong wo, batho ba ba go ratega. Gomme go tsebeng gore theipi ye e ya ka go mafelo a mantši ao a tla kwago ebile tshwayo yeo e sa tšwago go dirwa bjale... Ga se ke...ga se e naganišwepele; Wena o tseba pelo ya ka. E nno tla mogopolong wa ka, gomme ke a dumela O nyakile ke e bolela. Gomme ke e boletše, gomme go fedile bjale. Gomme—gomme seo ke tlwa diphenyego tša ka le se ke dumelago gore O tla ntira ke se bolele.

<sup>28</sup> A nke mosadi yo mongwe le yo mongwe yoo a kwago seo go kgabaganya dinaga le go dikologa setšhaba le lefase; a nke a be dihlong ka yenamong le go bona se se diregilego, le go ikapeša yenamong boka mohumagadi gona, gore a ka se be molato wa bootswa. Se sebotse, sebopiwa sa go ratega bjalo ka ge O file, karolo ya monna, go ba ka tsela yeo go—go—go tanya šedi ya gagwe morago go yona, bona bobedi ba ke ba be batee, gobane o tšwele monneng. Ke a rapela, Modimo, gore mosadi o tla lemoga gore botse bja gagwe le se a lego sona, bo beetšwe feela go monnamogatša wa gagwe mong. E fe, Tate.

<sup>29</sup> Re a kgopela gore O tla re thuša bjale ge re leka go hlaloša dipotšišo tše. Ga ra lekanela ka dilo tše, eupša a nke Moya wa Gago wo mogolo o tle, Morena, e lego go lekanela ga rena; gomme a nke O arabe potšišo ka dipelong tše ntši. Re a Go leboga bakeng sa se O re filego: *Mabaka A Kereke*, le *Mahuto*, le... Oo, ka fao O šomilego le rena ka go dilo tše kgolo tše maatla tše e bego e le tše kgolo go rena, Morena, ka gore re bona nako ya mafelelo kgauswi.

<sup>30</sup> Bjale, go... naganne e be e atlegile goba e tla atlega bakeng sa Mmušo wa Gago ge nka hlodišša godimo ga batho. Makga a mantši ka tlase ga tlhatho le go boneng dilo tše dintši kudu tša go fapano, gomme o ka se kgone go bea šedi go se tee sa tšona; kafao go naganeng—ke no ba lesa ba ngwala se ba se nagannego pelong ya bona. Gomme morago nka kgona go hlagiša dikgopololo tša bona go tšwa go ntsekana ya pampiri ye ba ngwadilego godimo ga yona, gomme ka gona O re fa karabo ya nnete. Bohle re letile, Morena. Etla ka bogoneng bja rena, Morena, gomme sepelela godimo le fase ga mekgoba, le go šomana le yo mongwe le yo mongwe go ya ka thato ya Gago. Re kgopela ka Leina la Jesu. Amene.

[Lefelo la go se be le selo godimo ga theipi—Mor.] Terry, ke . . . a ke . . . A seo se sa tla ka gare, godimo kua godimo ga ngwa—. . . Ke kgwathile . . . A se se tswalela seo, goba e ka ba eng? Ga se tshwenye. Ke se kgwatha ka seatla sa ka. Ke be ke sa tsebe.

<sup>31</sup> Bjale, bjalo ka ge ke bolela gape bjale, ge re thoma, go—go badiredi goba batho ka dikarolong tša go fapanā tša naga, goba bao ba tla kwago theipi, lena le—lena le . . . Theipi e lokile: ye ke dipotšišo pelong ya batho bao ba lego fa ka tabarenekeleng ye, moo re se nago kerekela, re no kopanela seng. Gomme ke a tshepa gore e tla ba . . . go hlakiša dikgopolo tša rena, gore re tle re tsebe re dire eng le go tseba go phela bokaonana bjang ka morago ga ge potšišo ya rena e arabilwe. Ke a tseba, go no di bala, e be e le tšhegofatšo go nna.

<sup>32</sup> Bjale, ke no ba le tšona di letše fa ka go mokgobo, gomme ke tla šetša le e ka ba metsotsø ye mehlano go fihla go lesomepedi, ke tla phatlalatša. Gomme morago, go tla morago morago ga sekgaleta se ka seripagare sa boselela.

Potšišo ya mathomo ke nago le yona, ke a dumela ke dipotšišo tše tlhano mo mothalong, di ngwadilwe ka go tlanya pampiring ye serolvana.

### 236. Se se ra go reng? Mateo 24:19: “Madimabe go bona bao ba nago le ngwana, le go bona bao baamušago matšatšing ao!”

Ka go se tlwaelege, ke sa tsebe seo, ke be ke eya go bolela se ka mosadi, gomme še mo nakong ye, potšišo ya mathomo.

<sup>33</sup> Bjale, Mateo 24:19. Jesu o botšišitšwe dipotšišo tše tharo. Ka go dipotšišo tše e be e le gore: Nako e tla ba neng go ka se be letlapa le tee le tlogetšwego go le lengwe? gomme, Leswao la go tla ga bofelo bja lefase e tla ba eng? le—le dipotšišo tše tharo tša go fapanā A bilego—A botšišitšwego. Gomme O e arabā ka ditsela tše tharo tša go fapanā, o arabā potšišo ye nngwe le ye nngwe. Go tla ba neng ge go ka se be letlapa le tee godimo ga le lengwe? Gomme leswao la go tla ga Gago e tla ba eng? Gomme leswao la bofelo bja lefase ke eng? Gomme O e arabā ka ditsela tše tharo tša go fapanā. O ba botša nako e tla tla neng ge go ka se be letlapa le tee godimo ga le lengwe; leswao la go tla ga Gagwe e tla ba eng; gomme morago, bofelo bja lefase. Gomme makga a mantši, ge le sa šetše sekgauswi, bjale, ka fao A arabago (le a bona?), o tla e dira e hlakahlakane le go e lahlela ka go nako e tee yohle; gomme nako yeo o hlakahlakane gohle.

<sup>34</sup> Bjale, ga go go nyatša go baena ba rena—ba rena ba Adventist ba ba tšeago se ka kgonthe go ba ka moso. Go tsena ka go thuto yela ya letšatši la bošupa gore: “Rapelang gape gore motšhabo wa lena o se be nakong ya marega goba ka letšatši la Sabatha,” ba rile (le a bona?), ba tla be ba sa boloka Sabatha. E sego go ganetša baena bale, seo se ka se be boka Mokriste go dira seo, eupša feela gore e otlollela godimo. Le a bona?

<sup>35</sup> Lefase lohle la Bokriste le tla kgobelwa bjang ka gare ga leboto, gomme maboto ga se a bulega le go tswalelwa boka a le nako yela. Le a bona? E tla dira phapano efe, gore ge eba e be e le nako ya marega goba nako ya selemo go batho bao ba phetšego ka go lefelo la go dula. Le a bona? E be e no ba bakeng sa Israele e nnoši. Yeo ke ka tlase ga nako yeo go ka se bego letlapa le tee le tlogetšwego godimo ga le lengwe. “Madimabe go bona bao ba nago le ngwana, le go bona bao baamušago matšatšing ao,” gobane mme yo a nago le ngwana (le a bona?), go tla ba thata go yena go tšhaba, le go bao baamušago masea a bona go ba kuka, gobane ba be ba swanetše go tla go tšwa Jerusalema go tšwa toropongkgolo go ya ka . . . godimo ka dithabeng tša Judea.

<sup>36</sup> Gomme bjale, nka no kgona go dula mosong wohle go selo se tee sela kua, go no e dira e kwagale; eupša ke no ya go leka go betha mabalankwe ao nka kgonago, go fihla e fihla go batho, gomme morago ka ya go potšišo ya go latela.

<sup>37</sup> Bjale, Jesu o be a ba boditše gore ba tla . . . “Ge le bona Jerusalema e dikaneditše gohle ke madira, gona a nke yena yoo a lego ka tšhemong, a se boele morago ka go toropokgolo go tšea jase ya gagwe, go tšea e ka ba eng go tšwa ntlong ya gagwe; le se boele morago ka toropongkgolo le gatee, eupša tšhabelang ka Judea, gobane go tla ba nako ya bothata e sgo ya ke ya ba ge e sa le lefase le thoma.” Gomme seo sohle sa tlie sa phethega ka matšatšing ge mogeneralwa Roma, Titose, a rakeletše Jerusalema, a tšhuma toropokgolo, gomme go be go le feela . . . le go bolaya batho go fihla madi a fofa go tšwa dikgorong le go elela ntłe ka . . . ka ntłe mekgotheng. O e rakeletše. Ga ke tsebe feela e bile mengwaga ye mekae, gore o nno tšea madira a gagwe le go tla godimo le go no kampa thwi go dikologa toropokgolo. Gomme ebile le batho, basadi, ba apeile bana ba bona beng le go ba ja, ba ja sekgamathi go tšwa mehlareng, bjang go tloga mobung. Yeo e be e le bakeng sa go gana Lentšu. Seo ke se e hlotšego. Gomme nako yeo . . .

<sup>38</sup> Bjale, bao ba amogetšego Lentšu, bjalo ka ge Josephus, rahistori yo mogolo a ngwala . . . O ba biditše makgema, o rile ba be ba eja mmele wa Monna yo a bitšwago Jesu wa Natsaretha, Yo Pilato a mmapotšego; gomme ba tlie bošego gomme ba utswitše mmele wa Gagwe, gomme batho ba ba o ntšheditše ntłe le go o toka ditoki le go o ja. (Ba be ba tšea Selalelo, le a bona. Ba be ba sa tsebe.) Seo e be e no ba nonwane e eya go dikologa, boka ba na le lehono ka ga rena le ka moka ga Bakriste. Le a bona? Ba bolela dilo tšela, eupša . . .

<sup>39</sup> Bjale, batho bale bao ba bego . . . Lebaka, “Rapelang gore motšhabo wa lena o se be nakong ya marega,” Judea go be go tletše lehlwa. Le a bona, Krisemose? Bjale, Jesu o tswetšwe bjang godimo kua nako yeo ka go tšona dithaba tša go tlala lehlwa? “Rapelang gore go motšhabo wa lena o se be nakong ya marega, ešita ka letšatši la Sabatha,” le a bona, gobane ka

letšatši la Sabatha dikgoro di be di tswaletšwe, gomme ba tla swarwa thwi ka molabeng wa bona. Ge Tito a fihla fale ka—ka—ka Labohlano morago ga sekgalela, ba ile ba rakelelwa ka fale bakeng sa Sabatha, gobane mabati a ile a tswalelwa. Dikgoro di be di tswaletšwe ka Sabatha gomme di se tša bulwa. Go be go se go tsena le go tšwela ntle ga toropokgolo ka letšatši la Sabatha.

<sup>40</sup> Gomme bjale, le bona se se diregilego? Ka gona O rile, “Madimabe go bona ba ba nago le ngwana, le go bona ba ba amušago matšatšing ao,” (le a bona?) gobane go tšhabeng le go kitimeng... Gomme go ya ka histori, go be go se yo motee wa bona yo a dumetšego go Jesu le go dumela Lentšu eupša yo a bego a šeditše seo go direga. Gomme ba phonyokgile, gomme ba ile go tloga Jerusalema go ya Judea, le—le go tšhabiša maphelo a bona, gomme ga go le o tee wa bona... gobane ba seboditšwe ke Modiši wa bona gomme ba be ba šeditše bakeng sa iri yeo go tla. Ge ba kwele Tito o be a etla, ba tlogelatše, ba tšhabiša maphelo a bona, gomme ba tšwela ka ntle ga toropokgolo.

Bjale, potšišo ya go latela e a latela.

**237. Mateo 24:24: “Gomme go tla tsoga baprofeta ba maaka, le bokriste ba maaka, le baprofeta ba maaka, gomme ba tla bontšha maswao a magolo le matete.” Re tla ba lemoga bjang?**

<sup>41</sup> “Go tla tsoga...” Ka go seo bjale le tla pele go theogela ka go lebaka le lengwe. Le a bona? “...tsoga bokriste ba maaka le baprofeta ba maaka.” Kriste wa maaka ke motlotšwa wa maaka, ka baka la gore Kriste ke Motlotšwa. Ke ba bakae ba tsebago gore Kriste go ra “Yena motlotšwa”? Go tla ba batlotšwa ba maaka, gomme ba tla ipitša baprofeta bonabeng. Eupša le tla ba lemoga bjang? Ka Lentšu; ke ka mokgwa wo o tla e tsebago, ka Lentšu, ge eba ba a rereša. Re tla ba lemoga bjang? E tla ba ka Lentšu. Ge ba le... Ge ba bolela gore ba na le Lentšu, gomme ka gona ba gana Lentšu, gona ga go selo go yona, ga go kgathale se ba se dirago. Ba ka no fodiša balwetsi; ba ka no bula mahlo a difofu; gomme ba gana Lentšu, dula kgole le yona. Ga go kgathale se e lego, dula le Lentšu lela go sa kgathale (le a bona?), ka gobane makga a mantši ke bone manka le mehuta yohle ya dilo e direga ka tlase—ka tlase ga phodišo.

<sup>42</sup> Mo go dutše Ngwanešu Sidney Jackson, Kgaetšedi Jackson mosong wo go tšwa Afrika Borwa. A ka kgona go ema godimo mo le go tšea thuto yela gomme ka kgonthe a le botša dilo tše dingwe ka yona tlase kua. Gobaneng kgonthe, batho ba tla go medingwana gomme ba a fodišwa. Le a bona, gobane gobaneng?

<sup>43</sup> Go no swana le Ngk. Hegre o nkgakgauthile nako yela, go nna ke bolela gore diabolo ga a kgone go fodiša. Gomme e rile, “Monna yo a emago pele ga batho ba bantši bjalo ka ge o dira, ka thutamodimo ye bjalo ya go šokiša,” o rile, “o bolela gore diabolo ga a kgone go fodiša.” O rile, “Re na le mosadi

thwi ka boagišaneng bja rena o rwala thethwana go mo raretša, gomme o ya fale; gomme batho ba tla go mo dikologa gomme ba swanetše go lahlela tšelete ka go thethwana ye; nako yeo o tla ba fogohletša le go tšea moriri go tšwa hlogong ya gagwe le madi go tšwa ditšikeng tša bona le—le go e bea godimo ga moriri le go e lahlela ka morago ga gagwe; gomme o gapeleditšwe go lebelela morago go dikologa, bolwetši bo tla morago go batho. Gomme,” o rile, “diphesente tše masometharo tša bona ba a fola. Gomme gona o re diabolo ga a kgone go fodiša?”

<sup>44</sup> Gomme ke naganne, “Oo, nna!” Ke mo ngwaletše morago, gomme ke rile, “Morategi mohlomphegi.” Ke rile, “Ke selo sa go makatša go nna gore deane wa kholetše ya Lutheran o tla thea thutamodimo ya gagwe godimo ga boitemogelo sebakeng sa Lentšu la Modimo.” Le a bona? “Lentšu la Modimo le bolela gore Sathane ga a kgone go lelekela Sathane ntłe. Seo se a e rarolla; Jesu o boletše bjalo.” Ge Sathane... A re, “Gona o ka makala ka fao batho ba ba fodištšwego ka seo, senoge sela, ke ka gobane batho bonabeng ba nagana ba batamela Modimo ka senoge sela. Gomme phodišo e theilwe godimo ga tumelo, e sego godimo ga ka fao o lokilego, ka fao o lokilego, ke bontši gakaakang o bolokago melao, goba e ka ba eng e lego, e theilwe ka go felelela godimo ga tumelo. ‘Dilo tšohle di a kgonega go bona bao ba dumelago!’ Le a bona? Ga se go thewe godimo ga ka fao o lokilego. Ke bone bommalegogwana ba etla sefaleng gomme ba fola semetseng gomme mosadi mokgethwa a tshela sefala gomme a e foša. Kgonthe, e theilwe godimo ga tumelo, ‘Ge o ka dumela,’ e sego godimo ga tokو.”

<sup>45</sup> Lebelelang tlase mo ka Fora moo ba yago go sebatlabadimo sa mosadi yola, ba ya ka fale ka ditulo tša bagolofadi gomme ba tšwela ntłe ba sepela, e sego godimo ga selo eupša tumelokhweli ya go seka, ge e ka ba eng, bosemoya, go rapela motho wa go hwa. Le a bona? Gomme efela ba a fodišwa, gobane ba nagana ba batamela Modimo. Bjale, e sego go goboša batho ba Katoliki, ke goboša tshepedišo ya Katoliki, feela boka ke le tshepedišo ya Protestant (le a bona?), dilo tšohle tše.

<sup>46</sup> Bjale, badiredi, ke a tseba se se ya go kgeilela ka gare, eupša ke araba dipotšišo; gomme ke nyaka—ke nyaka le kwešiše seo (le a bona?) ke no—no le botša Therešo go tšwa pelong ya ka; Kriste pele ga ka bokaonekaone bja tsebo ya ka. Le a bona? Ke ditshepedišo tšohle, gomme ditshepedišo tše di tatetša batho boka... Batho ba ya go tšoena Methodist, Baptist, Presbyterian, Mapentecostal, Katoliki; gomme ba nagana ba batamela Modimo ge ba no ya go kgabola tshepedišo. Modimo o a e hlompha dinako tše dingwe le go tloša malwetši a bona—a bona go bona ka medingwana. Gabotse, thwi ka go Bakgothu ba Afrika ba hwetša phodišo ka medingwana le go ya pele (le a bona?), eupša ba nagana ba batamela Modimo.

<sup>47</sup> Le nagana nnane wa Katoliki o a ya le go tšoena bo—bo bokatišadinnane bja Katoliki gobane o nyaka go ba mosadi yo mobe? O tšoena bokatišadinnane bjola ka gore o nyaka go ba mosadi wa go loka. Monna ga a ye go tšoena kereke ya Katoliki go no ba monna yo mobe; o ya kua go tšoena go ba monna wa go loka. Ga o . . . O re, “Gabotse, ke eng?” Ešita le bale ga ba . . . ešita le Moindia ka India ga a dire, goba Mohindu go tšoena Bohindu go ba motho yo mobe.

<sup>48</sup> Ge ke ile ka tempeleng ya—ya Majain, moo ke botšišollotšwego fale ke moprista yola, boka mopapa a dutše godimo ga mosamelo wo mogolo, maoto a gagwe a tatagane ka tlase ga gagwe, a swere menwana ya gagwe, ka pono ye bjalo ya mahlo gore o ngwadile papetšo ya Lengwalo la Pesaleme ya 23 ka leihlo la gagwe la go ponoka godimo ga ntsetlana ya tshipi yeo e bego e le gannyane go feta . . . e sego bontši go feta kotara ya intšhi. Bjale, gomme go ka godimo ga go fa mabaka go itšego ga motho go e ngwala, gomme o e tlokile fale ka leihlo la gagwe la tlhago; gomme o be a le monna bogolo bja mengwaga ye masomenne goba bokaonana. Le a bona?

<sup>49</sup> Gobaneng kgonthé, o—o no dula tikologong fa, go no kwa ka ga Methodist, Baptist, Presbyterian; o swanetše go ya ntle le go tsena ka mašemong a boromiwa nako ye nngwe. Dira dilo go bula mahlo a gago! Le a bona?

<sup>50</sup> Bjale, le nagana gore bohole dikgaetšedi di dutšego kua; ebile ba ka se . . . ba ka se apee; ba ka se je; ba swanetše go kgopela se sengwe le se sengwe seo ba se hwetšago. Ba ka se ke . . . ba dira dimmopo tše nnyane ka diatla tša bona go gamola ditšošwane le dilo go tloga mokgotheng, gobane ba dumela go go phela gape ka go se sengwe; ba ka no ba ba gata motswalle wa bona. Ba ka se gate ditšošwane, ba bolaya difofi, goba selo; ebile ga ba hlwekiše thipa go dira karo monwaneng. Ba lesa motho a hwe, gobane ba bolaya twatši; e ka no ba ya bona . . . ba bangwe ba motswalo wa bona ba boela morago. Le a bona? O tšwelapele o eba bokaonana, le bokaonana, le bokaonana; mafelelong, o ba motho, motho yo mokaonana, le go ya pele le pele boka, go fihla o eba modimo. Go no ya pele, le pele, le pele, go dikologa, go ba bokaonana le bokaonana.

<sup>51</sup> Bjale, ga ba dire seo go ba batho ba babe. Ba dira seo ka tlhokofalo, eupša le a bona, “Go na le tsela ye e bonalago e lokile go motho.” Go ne selo se tee feela, batho, seo ke tsebago go le botša bjalo ka—bjalo ka tlelase mosong wo go dipotšišo tše, ke Lentšu, Lentšu la Modimo. Gona le a dumela gore Jesu Kriste ke Lentšu leo, gomme Lentšu leo le dirilwe nama bjale magareng ga rena, go phethagatša tlwa se A boletšego gore O tla se dira ka lebakeng le. Go lokile.

Bjale, ke ka mokgwa wo o tla ba tsebago, e sego ka kereke ya bona, e sego ka thutotumelo ya bona, e sego ka leswao la bona, e

sego ka dikerekemaina tša bona, e sego ka phodišo e ka ba efe, e sego ka e ka ba eng, eupša ka Lentšu. Le a bona?

**238. Mateo 24:26 (ya go latela) e bolela ka “kamora ye e itšego” le “ka mafelong a leganata.” Se se ra go reng?**

<sup>52</sup> Go ra gore go tla ba le balwalekriste, balwantšhatlotšo, le go ya pele. Gomme ke eng *molwa*? *Molwa*- ke “kgahlanong.” E tla ba dibopiwa tše tša go swana kgahlanong le Lentšu. “Gomme ba tla ba ka leganateng le ka dikamora tša sephiri.” Ka gona O rile, “Le se ke la ya ka morago ga yona. Tlogang go yona.” Le a bona?

Bjale, potšišo ya bone:

**239. Mateo 24:28: (Motho o tla thwi fase. Ga se ba ke ba e saena; ee ba dirile. Ke kgopela tshwarelo. Nka se bitše maina a, gobane ga go bohlokwa. Le a bona?) Mateo 24:28: “Ka gobane moo go lego setoto, dintšhu di tla kgobokana mmogo.” Setoto ke mang gomme dintšhu ke bomang?**

<sup>53</sup> Bjale, yeo ke potšišo ye botse, ga go selo sa phošo ka yeo! Setoto ke eng? Setoto ke se dintšhu di se jago. Bjale, ntšhu e tšewa ka Beibeleng, moprofeta. Moprofeta ke ntšhu. Modimo—Modimo o ipitša ntšhu Yenamong, gomme re “dintšhunyana” gona, ba—ba badumedi. Le a bona? Gomme setoto se ba se jago ke eng? Ke Lentšu. E ka ba kae Lentšu le lego, tlhago ya therešo ya nonyana e tla ipontšha yonamong. Le a bona? Ntšhu, ye e nyakago nama ye mpsha, e swanetše go ba le nama ya yona ye mpsha. Yena ga se—ga se legokubu (le a bona?), ke ntšhu. O ka se kgone go fa dilo tša kerekeleina go yena; o swanetše go ba le dijo tša ntšhu; seo ke sejo sa kgafetšakgafetša, e sego se Moshe a se dirilego, e sego se yo mongwe gape a se dirilego, e sego se Sankey, Finney, Knox, Calvin, eupša thwi bjale, Nama ye e bolailwego bakeng sa letšatši le. Gomme yeo ke karolo ya Kriste ye e hwilego go dira Lentšu le go tiišetšwa. Seo ke se ba se jago. Le a e hwetša? Le a bona, le a bona?

<sup>54</sup> E sego se Noage a se dirilego, se Moshe a se dirilego, ke bona mehlala; re a bona le go bala se ba se dirilego, eupša ke se A tshepišitšego go se dira bjale. O be a le Lentšu morago kua; leo e be e le Setoto sa letšatši lela. Letšatši la—la Wesley e be e le setoto sa letšatši lela; letšatši la Luther e be e le setoto sa letšatši lela; eupša ga ba ye morago go seo. Seo se šetše se senyegile. Se se tlogetšwego godimo se swanetše go tšhungwa, sa Selalelo ebile; le se ke la se šadišetša moloko wo o latelago. Beibele e rile ge le tše Selalelo, se se šetšego go sona, ebile o se se dumelele go robala go fihla mosong; se tšuma. Kafao go šupa morago go seo? Aowa, mohlomphegi! Re na le Dijo tše mpsha lehono; leo ke Lentšu le le tshepišitšwego iring ye, le dirwa go bonagala ka iring ye. Fao ke mo dintšhu di lego, moo setoto se lego. Re ka kgona go dula nako ye telele go seo, eupša ke na le nnete le kwešiša se ke se rago.

Go lokile, potšišo ya bohlano:

**240. A Monyalwa o tla kgobelwa mmogo ka lefelong le tee ka Tlthatlogong, gomme a e tla ba ka Bodikela?**

<sup>55</sup> Aowa, ga gwa swanelo go ba fao. Ya, Monyalwa o tla kgobelwa mmogo ka lefelong le tee. Yeo ke therešo, eupša e sego go fihlela tsogo. Le a bona? “Gobane rena ba re phelago le go šadišetšwa go tla ga Morena...” Baefeso, goba, Bathesalonika ba Bobedi tema ya 5, ke a dumela ke yona. “Rena ba re phelago gomme ra šadišetšwa go tla ga Morena re ka se thibebe (goba go šitiša) bao ba robetšego (tšekelele); ka gore phalafala ya Modimo e tla lla, gomme buhu ka go Kriste ba tla tsoga, gomme re tla ubulelwa godimo mmogo le bona go gahlanetsa Morena sebakabakeng.” Kagona, Monyalwa ohle o tla ba mmogo ge O eya go kopana le Morena. Le a bona? O tla ba mmogo, eupša ga go re ka bohlokwa gore re... bohole ba swanetše go be ba dutse lefelong le tee boka le; gobane Monyalwa o robetše ka leroleng la lefase go rarela lefase, go tloga Arctic go ya ditropiking, le go tloga—go tloga bohlabeleda go ya bodikela, go tloga leboa go ya borwa.

<sup>56</sup> Jesu o rile, “Ge Morwa wa motho a tla bonagala,” gobaneng o rile, “go tla ba boka seetša seo se phadimago go tšwa bohlabeleda ebole se eya ka bodikela.” Selo ka moka, go tla ba le tsogo, Tlthatlogo, gomme O tla tloga. Gomme pele A ka tsoge a ya godimo go kopana le Yena...

<sup>57</sup> Šetšang bohlale bja Morena. Bjale, a re reng, mohlala, go boleleng se... Ke bolela se ka dikgopololo tša mogau le tumelo ka go Lentšu, gore ke re “rena.” Ke itahlela nnamong ka gare lena bohole gomme nna—gomme le Mmele ka moka wa Kriste, tšekelele. Ke—ke dumela seo. Ge ke re “rena” gona, ke ra, ka mogau ke—ke a e dumela. Ka tumelo ke e dumela ka go mogau wa Gagwe, gore re tla ba magareng ga batho bale bao ba tla ubulelwago godimo.

<sup>58</sup> Bjale, selo sa pele se diregago ge re tsošitšwe... Ba ba phelago ba tla no šala... Tsogo e tla dula ka gare pele, tsogo ya bao ba robetšego. Go tla ba le nako ya go phafošwa, le bale ba robetšego ka leroleng bjale, e sego bao ba robetšego ka sebeng, gobane ba robala thwi go ya pele. Ga ba phafogé lebaka la mengwaga ye mengwe ye sekete. Eupša bao ba—ba robetšego leroleng ba tla tsošwa pele, gomme ba tla... mebele ye ya go senyega e tla apara go se senyege ka go mogau wa tlthatlogo wa Morena. Gomme ka gona bohole re tla tla mmogo. Gomme ge ba thoma go tla mmogo, gona rena ba re phelago le go šala re tla fetolwa. Mebele ye ya go hwa e ka se bone lehu, eupša feela ka pela, go tla ba boka go swiela go eya godimo ga rena, gomme o a fetošwa. O boetšwa morago boka Abraham a bile, go tloga go mokgalabje go ya go lesogana, go tloga go mokgekolo go ya go mosadi yo moswa. Phetošo ye ya ka pela ke eng? Gomme ka morago ga lebakana o—o sepela bjalo ka mogopolo, gomme o kgona go bona bao nako yeo ba ba šetšego ba tsošitšwe. Oo, a

iri! Gona re tla kgobokana le bona gomme morago ra ubulelwā godimo le bona go gahlanetšā Morena sebakabakeng.

<sup>59</sup> Ga go bohlokwa, ge malome wa gago a bolokilwe tlase ka borwa bja Kentucky, ge a swanetše go tlišwa godimo ka Indiana, goba go bolokwa ka Indiana go swanetše go tšeelwa borwa bja Kentucky. Ga go kgathale mo a lego... Bona ba hwilego ka lewatleng ba tla tsoga go tšwa lewatleng. Bao ba bego ba sentšwe ka go arena yela le go lewa ke ditau, bale ba lahletšwego ka leubeng la mollo gomme eibile le marapo a bona a ka se tlogelwe goba lerole, ba tla tsoga! Ge eba ba be ba le ka dithokgweng tša tropiki tša Borwa, goba ka go mafelo a go kgahla a Leboa, ba tla tsoga go tšwa bahung le go fetolwa le go tlišwa godimo; gomme ba ba phelago ba tla fetolwa ka nakwana, ponyo ya leihlo gomme ba tšeelwa godimo mmogo.

<sup>60</sup> Lebelelang baromiwa ba ba hwilego tlase kua ka mašemong a Afrika. Ba lebeleleng ba ba hwilego godimo mošola ka go—ka go—go bottlase bja dikgao tša go kgahla tša Leboa. Lebelelang bona ba ba hwilego ka areneng, gohlegohle lefaseng, ka Congo, le gohle go dikologa go kgabaganya lefase. Ba hwile mogohle, China, Japane, go dikologa lefase; gomme go tla ga Morena go tla ba tšekelele, Tlhatlogo ye e tla dira.

<sup>61</sup> Šetšang phetogo. “Go tla ba ba babedi malaong; Ke tla tšeа o tee gomme ka tlogela o tee,” nakwana ya go swana, “Go tla ba ba babedi ka tšhemong; Ke tla tšeа o tee gomme ka tlogela o tee,” yo motee ka go lehlakore la leswiswi la lefase le yo motee ka go lehlakore la seetša la lefase. Le a bona? E tla ba Tlhatlogo ya tšekelele. Ee, Kereke yohle e tla ba mmogo, eupša ka morago, ka morago ga tsogo le Tlhatlogo e tlide ka gare.

<sup>62</sup> Bjale, ge yeo e se tsela le e bonago, gabaneng, seo se lokile bjale. Ga ke bolele tlwa ge ke bolela seo; re gatiša ye. Le a bona? Gomme e ka no ba badiredi ba bangwe ba ba ganetšanago le seo. Seo se lokile.

**241. Morategi Ngwanešu Branham, potšišo ya ka e godimo ga kolobetšo. Motho o phološitšwe neng? Ke kwele e bile ge motho a dumetše. Ba bangwe ba bolela gore ge o amogela Moya wo Mokgethwa o phološitšwe, le ge o se wa kolobetšwa ka meetseng, bjalo ka tabeng ya Koronelio ka go Ditiro 10:47. Ba bangwe ba re Paulo o phološitšwe mo tseleng go ya Damaseko, eupša ka go Ditiro 22:16, e bolela gore o be a sa ne dibe tša gagwe matšatši a mararo moragwana. A motho a ka kolobetšwa ka Moya wo Mokgethwa bjalo ka ge Koronelio a bile, gomme a sa na le dibe tša gagwe, gobane o be a se ne kolobetšo ya meetse, go, goba mokgoba wa motho go ya Legodimong e sego go fiha a bile le kolobetšo ya meetse, eibile le ge a ne Moya wo Mokgethwa?**

<sup>63</sup> Bjale, mogwera wa ka yo bohlokwa... Bjale, ngwanešu yo o saena leina la gagwe; ga ke mo tsebe, eupša o saena leina la gagwe. Eupša nka—nka se bitše maina, gobane ga go bohlokwa; gobane batho ba bangwe ba tla be ba etla go bona le go re, “Gabotse, ke—ke ganetšana le wena go *se le sela*.” Le a bona? Gomme nka se no bitša maina. Bontšintši bja tše di ne maina a bona a saennwe, eupša ke... feels go nna. Le a bona? Ke di bea morago ka fa, gore ke kgone go di boloka. Kafao e no ba mongwalo wo bolou; tše dingwe tša yona di tlantšwe le ditsela tša go fapano.

<sup>64</sup> Bjale, potšišo fa pele e bile: “Ke neng o phološwago?” Gomme ya go latela, se... latela ye, “A dibe di ka kgonia go tlošwa ka ntile ga kolobetšo ya meetse, gobane Koronelio o be a amogetše Moya wo Mokgethwa, yena le ntlo ya gagwe, gomme ba be ba sešo ba kolobetšwa ka meetseng.” Gomme Paulo o be a se... morago ga ge a kopane le boitemogelo bja gagwe ka... tseleng go ya Damaseko, yena, gape, o be a sa na le dibe tša gagwe godimo ga gagwe go fihla a kolobetšwa; gobane e rile (Ke badile Mangwalo ohle a go kgabola gape go ba le kgonthe)... Gomme kafao e be e le... O rile, “Tsoga gomme o ye ka go otloga gomme o kolobetšwe, o bitše Leina la Morena, kolobetšwa, go beng le dibe tša gago di lebaletšwe (go tlošwa), le—le go ya go bitša Leina la Morena.”

<sup>65</sup> Gomme ka gona, “A kolobetšo ya Moya wo Mokgethwa... motho a ka kolobetšwa ka Wona gomme a šala a sa ne dibe tša bona gomme a se—gomme a se a kolobetšwa ka meetseng.”

<sup>66</sup> “A mokgoba wa motho go ya Legodimong o netefaditšwe ge a kolobeditše, le ge ba ne Moya wo Mokgethwa; efela ba swanetše go kolobetšwa ka meetseng, pele ga ge mokgoba wa bona o netefaleditšwe go ya Legodimong?” Bjale, ke a dumela... Bjale, ga ke—ga ke tsebe ngwanešu yo, gomme yeo ke potšišo ye botse kudu le ye bohlale. Gomme e swanetše go šogwa ka botelele, ka gore go bohlokwa gore re tsebe dilo tše. Le a bona?

<sup>67</sup> Bjale, ke mohuta wa go dumela gore ngwanešu a ka no be a bolela go nna goba go ntira go e bolela Bjale, ke mohuta wa go dumela gore ngwanešu a ka no be a bolela go nna goba go ntira go e bolela (goba mohlomongwe o dumela go yona, ga ke tsebe) le... ka se sengwe seo ke naganago se no ba ye—ye nnyane nthathana kgahlanong le ya kgonthe, tumelo ya therešo ka go Lentšu. Ke... Se se kwagala boka ngwanešu a re... Bjale, go lokilego, Ngwanešu; o ka no ba o dutše fa; gomme seo se lokile. Ke—ke nagana yeo ke ye sebotse... Ke thabile kudu o e beile godimo mo. Bjale, le a bona? Eupša ga ke dumele go kolobetšwa ka meetseng go tswaloleswa (le a bona?), ka gore ge o dira, seo se tloša Madi. Le a bona? O kolobetšwa ka meetseng go laetša gore tswaloleswa e diregile. Le a bona? Seo e no ba sa ka ntile... leswao la tswaloleswa. Selo ka moka se khutša ka go ikgetha godimo ga kgethelopele. Le a bona? Eupša ga re tsebe ke mang a

lego gomme ke mang a sego; kagona, re rera Ebangedi. Ka tumelo re no ya go rera.

<sup>68</sup> Eupša go tswaloleswa bjale, fao ke mo ke fapanago le baena ba Oneness. Gomme lena baena ba Oneness ba le kwago theipi ye ya dipotšišo, ge e ka wela ka ofising ya lena, goba ntlong ya lena, goba magareng ga lena batho bao e logo batho ba Oneness, le se nkwele thoko, bjale, gore ke—ke—feela gobane re a ganetšana.

<sup>69</sup> Nna le mosadimogatša wa ka re a ganetšana; nnete re a dira. Ke a mmotša ke a mo rata, gomme o re ga a dumele ke a dira. Kafao gona—kafao gona ka kgonthre re a ganetšana, eupša ke a le botša, ka kgonthre re ya mmogo gabotse.

<sup>70</sup> Bjale hlokamelang. Mohlomongwe ga ke bontšhe maswao a go lekanela go yena, gore ke a se dirago. Eupša ke ka ntle go rera, ka gona ke tla gae gomme ka hwetša kota ya ka ya go thea dihlapi gomme ka ya go thea dihlapi. Le a bona? Eupša tlase ka pelong ya ka ke a mo rata; ke no swanela go dula kgole le yena, yeo ke phetho.

<sup>71</sup> Bjale, hlokamelang ka go se... Bjale, ge re ganetšana, go lokile; eupša le a bona, meetse ga a tloše dibe; ke go araba go ya go letswalo le lebotse.

<sup>72</sup> Bjale, ke dumela lebaka leo Paulo a ilego a swanela go kolobetšwa fale, ka gobane ke semmušo gomme go bohlokwa ka Beibeleng gore re kolobetšwe. Gobane ke tseela thwi morago go se gona: ge lehodu le lekeletše sefapanong... Gomme o hwile ntle le go kolobetšwa le gatee, gomme go le bjalo ka tshepišo gore Jesu o tla kopana le yena ka Paradeising letšatši lela; ka Paradeising, e sego ka dikgaong tša balahlegi, gobane e bile lekga la mathomo sebakabotse se neetšwe go yena.

<sup>73</sup> Gomme ke a dumela maemo a go swana a bile le dipelo tšela kua ntlong ya Koronelio ge ba amogetše Lentšu la Modimo ka lethabo. Gomme Moya wo Mokgethwa ke Lentšu lela le phedištšwego, gomme Le ile la phedišwa go bona. Ke ka lebaka leo Moya wo Mokgethwa o thoma go bolela ntle ka maleme a mangwe le seprofeto. E be e le dipelo tša leamogelo tša batho bao Lentšu le wetšego ka go bona tšohle tša kagodimogatlhago.

<sup>74</sup> Seo ke se se nkgakantšago lehono ka go iri ye re phelago ka go yona. Ka morago ga ge sehlopha sela sa Baroma se bile le bo... le Bagerike, bjalo ka ge ba bile, ba nno bona ponagatšo ya pono e dirilwe nnete, Moya wo Mokgethwa o phafositše tšona dipelo go fihla ge Petro a sa bolela mantšu a, Moya wo Mokgethwa wa wela godimo ga bona. Le a bona?

<sup>75</sup> Go no swana le... Le a bona, Koronelio o rile, "Eya o bitše..." O be a le molaki, gomme yoo o tla "molaolalekgolo" o tšwa go lekgolo. O be a le ka godimo ga banna ba lekgolo. Ke molaolalekgolo wa Roma; gomme o be a—o be a bone pono ge a be a rapela, gomme Morongwa a tla go yena. O be a le monna wa go loka. O rile, "Eya tlase Joppa. Simone yo mongwe, mošogi,

gomme go ne yo mongwe a bitšwago Simone Petro. O godimo . . . O tla mo hwetša fao, gomme o tla tla go go botša Mantšu.”

<sup>76</sup> Gabotse, o naganne pono e be e le kgonthé kudu. “Nkabe ke se ka robala; ke be ke lebeletše thwi go mo—mo Morongwa.” Kafao o rometše ba bangwe ba mašole a gagwe a go tshepega kudukudu.

<sup>77</sup> Gomme ge a le fale, Modimo o be a dira moapostola komana ka mafelelong a mangwe a mothalo. Gomme O rile, “Bjale, tsoga.” O rile . . . Go boneng o be a le godimo ntlhoreng ya ngwako a letile go . . . Mdi. Simone go lokiša matena. Gomme ge a be a sa le godimo kua . . . O be a swerwe ke tlala, go molaleng a sepela, moapostola o be a, go kgabola ma—ma maganata. Gomme—gomme o be a robetše godimo kua ntlong feela pele ga matena, godimo ga ntlhora ya ntlo, bjalo ka ge e be e le setlwaeidi. Ba sa dira selo sa go swana, ba robala godimo ga tlhaka, gomme dinako tše dingwe ba theoga lelere gomme dinako tše dingwe ba a gatela le dilo, go tloga tlhakeng; go dula godimo kua ka botšididing bja mantšiboa.

<sup>78</sup> Eupša moapostola o robetše, gomme ge a be a sa le ka borokong, o ile bokagodimo ga boroko ka go mantladima; gomme ka gona o bone lephephe le etla fase le tšohle tša ditšhila le dilo ka go lona, gomme o kwele Segalontšu se re, “Tsoga, bolaya gomme o je.”

O rile, “Ga go bjalo, Morena, ga se gona se kilego sa ke sa tla ka molomong wa ka sa ditšhila.”

<sup>79</sup> Bjale, le a bona, go na le pono. Bjale, šetšang! Yeo e swanetše go hlathollwa. Bjale, seo se bonala eke Petro o ya go tšea lesolo la go tsoma gomme o be a eya go hwetša mohuta tsoko wa phoofolo a sa nkago a e ja pele le go leka go e ja. O rile, “Ga go bjalo, Morena, ga—ga se nke ka ke ka ba le e ka ba eng ya ditšhila e etla ka go dipounama tša ka.”

<sup>80</sup> O rile, “O se bitše seo sa go hlweka se Ke se dirago . . . go se hlweke se Ke se dirago go hlweka.” O rile, “Tsoga, go ne banne ba go letilego kgorong. Sepela, o se belaele selo.” Nako ya go swana ba be ba kokota mo lebateng. [Ngwanešu Branham o kokota phuluphitthing—Mor.]

<sup>81</sup> Bjale, le a bona? Gomme gona ge a hweditše monna yo fale, masole a a go botega, feela go ya ka pono . . . Gomme ſeba ba tla morago le yena monna yoo Modimo a mmoletšeego ka ponong . . . motho wa go se tsebjie, feela motheadihlapi yo monnyane wa go se tsebjie. Eupša magareng ga sehlopha se sennyane sela, go be go le bohlokwa kudu gore a hwetše motheadihlapi yo monnyane yo. Gomme šo o godimo mo o tla ka ntlong bjale, lona lefelo moo a bonego pono. Koronelio o kgobile batho bohole mmogo gomme o rile, “Gobaneng, e no ba tlwa ka tsela ye ke e bonego.” Gomme nako yeo Petro o emeletše gomme a thoma go bolela ka ga ka fao ba amogetšeego Moya wo Mokgethwa, gomme ge a sa bolela . . . !

Ba be ba bone se sengwe le se sengwe ka go phethagala kudu ka lenaneo la pono e tee. Sehlopha sa batho ba ba bego ba le Bantle, bao ba bonego pono e tee e bonagatšwa, gomme ba kwele Lentšu la Therešo gore ka fao ba tla amogelago Bophelo; gomme Moya wo Mokgethwa wa wela godimo ga bona pele ebile ba kolobetšwa.

<sup>82</sup> O swanetše go dira eng go tabarenekele ye mosong wo? Balwetši, batlaišwa, difofu, difoa, dimuma, mo—mo modiradibe, se sengwe le se sengwe . . . E nong go nagana, go tšwa go dilo tše dikete tše lesome, ga go nako e tee mo e kilego ya šitwa ntsekana e tee! Gobaneng, go swanetše go bea dipelo tša rena go lauma!

<sup>83</sup> Bjale, bjale, yena efela, ge a sa bolela mantšu a, Moya wo Mokgethwa o wele. Ka gona Petro o rile, “A re ka kgona go thibela meetse, go boneng gore ba ba amogetše Moya wo Mokgethwa boka re dirile.” Ke a dumela dibe tša bona di be di šetše di ile, ka gore Moya wo Mokgethwa o be o ka se tle ka gare; gomme A ka be a se a tla ka gare ntle le ge go ka be go bile sebjana se se kgethetšwegopele. O tsebile gore ba tla latela. O tsebile . . .

<sup>84</sup> Ke a dumela Paulo, lebaka leo a ilego a swanela go kolobetšwa gape ke, o ile a hlomara Bakriste. Yeo ke nnete. Gomme Yena, Modimo o tsebile, gobane O rile, “Ke mo kgethile,” O rile go Anania, moprofeta. Ge A tsebile gore Saulo o be a le tlase fale ka kamoreng, sefahlego se fifaditšwego le mahlo a maso, gomme o tla—o tla rapela thata kudu le lerole gohle godimo ga gagwe, gomme o be a foufaditšwe go tšwa go Pilara ya Mollo yeo e bonagetšego go yena mo tseleng tlase; gomme O rile, “Ke mo kgethile sebjana go Bantle.” Modimo o tsebile gore—gore Anania o tla kgona go mo kolobetša Leineng la Jesu Kriste ka Nokeng ya Damaseko matšatši a mararo moragwana. Eupša ke a dumela dibe tša gagwe di be di šetše di tlositšwe, eupša o ile a swanela go dira se go bontšha lefase. Gomme ke a dumela gore leo ke lebaka le re swanetšego go kolobetšwa Leineng la Jesu Kriste. Gomme ke a dumela peu ye e kgethetšwegopele e tla e bona, gomme feela bona ba tla e bona.

<sup>85</sup> Bjale, banešu ba tumelo ya thrinitarian, ga ke lahle se go tloga go lena, ngwanešu morategi wa ka, ke no araba dipotšišo. Ke no fa megopoloy ya ka ya therešo ka yona. Theipi ye e ka no ba nako ye nngwe e tatologela godimo ka Afrika. Ke a dumela gore re ka go meriti ya go Tla ga Gagwe. Bohle re dumela seo.

Ke na le bagwera ba bohlokwa, duPlessis le boSchoeman, le bohle, Yeager, le bona banešu ba bakaone ka—ka Afrika Borwa. Eupša ka mehla go na le yo mongwe yo a nogo go itlhaola ka go bophelo bja monna. Gomme go banna bohle bao—gomme ke ba rata feela go ratega bjalo ka ge ke rata ngwanešu yo, feela go ratega, eupša Ngwanešu Jackson le mosadimogatša wa gagwe ka mehla ba itlhaotše ka bophelong bja ka. Ke be ke no se kgone go e kwešiša; o—o itlhaotše. Bjale, go na le Justus duPlessis, mogwera

wa hlogo ya kgomo, gomme oo, bontši kudu bja bale ba bakaone, baena le dikgaetšedi tše kaone tša Afrikaans.

<sup>86</sup> Gabotse, gobaneng Ngwanešu Jackson le mosadimogatša wa gagwe ba itlhaotše go nna? Gobane o be a le motsomi? Aowa! Gobane ke ne bontši bja bagwera ba batsomi ba bakaone tlase fale. Eupša gobaneng a itlhaotše? Gomme gobaneng? Ge feelsa le ka be le tsebile sephiri ka morago ga se sohle. Eupša ga ke botše batho diphiri tšohle ke di tsebago. Gabotse, gobaneng go bile ka iri ya go swana yeo Morena a rilego, “Ikopanye le Sidney Jackson ka Afrika Borwa,” Morena o boletše le Sidney Jackson go tla mo? Lamorena beke o ile a kolobetšwa, yena le mosadimogatša wa gagwe, Leineng la Jesu Kriste, thwi fa mo nakong ya moriti. Le a bona, o kgethetšwepele go taba. Le a bona?

<sup>87</sup> Bjale, ke a dumela gore le—le—le phološitšwe ka go amogela Jesu Kriste. Gomme kolobetšo ya meetse ke tlhagišo ya ka ntle go bontšha gore se sengwe ka gare se diregile, ka baka la gore meetse ga a na le bokwala; e no ba seswantšho. Gomme ke a dumela gore o phološitšwe ge o . . .

<sup>88</sup> Bjale, go ne batho ba bantši (a nke ke otlolle se go ngwanešu) . . . Go na le batho ba bantši bao ba . . . ba rego ba phološitšwe; ba bantši ba kolobeditšwe Leineng la Jesu; ba bantši ba bolela ka maleme, le go ba le mehuta yohle ya maswao a Moya wo Mokgethwa, gomme go le bjalo ebile ga se ba phološwa. Yeo ke nnete. “Ba bantši ba tla tla go Nna ka letšatši leo gomme ba re, ‘Morena, a ga ka profeta ka Leina la Gago?’ (moreri) ‘A ga ka, ka Leina la Gago, ka lelekela bodiabolo ntle le go dira mediro ye mentši ye maatla.’” O be a tla re, “Tlogang go Nna, lena badiri ba bokgopo; Nna ebile ga se ka ke ka le tseba.” Le a bona? Kafao diilo tše tšohle, efela ke—ke—ke Modimo; e ka diatleng tša Gagwe. Eupša ge ke bona seo . . .

<sup>89</sup> Le re, “Gabotse gona, gobaneng o biletša batho go kolobetšwagape?” Ke ka gobane ke latela phethene ya mathomo. Re ka se lahlegelwe ke mothalobolou wola.

<sup>90</sup> Bjale, re tše moapostola Paulo ge a hweditše barutiwa ba ba itšego bao ba bego ba le batho ba go makatša. Ke a dumela ba phološitšwe, gomme efela ga se ba kolobetšwa Leineng la Jesu Kriste, le ge ba kolobeditšwe (Ditiro 19). Paulo o fetile go kgabola lebopo la tletlelo la Efeso; o hwetša barutiwa ba ba itšego. Gomme o rile go bona, “A le amogetše Moya wo Mokgethwa ge e sa le le dumetše?”

Gomme ba rile go yena, “Ga re tsebe ka ga Moya wo Mokgethwa, ge eba go ne Moya wo Mokgethwa wo itšego.”

O rile, “Gona le kolobeditšwe ka efe?”

Ba rile, “Re kolobeditšwe. Johane o re kolobeditše, monna wa go swana yoo a kolobeditšego Jesu.” Yeo ke kolobetšo ye botse.

<sup>91</sup> Šetšang moapostola yo wa go tia le ge go le bjalo. O rile, "Eupša Johane o kolobeditše feela go tshokologo," e sego go tlošwa ga dibe, gobane Sehlabelo se be se se sa bolawa, o kolobeditše go sona... Gomme ge ba kwele se, ba ile ba kolobetšwagape Leineng la Jesu Kriste, gomme Moya wo Mokgethwa wa tla godimo ga bona.

<sup>92</sup> Bjale, se se dirile eng? Se laeditše gore batho ba ba bego ba kgethetšwepele go ya ka Bophelong, ka pela ge ba bone Therešo ya Lengwalo, ba sepetše ka Therešong gomme ba amogetše mopotso wa modumedi: Moya wo Mokgethwa o tlie godimo ga bona, gomme ba boletše ka maleme, ba profetile, ba godiša Modimo. Le a e hwetša bjale? Le a bona? Ba dirile seo morago ga ge ba šetše ba bile le thabo ye kgolo, ba goeletša, le go tumiša Modimo.

<sup>93</sup> Ka Beibeleng ba be ba na le moreri wa Baptist godimo kua; o ile a kolobetšwa le yena. Eupša o be a le, gomme o ile—netefaditšwe ka—ka Beibele gore Jesu o be a le Kriste. Gomme batho ba bile le thabo ye kgolo, gomme ba be ba nno thaba kudu godimo ga yona; gomme go le bjalo ga se ba be le Moya wo Mokgethwa! Ba ile ba swanelo go kolobetšwagape gape. Gomme Paulo o boletše ka go Bagalatia 1:8, "Ge Morongwa go tšwa Legodimong a etla le go rera ebangedi e ka ba efe ye nngwe ntle le ye ke le reretšego yona, a a be morogakwa." Ga go kgathale se e tla bago.

<sup>94</sup> Kagona, go tsebeng dilo tše... Mohlomongwe ga le di tsebe, baena ba ka; eupša go tsebeng dilo tše, gona ke gapeletšega le go tlengwa ke mošomo go Modimo go tšwetšapele polane ya motheo wa pele, gobane ga go motho yo mongwe a ka kgonago go bea motheo e ka ba ofe wo mongwe ntle le woo o šetšego o beilwe; bao ke baapostola le baprofeta. Baprofeta ba e boleletšepele, gomme baapostola ba e phethagaditše; gomme re swanetše go tšwelapele go e rwala go fihla moago o fedile.

<sup>95</sup> Bjale, ke a dumela gona, gore motho o pholosítšwe ge a dumela go Morena Jesu Kriste ka pelo ya gagwe yohle, gomme go tšwa pelong ya gagwe, e sego go tloga go letswalo la gagwe la ka ntle bjale...

<sup>96</sup> Le a bona, o—o motho gabedi, batho ba bararo ka go o tee, soulo, mmele, le moyo. Bjale, ke dumela dikwi tša gago tša ka ntle, soulo ya gago—ya gago go tšwa go... e sego soulo ya gago, eupša letsalo la gago la ka ntle, dikwi tša gago... Ge o phafogile, ka mantšu a mangwe, o—o šomngwa ka dikwi tše tlhano: go bona, go latswa, go kgwatha, go dupa, le go kwa. Tšona di filwe wena feela go kgokagana le legae la gago la lefaseng; gomme ga—ga se tša fiwa go wena go kgokagana le legae la gago la legodimong. Gabotse go ne dikwi tše tshela ka mmeleng wa motho, gobane yena ke nomoro tshela ka Beibeleng. O hlotšwe ka letšatši la boselela, gomme ke nomoro tshela, motho ke yona.

Gomme o na le go bona, go latswa, go kgwatha, go dupa, go kwa, le tumelo. Tumelo ya gagwe e bea boyo bja gagwe, moo a lebantšego.

<sup>97</sup> Bjale, tumelo ke sebagona ya dilo tše di holofetšwego, bohlatse bja dilo tše o sa di bonego, latswego, kgwathego, dupego, goba go kwa. Eupša ka tumelo, ge a swara Lentšu, Le mo romela ka sekgaong (le a bona?) yeo e Le dira kgonthe bjalo go yena, go fihla a no ba go loka bjalo ka ge a ne yona ka seatleng sa gagwe. O a tseba e ya go direga.

<sup>98</sup> Bjale, go na le selo sa go swana go potšišo ye fa go kolobetšo ya meetse. Le a bona? Modimo o tsebile gore batho ba ba be ba eya go kolobetšwa Leineng la Jesu Kriste. Gomme Paulo, o beile setatamente gore go se be motho, ebile le Morongwa go tšwa Legodimong, a se ke a ruta thuto ye e itšego ntle le seo a se rutilwego; kafao kagona, ge nka tla bjalo ka moreri, bjalo ka modiredi, bjalo ka moprofeta, goba e ka ba eng nka bago, goba ebile Morongwa a theoga, gomme a tla a ruta se sengwe kgahlanong le se moapostola yo a se dirilego, gomme ga se ka laela batho go kolobetšwagape Leineng la Jesu Kriste, ke tla hwetšwa ke Beibele hlatse ya maaka ya selo se ke tleleimago go se dumela.

<sup>99</sup> Kafao ke a dumela gore phethene e beilwe fase. Motho yo mongwe le yo mongwe ka Beibeleng o kolobeditšwe Leineng la Jesu Kriste. Ga se gwa ke gwa tsoge nako e tee e ka ba mang a kilego a kolobetšwa leineng la Tate, Morwa, Moya wo Mokgethwa. Le a bona? Ga se nke gwa ba e ka ba mang a kilego a fafatšwa; bohle ba ile ba inelwa.

<sup>100</sup> Kafao ke dumela gore ge ka kgonthe o... Go potšišo ya gago, ngwanešu yo bohlokwa, ke dumela gore ge Modimo a tseba pelo ya gago... Go tla ba dikete fao ba ba kolobeditšwego Leineng la Jesu. O no thinya o le modiradibe wa go oma gomme wa nyoga o le wa go koloba. Le a bona, le a bona? Eupša bjalo ka wa mmapale, modumedi wa therešo, gore o swanetše go sepela ka go tumelo yohle le letswalo le lebotse go leba go Modimo, ge o e bona, o a kolobetšwe! Eupša ke a dumela gore e no ba ka go tlhagišo ya ka ntle go laetša gore mošomo wa ka gare wa mogau o dirilwe.

<sup>101</sup> Go no swana le ge Modimo a agile areka. O rile, “Noage, tsena ka go yona, wena le lapa le bantlo ya gago.” Gomme ba tsene ka go yona. Bjale, ke a dumela ge go ka be go be go se areka fale, Modimo a ka be a dumelatše Noage go dula godimo ga kota goba go sepela godimo ga meetse. Le a bona? Eupša O mo diretše areka gore a tsene ka go yona, gomme yeo e be e le tsela ya go e dira; yeo e be e le tsela ye e filwego ke Modimo. Ke a dumela gore Modimo o phološa motho ka mogau. Leineng la Jesu Kriste ka tlhagišo ya ka ntle ke tsela ye e filwego ke Modimo go tsena ka go yona, gobane bohle ba be ba kolobeditšwe ka tsela yeo.

<sup>102</sup> Ga ke ahlole moisa yo mongwe, eupša seo e no ba... Ke nagana gore seo ke se e lego sona. Meetse ga a phološe motho, a laetša feela gore o pholositswe; ke tlhagišo ya ka ntle. Bjale, seo se ka no se be gabotse, ngwanešu. Ge se se, gabotse, re tla se hwetša nako ye nngwe goba... Go lokile.

## 242. Ka go Genesi 6:4, ka morago ga meetsefula, ditšitsiripa di be di etšwa kae?

<sup>103</sup> Yeo ke ye botse, ye botse kudu. Yeo ke potšišo ya tlhaologanyo. Ditšitsiripa tše di tšwa kae? Adama o be a se tšitsiripa bokgole bjo re tsebago, gobane ge go ka dira, Beibebe e tla bolela bjalo. O be a no ba motho wa setlwaedi. Ba tšwa kae? Bjale—bjale, ye ke ngangišano ye kgolo, gomme ye e nno neelwa go nna. E godimo ga le legolo, lephepha le leso, gomme ke, goba, le legolo, mangwalo a maso godimo ga ntsekana ya pampiri ye tšhweu.

<sup>104</sup> Bjale, ditšitsiripa tše... ke a dumela e be e le yo motee... yo mongwe mo e sego botelele... E ka no ba e be e le Josephus. Ga ke—ga ke bolele seo bjale, banešu badiredi, gore e be e le Josephus. Eupša go bonala go nna o ka re e ka no ba e be e le yena, goba Ngk. Scofield, goba ba bangwe ba bona, yoo a boletšego gore ditšitsiripa tše tše di bego di le ka nageng ka nnete e be e le meoya ye e welego ya Modimo yeo e theeditšego no—no nonwane ya Sathane, bjalo ka ge a boletše ka go... tikologong ka Legodimong... Gomme e be e le Mikaele... Go leka go tsoša ntwa le Mikaele Legodimong... o ile a ragelwa ntle... Gore barwa ba ba Modimo ba bone barwedi ba motho, le gore ditšitsiripa tše di be di le ka nageng ka nako yeo, gore ba ikatetše bonabeng ka go nama ya motho. Ge o dira seo, o dira Sathane mohlodi. O ka se kgone go e dira.

<sup>105</sup> Go no swana le Ngk. Smith, ka Seventh Day Adventist ka pudi ya sehlabelo. O rile pudi e tee yeo e bego e le... Ba bolaile dipudi tše pedi ka le—le letšatši la sehlabelo, Letšatši la Poelano, gomme pudi e tee e bolailwe gomme ye nngwe e tlemolotšwe. Gomme ka gona o rile pudi ye e bolailwego e be e emela Jesu, Morwadi wa sebe wa rena yo a hwilego; eupša pudi ye e tlemolotšwego e be e emela diabolo, ye e rwelego dibe tša rena le go ya kgole ka go bokagosafelego le sona. Bjale, le a bona, e ka ba mang... Go kgopoloy ka... Ge se se ka tsoge sa tla morago go ngwanešu wa Moadventist, ga ke bolele selo ka monna yo mogolo yola, Ngk. Smith. Oo, o be a le setswerere, yo bohlale, yo mokaone, Mokriste wa go rutega, modumedi; eupša go nna, le a bona, ga e dire tlhaologanyo. Ge o dira seo, o direla diabolo sehlabelo nako yeo. Bobedi di emetše lehu, poloko, le tsogo ya Kriste. Gape O hwetše dibe tša rena le go rwala dibe tša rena go ya kgole; bobedi bja tšona e be e le Kriste.

<sup>106</sup> Kafao ditšitsiripa ga se tša tsoge tša tla go tšwa go ipinyeletšeng ka gare tšonabeng. Ditšitsiripa tše e be e le barwa

ba Kaine, yo tatagwe e bego e le sephente, yo a lebelegilego ka go tsela ye nngwe le ye nngwe tlwa boka motho, eupša o be a le yo mogolo, moisa yo motona, yo mogolwane go feta motho. Gomme ke moo barwa bale ba tšwago gona, gobane ba be ba le barwa ba Kaine, gobane ba be ba le Bakanana ka nageng ya Kanana, moo ba tšwago gona; gomme ke moo Kaine a ilego gona. Gomme seo e be e le . . . Le a bona, seo gape se netefatša peu ya sephente. E be e le morafe wa go fapanwa batho ka moka mmogo. Yeo e be e le peu ya sephente. Le a bona?

<sup>107</sup> Bjale, potšišo yela—yela ya peu ya sephente e ka mo, kafao re ya—re ya go fihla go yona, gomme ke nyaka le bee se ka monaganong. Le a bona? Bjale, go no fa bokamorago bjo.

<sup>108</sup> Le a bona, ba be ba le—ba be ba le Bakanana, ditšitsiripa tše; gomme ba be ba le barwa ba Kaine, yo a bego a le morwa wa sephente. Gomme sephente e be e le monna wa tšitsiripa, yo mogolo, moisa wa mohuta wa bonkokoi, e sego segagabi le gatee, yo mobotse. O be a le bohlale kudukudu go dibata tšohle tša naga. Gomme o be a le feela . . .

<sup>109</sup> Le a bona, di—di ditšine go tšwa go phoofolo go ya ka go basadi di ka se tswakane le gatee. Ba e lekile gape le gape; ga se ya nontšhwa go peu ya mosadi. Gomme bjale, ga ba kgone go e hwetša. Tšea tšimpantshe, ke selo sa kgauwiwsu ba ka kgonago go se hwetša go motho, goba korila, goba tše dingwe tša tše kgauwi le motho. Bjalo ka ge Modimo ka go ebolušene ye kgolo ya Gagwe a thoma go dira hlapi; gomme morago O dirile dinonyana; gomme morago O dirile dilo tše dingwe, diphoofolo, gomme tša tšwelapele di etla godimo, go fihla e tee e etla ntle go tšimpantshe, le go kgabo, le go theogela go korila, gomme morago go sebopego sa sephente, gomme morago go tloga go sephente go ya motho.

<sup>110</sup> Gomme batho ba lekile go puruputša, saense, go leka go hwetša marapo, se phoofolo ye e bego e le sona yeo e bego e le kgauwi le motho. Gomme motho ke phoofolo. Motho, karolo ya nama ke nama ya phoofolo; re tseba seo. Ke rena seamuši, e lego phoofolo ya madi a borutho; re tseba seo! Eupša ke eng e dirago phapano? Phoofolo ga e na soulo yela ya ka gare, eupša motho o a dira. Ga a tsebe go loka go tloga go phošo.

<sup>111</sup> Mpša ye nnyane ya tshadi ga e tsebe gore e swanetše go apara roko, gomme ga ke dumele gore o be a tla apara dišothi ge a be . . . a kwešištše. Ešita le kolobetshadi e ka se ke, eupša ke morafe wa motho wo o welego. Le a bona?

<sup>112</sup> Bjale, fao—fao ke mo e tšwago. Fao ke mo ditšitsiripa tše di tšwago gona. Ba be ba le barwa ba sephente.

<sup>113</sup> Gomme le a bona, ge a bone Efa ka go seemo se, o . . . Sathane o tsene ka go yena gomme o mo dirile go . . . Le a bona, Adama o be a sešo a tsoge a utolla. Ga—ga ke tsebe mokgwa wa go šomiša mantšu a. Go tla loka fa le lena bohle, eupša yo mongwe o e

swaswaladitše kudu. Le a tseba, ka mehla ba leka go topa se sengwe. Eupša le a bona, Adama o be a se a ke a tseba Efa, mosadimogatša wa gagwe. O be a se a ke a tla lefelong leo, gomme Sathane a mo thaketša fao. Le a bona? Gomme ka gona ge a ima, ka gona o mo tsebile. Re tla tla go seo go potšišo ye e latelago goba ye nngwe ya dipotšišo tše. Ga ke tsebe moo e lego; re . . . Ke no e bona ka fa. Bjale, eupša fao ke moo ditšitsiripa di tšwago.

**243. Morategi Ngwanešu Branham, a barwa bohole le barwedi ba ba therešo, ba badumedi ba ba tswetšwego gape ba tla phološwa?**

<sup>114</sup> Aowa, ngwanešu; aowa, ka kgonthe ba ka se ke. Le a bona, ge ke—ge ke kopiša David duPlessis go tshwayo ye, “Modimo ga a na ditlogolwana (le a bona?), feela barwa le barwedi.” Le a bona, ba tla swanela go tswalwa feela tlwa boka tatagobona le mmagobona ba tswetšwe ke Moya. Le a bona? Seo ke se se dirago motho motho yo moswa, ke ka gobane o tswetšwe gape, a tswalwa gape. Tswalo ya gagwe ya pele e mo tliša motho wa tlhago lefaseng; tswalo ya gagwe ya bobedi e mo tliša motho wa semoya wa Legodimo. Le a bona? E a mo fetola, soulo ya gagwe, e sego letswalo la gagwe la ka ntle, boyena bja gagwe bja ka ntle, dikwi tša gagwe; o sa ikwela, le go dupa, go latswa, le go kwa; eupša dikarolo tša ka gare, ditlhologelo tša gagwe, tše di mo tutuetšago, di fetoletšwe go Modimo. Le a bona?

<sup>115</sup> Bjale, elelwang, tsela e nnoši yeo se se ka diregago e tla ba se: go no swana le ge go bile ka nako ya molaolalekgolo wa Roma. Paulo o boditše Moroma, yena le Silase, ge a be a nyaka go goga tšoša ya gagwe le go ipolaya yenamong, ka gore Modimo o ile a šišinyetsa kgolego fase ka tšišinyego ya lefase; o rile, “O se ke wa itira bošula, ka go bona gore bohole re mo. Tsoga!” Gomme o be a nyaka go tseba se a bego a ka kgona go se dira. O rile, “Tsoga gomme o kolobetšwe, o bitše godimo . . . mo Leineng la Morena, gomme wena le ntlo ya gago le tla phološwa.” Le a bona? Ka mantšu a mangwe, “Dumela go Morena Jesu Kriste, wena le ntlo ya gago le tla phološwa.”

<sup>116</sup> Bjale, bjang? Ge ntlo ya gago e dumela ka tsela ya go swana yeo o dumelago. Le a bona? Le rapele le go neela bana ba lena go Modimo le go swarelala go Modimo, le dumela gore ba tla phološwa.

<sup>117</sup> Ke sa tšwa go ya go kgabola boitemogelo ka Rebekah wa ka. Le a bona? Ke nno e neela go Modimo. Ge a e ya go ba yo monnyane “motšwamahlalagading,” gomme o be a eya le mosetsana tsoko ge la mathomo re eya ntla kua, go ya . . . go kitimela ngwakong wa mosetsana yo mongwe go tše dithuto tša mmino . . . Gomme mosetsana yo . . . Ke tlide go feta letšatši le lengwe, gomme mo mosetsana yo o be a dutše go piano a bapala rokenrole. Gabotse, seo se be se no lekanelo go nna! Kafao ke mmoditše a dule kgole le godimo kua. Le a bona? Gomme ka

gona o rile, “Gabotse, ke lefelo le nnoši ke swanetšego go ya go tšeа mmino.” (Le tseba ka fao “motšwamahlalagading” a bago.)

<sup>118</sup> Gomme ke rile... Segotlane se sengwe le se sengwe se swanetše go ya go kgabola seo. Ka kgonagalo yo mongwe le yo mongwe o ya go kgabola lebaka leo. O dirile; ke dirile. Gomme re swanetše go nagana dikgopololo tša bona.

<sup>119</sup> Kafao gona, matšatši a se makae ka morago ga ge mme wa gagwe a bile ka morago ga gagwe bakeng sa se sengwe, gomme o mo kgakgauthile. Bjale, yoo ga se Rebekah le gannyane. O tlogeletše gomme a bethantšha lemati, gomme o nyakile a thalantše dilo go tloga lebotong, o ile sekolong.

<sup>120</sup> Bjale, ke be ke swanetše go ba, go bonagala, ke nno bofolla lepanta la ka, le go mo latela ntle kua ka jarateng, gomme ka mo tliša morago le megogoma go mo dikologa. Le a bona? Eupša ke naganne, “Ema motsotsso, ke swanetše go nagana dikgopololo tša wa bogolo bja mengwaga ye lesomeseswai.” Le a bona? “Bjale,” ke rile, “Mme, ke tseba gore...” O thomile go lla, Meda. Ke rile, “Ke a tseba o dirile tšohle o kgonago go di dira; ke dirile tšohle nka kgonago go di dira. Bjale, ge e le ka ntle ga diatla tša rena, re swanetše go tšeа legato la go latela.”

<sup>121</sup> Bjalo ka ge mohumagadi tsoko ka bose a ngwadile letšatši le lengwe (ke ka go ye nngwe ya dipotšišo tše fa), o rile, “Ngwanešu Branham, ga se wena Mesia, a o yena?”

Ke rile, “Aowa, meme.”

O rile, “Re go dumela go ba modiši wa rena, eupša ka mehla o re šupetša go Modisi yo Mogolo.”

Ke rile, “Yeo ke nnete; yeo ke nnete.” Le a bona?

<sup>122</sup> Ke rile, “Gabotse lebelela, Hani, bjale, o swanetše go ntheetša. Go thata go wena go dira se; ke nna monnamogatša wa gago. Eupša batho ba otleta go kgabaganya ditšhaba le go dikologa bakeng sa feela mantšu a se makae a keletšo. Bjale, ge o... ke boletše le yena letšatši le lengwe, gomme o nno sepela go tloga go nna.”

<sup>123</sup> Bjale, Becky ga se a ke a dira seo go nna. Le a bona? Gomme ge mmagwe a boletše selo se sengwe ka yona, o ile a bethantšha lemati gomme a re, “O ntetetše go dula fa le go ba letšoba la leboto bophelo bja ka bjohle?” Gommek ka go sola! O ile a bethatšha lemati gomme a tšwela ka ntle. Yoo e be e le diabolo.

<sup>124</sup> Ke a elelwa, mengwaga ye mebedi ya mathomo ya bophelo bja gagwe o llile. Re ya ka restoranteng gomme ra ja; ke tla mo sepediša mokgotheng ge Meda a eja, gomme morago o tla mo sepediša ge ke sa ja. O nno lla le go lla. Gomme letšatši le lengwe godimo mo ka Canada, o llile bošego bjohle, gomme ke be ke sa kgone go khutša le se sengwe le se sengwe; nna ke eme kua... Bjale. Gomme Sengwe se rile go nna, “Ke diabolo a tsenatsena bodiredi bja gago.”

<sup>125</sup> Ke rile, “Nneele lesea leo.” Ke rile, “Sathane, ka Leina la Jesu Kriste, tloša diatla tša gago go yena.” O eme thwi nako yeo gomme ga se a tsoge a lla gape. Ke segotlane sa go homola kudukudu ke nago le sona. Go tloga yona iri yeo e be e ile. O swanetše go hwetša seo . . . O swanetše go ba le seo ka go wena go le bjalo, pele o ka e dira!

Gomme ka gona ge a . . . gomme ka gona seo . . . o thomile seo. Gomme ke tšere Meda e ka ba iri. Ke rile, “Meda, tloša diatla tša gago.”

“Nna? Yoo ke segotlane sa ka!”

<sup>126</sup> Ke rile, “A ga se sa ka le nna?” Go lokile. Ke rile, “Ge a ka be a ehwa mosong wo, o tla swanela go mo neela go Modimo bakeng sa boyo bja gagwe bja gosafelego. Gobaneng re sa kgone go mo neela go Modimo bjale bakeng sa leeto la gagwe la lefaseng?”

Gomme o rile, “Gabotse, yoo ke segotlane sa ka!”

Ke rile, “Ke sa ka le nna.”

Ke rile, “Bjale, a o ka tšea ya gago . . .”

“Nna ke sa bolele selo go yena?”

<sup>127</sup> Ke rile, “Ga se nke ka bolela seo. Re tla tlogela go mo omanya, go no mo eletša. O hloka mokgotsi, gomme ke wena wa go ba mokgotsi wa gagwe, wena le nna. Ke rena batswadi ba gagwe.”

<sup>128</sup> Digotlane tše lehono di hloka mokgotsi. Ge eba ba bile le mme le tate ba tla dula gae le go ba hlokomela, sebakeng sa ntle fa ka kamoreng ya para go kitima go dikologa bošego bjohle le dilo boka tše, ba ka se be—ba ka se be le go seleka ga baswa. Le a bona?

<sup>129</sup> Ba tlogile go Beibebe; bohle ba ile kerekeng le go dira dipapadi tša panko le dilo boka tše gomme . . . Le a bona? O leka go pholetšha godimo bjalo ka lefelo la Sathane ntla ga la Hollywood. O ka se tsoge wa tliša Hollywood ka kerekeng, o swanetše go . . . Ke ra go tliša kereke ka Hollywood, o swanetše go tliša Hollywood mafelong a gago. Le a bona? E sego go ya mafelong a bona, go ba dumelela go tla godimo mo. Re na le se sengwe ba sa tsebego selo ka sona.

<sup>130</sup> Kafao re ile fase matolong a rena fao le go e neela go Modimo. Ke rile, “Ke a tseba o bogolo bja mengwaga ye lesomeseswai, o tla ba mo matšatšing a se makae, gomme o . . . gomme mosetsana wa mengwaga yeo o tla nagana ka masogana, gomme re mmolokile ka gare.” Ke rile, “Ga—ga se ka tsoge ka nyaka go mmona a nyalwa. Ke nyaka go mmea ka ofising mo, go dira mošomo. Ke nyaka go mmona a tladiršwe ka Moya le—le—le go phela ka mokgwa woo.”

Gomme o . . . Gabotse, bohle re nyakile seo. O rile, “Gabotse, re ka se kgone go dira seo.” O rile, “O no se e theetše.”

<sup>131</sup> Ke rile, “Ema motsotsotso! Re mo godisitše tšohle re ka kgonago, bjale mmee ka diatleng tša Modimo, mo gafele.” Gomme ke rile, “Gona ge a dira e ka ba eng e re, ‘Becky, moratwa, mme ga a nyake o dira seo, eupša ke nna mogwera wa gago; ke tla gomarela go wena.’ O a bona? A nke a tsebe gore o a mo rata. O ya go hwetša yo mongwe go mo rata, gomme e ka no ba mosadi wa go fošagala.” Le a bona? Ke rile, “Wena o ba mosadi a ratago.” Ke rile, “Hani, seo se kwagala mohuta wa go se hlamatsege, eupša batho ba tšwa mogohle, gomme ba dula go dipolelonyakišio tša sebele, le dilo.” Ke rile, “Ke tlwaelegile kudu; re tlwaelegile yo motee go yo mongwe, gobane re monnamogatša le mosadimogatša, eupša ga re tsoge ra tlogela seo se direga. O swanetše go elelwa, le ke Leina la Morena!”

Kafao o rile, “Go lokile.”

Re ile tlase le go e neela go Modimo. O rile re tla tloša diatla tša rena go yona.

Morago ga sekgalela seo o tlie ka gare; o rile, “Gabotse, ke a thanka o sa re ga ke ye godimo kua!”

<sup>132</sup> Meda o rile, “Aowa, ga se nke ka bolela selo ka yona.” O rile, “O a tseba, Mme ga a nyake o dira seo; gomme o a tseba gore go nyakile go bolaya papago ge a go kwele godimo fale a bapala mmino wola wa tswiritswiri, e ka ba eng e bilego, le mosetsana yola.” O rile, “Bjale, ga se a nyaka o dire seo, gomme ga re nyake o dire seo, Becky, eupša re nno e neela go Morena. Ke nyaka o tsebe re a go rata. E ka ba eng o e dirago, re sa go rata.”

A goelela, a re, “Ke a ya go le bjalo!”

O rile, “Go lokile, Morategi.” Kafao o ile pele. O rile, “Go lokile, ke tla ba le selalelo se le komana ge o bowa.” Ga se nke a ke a ya! Aowa, ga se nke a ke a ya ge e sa le. Le a bona?

<sup>133</sup> E se kgale ka morago ga fao o kopane le George; George ke Mokriste. Seo—seo se e rumme nako yeo.

<sup>134</sup> O be a leka go botša Mdi. Wood ka yona letšatši le lengwe. O rile, “Oo, ke bile lebelete gampe.” O rile, “Papa le Mme ba nkgafetše go Morena.” O rile, “Lebelete gampe.” Eupša seo—seo e be e le lebelete go rena; ga re nyake go ba lebelete kudu go feta seo. Le a bona? E no e lesa e ye ka mokgwa woo. Go lokile.

**244. Ngwanešu Branham, o nagana eng ka wa rena . . . (Oo, oo!**  
 Ke elelwa ke bala ye. Ke be ke sa . . . Ke be ke eya go e swara morago thari, eupša ke a thanka le nna nka no e bala. Mongwalo tsoko wa mosadi. O swanetše go be a etšwa Kentucky, gobane o na le the—the thekethe ya Kosmos Portland Cement mo.) **Ngwanešu Branham, o nagana eng ka dikgaetšedi tša rena ka kerekeng ba aparago diroko tše kopana bjalo? A ga e senye bopaki bja rena le go bea mohlala wa go fošagala go batho ba baswa ba rena ka go kereke ye ya rena? Go bonala kudu go h-l . . . go bona**

**yo moswa...go bona mosadi yo mogolo a apere roko ye kopana kudu go fihla e bontšha matolo a gagwe ge a sepela.**

<sup>135</sup> E ka ba mang o lego, Kgaetšedi goba Ngwanešu, e ka ba mang a lego, ke dumelana le wena diphesente tše lekgolo. Ke kgobogo, eupša mpotšeng ke dire eng ka yona! Ke e rera feela ka maatla ka mo ke tsebago mokgwa wa go e rera; ba e dira go swana. Kafao ke kahlolo ya bona, gobane Lentšu le ile pele. Ee, ka kgonthe ke kgahlanong le tšona diroko tše nnyane tša kgale tša bogodimo bja go bogega boka... Ke gogagogana le digotlane tša ka kgafetšakgafetša, Becky le Sarah. Ga ke kgathale ke ba bannyane gakaakang, ke... bao... Ke no ba tšeatšea nako yohle. Ke nagana eibile ba apara diroko tša bona... Meda o tšeela Becky ka thoko letšatši le lengwe le le lengwe ka yona. Le a bona? O apara thwi godimo... Gobane digotlane, o ka letela seo ka digotlane, gomme o swanetše go ba phošolla; eupša ge go etla go mosadi, fao go na le selo se sengwe se se fošagetšego fao. Le a bona?

<sup>136</sup> Go se gobatše maikutlo bjale, ke no be ke araba dipotšišo. Le mpotšisa go tšwa pelong ya lena; ke a le botša go tšwa pelong ya ka. Ge o ka hwetša tharollo, ka—ka kgopelo etla o mpotše, ka nnete ke tla e dira, ge nka kgona go dira eng kapa eng ka yona.

<sup>137</sup> Boka yo mongwe a boletše letšatši le lengwe, o rile, “Gabotse, ke a go botša, Ngwanešu Branham,” o rile, “ke go botša se Adama le Efa...” O rile, “E be e no ba tlwa; ba bile le apola!” Gomme ke lemogile ba fetotše seo bjale; ba rile ba bile le eng? Ke a dumela e be e bitšwa *se sengwe*? [Ngwanešu o re, “Apolokosi.”—Mor.] Apolokosi, ya, e be e le apolokosi ba e jago. Gabotse, ke nako ya go fetiša diapolokosi gape ge go ba dira gore ba lemoge gore ba be ba ponoka. Le a bona?

**245. Ngwanešu Branham, ke amogetše Molaetša wa Modimo wa lehono, le gape morwa wa rena. Gomme bobedi re kolobeditšwe Leineng la Morena Jesu Kriste. Monnamogatša wa ka—monnamogatša wa ka ga se a amogela Molaetša gomme o Iwa le Molaetša wo. Gomme o hueditše morwa wa rena gomme o mo iša go kerekeng ge re se ka tirelong mo ka tabarenekeleng. A go tla loka go nna go ya le yena goba go tla ba kaone go dula ka ntle ga kerekelina yela?**

<sup>138</sup> Gabotse bjale, morategi Kgaetšedi... Ga se nke a saena leina, eupša mohlomongwe o theeeditše potšišo ya gago; ge o sa dire, o tla e kwa go theipi. Sepela le monnamogatša wa gago, eupša o se be batšeakarolo ba—ba seo ba se dirago. O a bona, o swanetše go rata monnamogatša wa gago, gomme lerato ke lona le e dirago. O no ba letsawai ka kgonthe; o tla nyorwa ge go le e ka ba eng ka go yena.

<sup>139</sup> O se tšoene kerekelaina ya bona. O rile, “Tlogang go kerekelaina yela.” O se ke wa e tšoena; eya go yona. Ge o sa kgone go hwetša llofo ka moka, hwetša seripa; o ka se kgone go hwetša seripa, e no hwetša selai. O a bona, o a bona? Eupša yeo ke tsela ye o tla thopago monnamogatša wa gago, ka go dira seo. O se be manganga, gona o tla tseba o no ba le kudu bjalo ka ge o na le. Le a bona? Eupša ge o ka kgona go bontšha se sengwe seo o nago le sona seo a se nago, seo se tla mo dira a nyorwe go swana le wena. Mosadimogatša yo a hlwekišitšwego o hlwekiša monnamogatša.

<sup>140</sup> Yeo e be e no ba keletšo. Kafao nka—nka fetša nako ye telele go yeo, eupša re no nyaka go fetša bontši ka mo re kgonago, gobane ke bona feela ke ne e ka ba metsotso ye masomepedi pedi gona. Go lokile.

**246. Ngwanešu Branham, ke dumela Molaetša wo o o rutago ka pelo ya ka yohle. O thabiša soulo ya ka; go le bjalo, mosadimogatša wa ka le morwa ga ba hlalale ka go Lentšu. Ga ba kganyoge go ikaroganya bonabeng go tloga go ye mengwe ya mekgwa ya bona ya selefase. O boletše gore re swanetše go tleleima a rena—go tleleima malapa a rena. Ke hwetša seo bothata go dira, go bonala o ka re ga ba phelele Lentšu goba ka go Lentšu. Tsela ya ka ke eng, mohlomphegi? A ke a ba tleleima le go dumela, goba a ke a rapela, “Tate, thato ya Gago e dirwe,” gomme ke be le kgotsafalo ka go seemo ke ikhwetšago nnamong ka go sona? Ke tla leboga tlhahlo ya gago, Ngwanešu Branham.**

<sup>141</sup> Modimo a go šegofatše, Ngwanešu wa ka goba Kgaetšedi, e ka ba mang o ka bago. Ke—ke tla no ba gafela go Morena. Ke... Le a bona, gobane, “Bohle Tate a Mphilego ba tla tla go Nna.” Le a bona? Bjale, selo se nnoši go wena batho go dira...

<sup>142</sup> Go dirile pelo ya ka e kokomoge ka thabo letšatši le lengwe go yeng godimo le tlase go boneng banna ba ba mothele. Ba... Ke ile tlase go Mna. Becker. O rile, “Billy, o a tseba ke eng? Ke fepa phuthego ya gago ka moka Lamorena le lengwe le le lengwe,” ge Blue Boar e fepa makgolotharo go nyakile go ba Lamorena le lengwe le le lengwe! Le a bona? Gomme ke ile ntile mo le mothaka yo godimo mo, mokgomana yo godimo mo ka—ka Ranch House, monna yo mokaone kudu. Ke kopane le yena. O rile...

Ke rile, “Gabotse, seo ka kgonthe se be se le gabotse.” Ke rile, “Ke a go leboga go bolokeng dilo tsela tšohle fale, tšohle go ya pele ntile fale.”

O rile, “Ee, mohlomphegi, Ngwanešu Branham.”

Ke rile, “O ntsebile bjang?” Le a bona? Ke rile, “O ntsebile bjang?”

Ke rile, “Ke a go tseba,” O rile, “Ke fepa phuthego ya gago ka moka fa Lamorena le lengwe le le lengwe ka... Gabotse,” o rile, “gomme ke nyaka go go botša se sengwe: ke batho ba bakaone. Ke batho ba bakaone!”

<sup>143</sup> Bjale le a bona, seo se ntirile go ikwela gabotse. Lena bana ba ka. Le a bona? Ge ke ekwa bana ba ka ba itshwara gabotse le go beng gabotse, seo se dira Papa go ikwela gabotse ka kgonthe. Le a bona? Kafao le a kwešiša.

<sup>144</sup> Bjale, bjale, Mme, ge . . . Kgaetšedi wa Ka, ge monnamogatša wa gago a go nyaka o ye tlase kerekeng ya Methodist, eya pele. O ka no se be le llofo ka moka ya borotho, eupša ge ebole ba re ba dumela gore Jesu Kriste ke Morwa wa Modimo, o dumela seo, gobane re a dira le rena. Bjale, ge ba eya go aroga go mantladima a mangwe le dilo, nno–nno ba lesa ba ye pele, eupša o je bontši bjola bja borotho. Le a bona? Gomme ka go seo, o no laetša ka bobose bja bophelo bja gago le kelohloko ya gago go ba bangwe . . . Gomme ge o se na le yona, Kgaetšedi morategi, rapela go fihla e etla go wena, gore o se swanele go bea godimo e ka ba eng ka maitirelo, gobane ge o dira seo, ga se kgonthe. Monnamogatša wa gago o kgona go bolela seo. Eupša wena, ge ka kgonthe o rapetše go ya lefelong go fihla bophelo bja gago bo tletše ka letswai la Mophološi, bo tla dira kgomano. “Ge Ke phagamišeditšwe godimo, Ke tla gogela motho yohle go Nna.” Ke tla ya; ka hlokomela ka kgonthe. O se tšoene kereke ya bona go le bjalo! Hle o se ke wa dira seo; o se ke wa tšoena kereke ya bona, eupša eya pele!

**247. Ngwanešu Branham, potšišo še yeo e bilego mokgwa wa go gakantšha ba mmalwa ba rena mo. Ye tee—godimo—godimo (ntshwareleng) godimo ga ditheipi tše dingwe o bolela feela ka Bajuda ba ba phološwago ka morago ga ge Monyalwa a hlatlositšwe. (Gomme ke mothalo go kgabaganya.) Hle hlaloša ka go tlala ka Bantle bao ba sa yego ka go Tlhatlogo. Ke naganne o boletše gore Bantle bao ba tlogetšwego ba ile go kgabola Tlaišego gomme ba file maphelo a bona bakeng sa bopaki bja Jesu. Ge A bowa go tšwa go Bantle go ya go Bajuda . . . ge A bowa go tloga go Bantle go ya go Bajuda, gona ga go sa na monyetla wo itšego go Bantle go phološweng, feela Bantle ba ba phološitšwego, eupša ba se ba amogela Therešo ya bona ya letšatši la mafelelo ba tla ya ka go Sekga sa Tlaišego gomme morago ba phološwa bofelong. A ye ke nnete? Hle hlaloša, ka baka la gore o boletše gore go tla no ba nomoro ye nnyane ya go ya ka Tlhatlogong. Go reng ka batho bao ba dumetšego go Morena—ba dumelago go Morena bjale le tsela . . . gomme ba sa dumele ka tsela ye o rerago bakeng sa Molaetša wo wa letšatši la bofelo? A ba tla phološwa? Gomme ka gona kgaetšedi o saenne leina la gagwe.**

<sup>145</sup> Bjale, potšišo ye botse kudu. Bjale, lefelo la pele, kgakanego ke, ke se ke se boletšego ka ga matšatši a Bantle a fedile ge tliašego . . . ka tlaišegong. Bjale, ga ke bone Bantle ka Beibeleng . . . Monyalwa wa Bantle, Monyalwa, e sego kereke ya Bantle bjale, kereke ya Bantle e tla ya go kgabola Sekga sa

Tlaišego (le a bona?), eupša e sego bakeng sa ya bona . . . Le a bona, Monyalwa ke Mokgethiwa; Ga ba ye go kgabola selo eupša Tlhatlogo. Ba nno fetolwa le go tšewa go tšwa lefaseng. Le a bona? Bjale, ke tla hlaloša seo go potšišo ya pejana fa, go e tliša go tšwa go Luther godimo, gomme le tla bona nako yeo se e se rago; ke go gola ga Mmele. Le a bona?

<sup>146</sup> Bjale hlokamelang. Bjale, Bajuda bao ba šetšego ke bona ba tla rerelwago ke baprofeta ba babedi, Eliya le Moshe.

<sup>147</sup> Bjale, ye ke megopolu ya ka mong, badiredi baena, ka tsela ya ka mong ye ke ikwelago gore Moya wo Mokgethwa o utolotše go nna.

<sup>148</sup> Bjale, selo sa go latela go direga ke Bajuda, goba, Bantle, Monyalwa mohlaolwa go ubulelwa godimo le ka moka wa Bantle, Monyalwa mohlaolwa yo a bego a le tlase go kgabola mabaka, o ubulelwa godimo ka Bogoneng bja Kriste ka magodimong. Bahu ba a tsoga; bao ba phelago gomme ba šetše ba a fetolwa; gomme ba ubulelwa godimo mmogo ka moyeng go gahlanetša Morena. Ka gona, ka gore . . .

<sup>149</sup> Ka morago ga mokete wa Monyanya ka Letagong, Jesu, ka morago ga ge yola a ubuletše godimo ka mafaufaung, Jesu o boela lefaseng le go itira Yenamong go tsebjia go batho ba Gagwe, ka go sekai boka Josefa a itirile go tsebjia go banababo. Gomme mosadimogatša wa gagwe, ga go Montle a bego a le gona, ga go motho eupša Josefa a nnoši, ge a itirile ka boyena go tsebjia go baena ba gagwe. Bohlele kwešiša seo bjale?

<sup>150</sup> O rometše . . . Ebile le mosadimogatša wa gagwe o be a le ka paleising, sekai gore Monyalwa o tla ba ka paleising ka Letagong ka nako yeo. Ka gona Jesu o itira Yenamong go tsebjia go Bajuda (le a bona?) morago ga tirelo ya Monyanya, mengwaga ye meraro le seripa, le—le—le bothata bja Jakobo, mengwaga ye meraro le seripa yela, bofelo bja beke ya bomasomešupa ya Daniele. Mesia o swanetše go ripša mo bogareng bja . . . Gomme O profetile mengwaga ye meraro le seripa gomme a ripša. Gona go ne mengwaga ye meraro le seripa e šadištšwego go le bjalo bakeng sa baprofeta ba bona, Moshe le Eliya, gomme gona mo bofelong bja matšatši a bona a masomešupa gabjale a beetšwe godimo ga batho, bjalo ka ge Daniele a boletše; gona mo bofelong bja matšatši ale a masomešupa, Jesu ke wa go itira Yenamong go tsebjia go bona. Ke Yena Mokgoma yola yo a swanetšego go tla go Bajuda. Le a bona?

<sup>151</sup> Bjale, gomme ka gona ka nako yeo . . . Le a bona, Monyalwa wa Bantle o Legodimong, gomme kgarebe ye e robetšego, kgarebe ya Bantle, ga a swanela go phološwa lebakeng la nako yeo; o šetše a phološitše, eupša o gannwe ka go Monyalwa. Gomme o ya feela go kgabola Sekga sa Tlaišego bakeng sa nako ya tlhwekišo, gobane o ganne Kriste, Lentšu, bakeng sa tlhwekišo. Gona o swanetše go tlaišega bakeng sa mediro

ya gagwe, eupša Monyalwa yo a bilego Lentšu, poelano ye e feletšego e dirilwe ka Kriste, ka gobane Yena ke Lentšu. Mmele wola o ile wa kgeretlaywa, gomme ge mmele wola o kgeretlantšwe, Monyalwa o be a le ka mmeleng woo, ka baka la gore ohle Ke Lentšu! Amene! Le a e bona?

<sup>152</sup> Ge Jesu a tlaišegile ka mmeleng wola, O tlaišegile . . . Gobane monna le mosadi ke motho o tee. Efa o ntšhitšwe go Adama, gomme Kereke . . . Go diregile eng? Modimo o butše lehlakore la—la Adama gomme a ntšha go tšwa fao mothuši, monyalwa. Gomme Modimo o butše lehlakore la Jesu kua Khalibari le go ntšhetša ntle Monyalwa. Le a bona? Gomme ge Jesu a hwile kua Khalibari . . . Elelwang, Monyalwa ga se a ntšhwia go tšwa mmeleng go fihla mmele o hwile. O be a šetše a hwile, gomme ba be ba eya go roba maoto a Gagwe. Gomme moprofeta o rile, “Go ka se be le lešapo le letee le robegile.” Kafao ba be ba šetše ba ntšhitše hamola morago go roba leoto, gomme monna o ile godimo ka lerumo gomme a le tsetsemetsa go kgabola pelo ya Gagwe; gomme meetse le Madi di tšwile; O be a šetše a hwile. O be a šetše a lopolotšwe ka mmeleng ka lehu la Gagwe, kafao ga go sa na Sekga sa Tlaišego bakeng sa Monyalwa. Le a bona? O ya ka gare. Eupša kereke ya Bantle yeo e no go dumela go Yena le go tšea dithutotumelo tša kerekeleina le go ya pele, gomme go le bjalo . . .

<sup>153</sup> Boka motho yo wa go šokiša a rile: “Monnamogatša le morwa wa ka, ba sa rata dilo tša lefase le dilo boka tše . . .” Le a bona, ga se ba amogela go lopolla fale, ka gore ge o dira, e go hlwekiša ka go itiragalela. “Yo a tswetšwego ke Modimo ga a dire sebe.” Ga go kganyogo, ga go selo ka go yena go dilo tša lefase.

<sup>154</sup> Jesu o rile, “Yo a ratago lefase (*Kosmose* bjale), goba dilo tša lefase, lerato la Modimo ebile ga le ka go yena.” Yena ga a rate Monyadi. Le a bona? Kagona, o swanetse go lefa kotlo yeo, gomme e sego . . . Ga se a phološwa nakong yeo; o phološitšwe bjale go tloga lehung la gosafelego; eupša o tla swanela go ya go kgabola Sekga sa Tlaišego bakeng sa tlhwekišo. Le bona se ke se rago? Bjale, bjale, fao, ke a dumela seo se rarolla potšišo yeo.

<sup>155</sup> A re boneng, go na le se sengwe gape mo.

**Hle hlaloša, ka baka la gore o boletše gore go tla no ba nomoro ye nnyane ya go ya ka Tlhatlogong.**

Bao ke ba lefaseng ba ba yago go fetolwa. Jesu o rile, “Kgoro ke ye e pitlaganego gomme tsela ke ye tshese, eupša ke ba ba sego nene fao ba ba tlago go e hwetša.”

**Go reng ka batho bao ba dumelago go Morena bjale gomme ba sa . . . gomme e sego ka tsela ye o rerago** (Ga se ba swanela go dumela se. Ga se ba swanela go dumela ka tsela ye ke e rerago. Le a bona? Ga se ba swanela go dumela seo.) . . . **bakeng sa Molaetša wa letšatši la mafelelo. A ba tla phološwa?**

<sup>156</sup> Ee, ge ba dumela Morena. Le a bona? Gomme ge ba—ge ba ganetša gomme ba re, “Ga ke dumele Yena ke Lentšu. Ga ke dumele gore seo ke nnete. Ga ke dumele go kolobetšo ya Moya wo Mokgethwa,” seo se bontšha moo ba lebilego, Sekga sa Tlaišego. Eupša bao ba kgonago go amogela Lentšu ka bottlalo bja Lona, e sego nna ke Le rera, ka gore Ke Beibele e bolela bjalo. Bao ba amogelago seo ba lokologilego, ka gobane ba . . . Lentšu le šetše le ahlotšwe.

<sup>157</sup> Bjale, a Moahlodi wa go loka a ka kgonago ahlolamonna gabedi ka se sengwe le se sengwe ge kotlo e lefilwe? Ge ke be ke le ka lebenkeleng la tša kgale, gomme wa tla go feta gomme wa re, “Ke ya go mo lopolla”; gomme o ile ka gare le go lefela tefo bakeng sa topollo ya ka (gomme yeo ke kotlo ya ka ya go beng ka lebenkeleng la tša kgale), gomme o lefa topollo ya ka, gona go kgonega bjang gore ralebenkele a ntleleime gape? Ntle le ge ke rekišitse ntle gape. Ke lena bao. Ge ke ganne Bottlalo bja Lentšu, gona ke ya thwi morago ka lebenkeleng la tša kgale gape. Le a bona, le a bona? Gona ka lwa tsela ya ka go tšwa gona, ge nka kgonago. Eupša O ntropolotše. Go lokile. Ke a holofela gore seo . . . Ke—ke no ba le bontši kudu fa ke nyakago go hwetša tše tše . . . [Lefelo la go se be le selo godimo ga theipi—Mor.]

**248. . . .ye Kogedzi ya Boraro gomme e bolela Lentšu. Go bonala ka go felela go be go kgonega go wena go bolela lentšu gomme yo motee o tla bušetšwa ka go felela le go tlala, o beilwe ka go felela komana bakeng sa Thlatlogo ka tsogong, Morwa wa motho. Se se bjalo, goba a ga se gona? Gomme o tla dira se ge ka maleba o gateletšwe godimo, a o ka se ke? “Go phonyokga dilo tše tšohle (e na le go tia fao)—go phonyokga dilo tšohle tše le go ema pele ga Morwa wa motho”? (Luka 21:36)**

<sup>158</sup> Bjale, mogwera morategi wa ka—wa ka. Le a bona? Bjale, ke nagana mo gore o—o—o na le—o na le setatamente se sebotse. Ee, mohlomphegi! Ee, mohlomphegi! Bjale, seo se tla ba bjalo. O rile, “Ngwanešu Branham . . .” Ka mantšu a mangwe, sese se ke . . . Ga ke nagane gore ke . . . Nka kgonago . . . Ke a dumela ke . . . E sego go pholetšha se o se boletšego, eupša ke a dumela nka kgonago se dira go hlakahlahi gannyanego go batho. Le a bona? O a dumela, ka baka la Mantšu a a Boletšwego le dilo tša go swana le tše A boletšego ka tšona. Gomme lena bohole mo le hlatseditše dihlorana le dilo tšohle tše dingwe tše tše di dirilwego. Eupša a le etše hloko, seo se filwe ka Boikemo! Ga se ka ke ka Mo kgopela, “Morena, a nke ke dire se, ke bolele dilo tše ka mokgwa woo, ke dire dilo tše fao.” Ga se nke ka Mo kgopela seo. Yena ka thato Kgethwa ya Gagwe Mong o tlide go nna gomme o rile, “Eya o dire se.” Le a bona? Ke be ke sa kgopele selo se tee ka yona. Moshe ga se a ke a kgopela go ya tlase ka Egepete, eupša e bile Modimo yo a mo rometšego tlase Egepete. Le a bona?

<sup>159</sup> Bjale, ke a dumela gore Moya wo Mokgethwa o tla tla go nna le go bolela ka pono, “Eya o botše motho yo *itšego-itšego* gore ga ba—ba leka go fenya selo se *itšego*, gomme ga ba kgone go e dira. (Gomme ba a kgoga; ba a nwa; ba a aketša, ba a utswa, goba ba dira bootswa, e ka ba eng e ka bago; goba ba ne moya wa kganyogo.) Gomme o no ya moo ba lego le go re, ‘Wena moyo, tšwela ntle fale; ke lokolla motlengwe yo.’” A go tla direga? Ka phethagalo! Ee, ka nnete, seo ka phethagalo se tla dira; go tla direga. Eupša bjale, godimo ga go tšea o ka re ga ka mong... Bjale, *go tšea o ka re...* go ra “go ya ka ntle le maatlataolo.” Le a bona? Ke ya tlase fale go thuša motho yo; ke no tšea gore go tla loka. Le a bona? Ka gona ga ke tsebe; nka kgona go bitša Leina la Morena godimo ga bona; nka kgona go ba rapelela, ka dira e ka ba eng ke dumago.

<sup>160</sup> Ge nkabe ke bile le tsela ya ka mong mosong wo...ke—ke nno ba le poledišanonyakišo le mohumagadi yo monnyane yo a dutšego ka go setulo se sa bagolofadi. Go tla kopanong ye lehono, ba ile ba swanela go ba le kgoro ya tša mello go mo ntšha ka ntlong ya gagwe ka Chicago; gomme batho ba phela go kgabola mokgotha gomme ga ba tle kopanong. Le a bona?

<sup>161</sup> Ke be ke tla dira eng? Ge e be e le ka maatleng a ka... E ka go... Ke na le maatlataolo go e dira, eupša ke swanetše go leta ditaelo go e dira. Le a bona? Ke na le maatlataolo go tšwa go Modimo go e dira; eupša bjale, ge A efa ditaelo, o tla ya morago gae a fodile. Le a bona? Ke a tseba yeo ke therešo. Le a bona? Ke tla no rata go hwa mosong wo ka seo bjalo ka ge ke—ke tla ba ka go e ka ba eng. Le a bona? Yeo ke thereso.

<sup>162</sup> Eupša sa pele, le a bona, ke tšohle tše... Ga go yo motee, ebile le Jesu Yenamong o rile, “Morwa ga a kgone go dira selo ka go Yenamong, eupša se A bonago Tate a se dira, seo Morwa o se dira go swana.” Re tseba seo. Mokgethwa Johane 5:19. Go lokile. “Morwa ga a dire selo ka go Yenamong, eupša se A bonago Tate a se dira, seo Morwa o tla se dira go swana.” Go lokile.

#### **249. A pono ye o bilego le yona mengwaga ya go feta ya mohlolo wo mogolo go direga kgauswi le Corydon, Indiana, e tla tsoge ya phethegə?**

<sup>163</sup> Ke lebeletše ka pukung ya ka ge ke hweditše se le go bea leswao la potšišo. Bjale, go be go swanetše go ba nako yeo ke bego... swanetše go šetša moo mehlare yela ya mosetara... Feela ge o thoma go theoga thaba kua, ka lehlakoreng le lengwe, go ya tlase go leba Corydon, ka morago ga ge o tšwetše ka ntle ga thaba ka New Albany, ke be ke swanetše go šetša mehlare yela ya mosetara bakeng sa kotsi ya go šiša yeo ke tla bago ka go yona. Gomme ka mogau wa Modimo, ke e phonyokgile ge mosetsana yo moswa, a enwa lebotlelo la wisiki, a bolailwe; mogolo wa gagwe o be o ripilwe thwi fale ka lebotlelo a bego a na le lona ka molomong wa gagwe, mosetsana wa bogolo bja mengwaga ye

lesometshela, gomme ke be ke tla ba thwi fale ka nako yeo. Le a bona? Bjale, seo e ka no ba e be e le se o bego o bolela ka sona. Ke badile seo.

<sup>164</sup> Gomme ka gona gape, ge ke bile le kopano ye ga Ngwanešu Beanblossom... Go ka no ba go bile seo. Go ka no ba go bile Georgie Carter. Le a bona? Seo e bile se sengwe se diregilego kua. Gomme gona go ne tše nne goba tše tlhano tša tšona ka fale... Ga se ke bone selo eupša se se diregilego. Ge—ge motho yo a ngwadilego ye a ka no e ngwala morago gape le go mpotša se ke se boletšego lebakeng la nako yeo, gona ke tla e lebelela godimo. Le a bona? Ge o ka no mpotša se ke se boletšego, pono... Ka gore ke etše hloko ka ponong kua dilo tše ke di beilego fase ka pukung, gomme še mo e diregilego ka mokgwa wo. Ke be ke se na le selo se beilwe fase, seo ke bego ke se tseba, selo se se itšego ka ntle ga seo.

<sup>165</sup> Gomme ka gona fao go be go le selo se sengwe; yeo e be e le tshokologo ya Omar Price tlase fale nako yela ge a be a swaswalatša kgahlanong le nna kudu. Gomme le a tseba, o tlie tabarenekeleng gomme a kolobetšwa Leineng la Morena Jesu. Oo, o lwele le nna thata kudu go seo; gomme ke dutše le yena mo nakong ya bošego. Ke nno tšwelapele go mo rata, go dula thwi fale feela go swana; eupša mafelelong a tla, gobane Morena o mpoditše o be a eya go tla, gomme kafao ke—ke nno dula thwi le yona. Le a bona?

<sup>166</sup> Selo sa go swana le moreri yo monnyane a dutšego ka morago ga ka fa. Ke ile tlase Clarksville go bolela le yena nako ye nngwe, ke mmolelala ka kerekeng yela ya Methodist, gomme o be a le Momethodist go kgabola le go kgabola, se ke se rago. Ke tla morago godimo fa; ke rile, “Letšatši le lengwe ke tla mo kolobetša Leineng la Morena Jesu Kriste.” Gomme ke dirile; yoo ke Ngwanešu Neville!

**250. Ge e le phošo go nna go—a ke phošo go nna sepetsa le—le lebenkele la tša bobotse? Ke nna mmotsefatši gomme ga ke dumele go Bakriste go kota moriri wa gagwe, eupša ke ripa ba bangwe' gomme (ke a thanka ke t-a-y-a, taya, seo se ra mmala, ke a thanka, a ga se yona?) khalara gape.**

<sup>167</sup> Kgaetšedi morategi, nka—nka se tsebe ke go botše eng. Theetsa, nka se kgone go bolela go basadi ka seo, go bea mmala ka moriring wa bona. Ga ke na Lengwalo kgahlanong le seo; nka kgona feela go dula le Lengwalo. Le a bona? Lengwalo ga le bolele go bona go se dire seo. Lengwalo le re o swanetše go ba le moriri wo motelle, gomme ka morago ga fao, ga ke tsebe ke ye kae. Le a bona? Ga—ga ke tsebe selo ka seo.

<sup>168</sup> Bjale, modiredi yo monnyane yo a lego gona mo felotsoko ke a tseba, mogwera morategi wa ka, re be re bolela mmogo letšatši le lengwe ka Blue Boar ge re be re na le matena. O rile, “Mosadimogatša wa ka o mohuta wa hlong go tla pele ga

gago." Yo mokgethwa kudu, wa bomodimo, mosadi yo monnyane, gomme ke mo—mo mohumagadi yo monnyane yo mobotse, koko, le... Eupša ke yo mokaone, wa go hlweka, wa kgonthé... Mosadimogatša wa ka o no ba a gafa ka mosadi yo, gomme—gomme ke nagana ke wa kgonthé, mosadi wa kgonthé. O... Ga ke tsebe ge eba o dutše fa; ke a thanka o gona. Ke nagana monnamogatša wa gagwe o fa. Gomme o rile go nna; o rile, "O tlogela moriri wa gagwe go gola morago ga ge a go kwélé o rera gomme o bone e be e lokile, eupša," o rile, "o be a šomiša mmala tsoko ka moriring wa gagwe; gomme o leka bokaonekaone bja gagwe go hwetša mmala wola wohle go gola ntle pele a etla tikologong mo o lego."

<sup>169</sup> Bjale lebelela, Kgaetšedi morategi, ke hlompha seo gagolo. Ke na le tlhompho go mosadi yo a tla dirago seo. Go mosadi yo mongwe go no tla godimo le go dira moriri wa gagwe ka tsela efe kapa efe, goba o tshwetše mo dinaong tša gagwe le go sepela go dikologa go ikgogomoša gomme ga go tlhompho le gannyane, elelwang, Jesu o rile, "Se o se dirago go ba, o se dirile go Nna." Le a bona? Gomme ke hlompha seo ka go lena, gomme Modimo o tla le šegofatša bakeng sa seo.

<sup>170</sup> Eupša, Kgaetšedi, ka mmala wa moriri goba se sengwe boka seo, ga—ga ke tsebe. Nka—nka se kgone go thekga seo ka Lengwalo, kafao ke... seo se no ba godimo ga lena. Le a bona? Wena, ge o nyaka go e dira, seo se lokile ka go phethagala le nna. Bokgole bjo ke tsebago, kereke ga e na setlwaedi se se bjalo. Ge o nyaka... Eng kapa eng ye e sego ka Beibeleng ye, gabotse, o no... Go tšwa go wena. Le a bona? Eupša ke tla no le fa keletšo ya ka, le a bona, gomme bokgole bjo ke tla tsebago... Le a tseba, e no ba tlhago ya mosadi go nyaka go lebega botse; o swanetše go ba ka tsela yeo.

<sup>171</sup> Le a tseba, ka bophelong bjo bongwe le bjo bongwe bo lego gona, pholo ke ye botsebotse kudu, eupša morafe wa batho. Tšea nonyana e ka ba efe, kgomotshadi. Tšea sehlopha sa dikgomo. Ke efe e lego ye botsebotse, kgomo ya tshadi ya kgale ya lenaka la go kgopama goba poo ye kgolo? Tšea tshepe; e lego, tshepetshadi ye nnyane goba tshepetona? Tšea sehlopha sa kgama; ke efe ye botsebotse, ye ton a goba tshadi? Tholo, eng kapa eng o nyakago go e dira. E tšee—e tšee ka nonyaneng; e tšeeli ka go kgogo, mokoko goba sethole? E tšeeli ka go nonyana, ye nnyane... ye kgolo mokadinale yo mobotse goba sethole se sennyane sa marothorotho, se dula sehlengeng sa gagwe gomme sa alamela mae a gagwe? Le a bona? Se sengwe le se sengwe ka go morafe ka moka, ka mehla ye—ye ton a ke ye botsebotse kudu, eupša tshadi go motho. Gobaneng? O hlotše go wa. Sathane o mo kgethile thwi fao, gomme bobotse ke bja diabolo. Le a bona?

<sup>172</sup> Sathane e be e le morongwa yo mobotse kudukudukudu. O be a le mokerubi yo a bego a apešitšwe ka moriti. Lebelelang ka fao mosadi a bago phapano bjale go se ba bego ba le sona. Ke

ba bakae ba elelwago Pearl, goba, go baleng ka ga Pearl Bryan? A re boneng diatla tša lena, ba bangwe ba lena batho ba kgale. Nnete. Le a bona? O swanetše go ba mosadi yo mobotsebotse ka Amerika. Motšwamahlalagading yo monnyane yo mongwe le yo mongwe yo monnyane mo mokgotheng o tla ba yo mobotse gabedi go feta ka mo a lego bjale. Gobaneng? Seo e no ba tlwa se Beibele e se boletšego: “Ge barwa ba Modimo ba bone barwedi ba motho e le ba babotse . . .” Seo e be e le sehlopha sa magwaragwara seo se rometšego lefula godimo ga lefase, seo Modimo a sentšego morafe ka moka wa batho. Le a bona? Ke tlwa. Gomme lehono se sengwe le se sengwe se theilwe godimo ga Hollywood le—le bobotse le dilo boka tše, ge bobotse e le selo sa sephiri sa pelo (le a bona?) gomme e sego ponagalo ya ka ntle. A nke ba itšhepiše bonabeng, e sego ka ponagalo ya ka ntle, eupša bokagare, ya wo bonolo, moyo wo boleta. Yoo ke—yoo ke Mokriste.

Kafao bjale, go potšišo ya gago, Kgaetšedi, ga ke tsebe feela se nka go botšago.

Bjale, nka kgona go ema thwi bjale goba go tšea metsotso ye mengwe ye masometharo gona, gomme ka gona . . . A metsotso ye masometharo . . .? Ke ba bakae ba tla no go dula metsotso ye mengwe ye masometharo, gomme morago seo se tla re fa nako ye ntši gannyane bošegong bjo? Gabotse, ke tla hlaganelia thwi ka pela nako yeo.

## **251. Ngwanešu Branham, a Timotheo wa Pele 2:9 ye e ra gore mosadi a ka se kgone go loga moriri wa gagwe? A moriri wa go ohlwa o ra wa go “logwa” moriri?**

<sup>173</sup> Bjale lebelela, Kgaetšedi, bjale ye . . . Ke—ke thabile yela e latetše ye. Ga se ka ke ka e lokiša fao, eupša e nno—e latetše yela gabotse.

Elang hloko, moriri wa go logwa ka letšatšing leo e be e le leswao la mosadi wa mokgotheng; seo ke se a se dirilego, o logile moriri wa gagwe. Gomme Paulo o rile go Bakriste, “Bjale, go tšepa gola, e sego go o lesa o be wa go logwa . . .” (goba “go ohlwa” le “go loga” ke selo sa go swana), go loga moriri wa bona, gobane go bonagetše boka ba lefase ka moka.

<sup>174</sup> Bjale, ga wa swanela go lebega boka lefase goba go itshwara boka lefase! Le a bona? Basadi ba swanetše go fapana fao. Le a bona? Aowa, bjale, moriri wa go logwa . . . Bjale, lehono moriri wa go logwa ke wo mobotse, gomme ke kgolekgole go tloga go fešene ya lefase. Bjale, le bona basadi, ka tsela ye ba dirago moriri wa bona lehono . . . E no boloka moriri wa gago ka tsela efe kapa efe; o no se lebege bjalo ka lefase! Le a bona? O se ke wa lebelela goba go apara bjalo ka lona! Ge ba apara dišothi, o apara roko. Ge ba—ge ba dira moriri wa bona ohle . . . ba o kota ohle le go o ripa, le go e dira go tsoge . . . O—o—o no tlogela ya gago e nnoši. Le a bona?

<sup>175</sup> Gomme mologo—eupša wa go logwa... Potšišo e bile: A “go logwa” go ra... *go ohlwa* go ra “go logwa”? Ee, yeo ke nnete. Gomme bjale, mo mokgotheng...

<sup>176</sup> Bjale, ke lebeletše seo godimo go hwetša mengwaga ya go feta se moriri wa “go logwa” o bego o se ra. Le a bona? Mosadi, gabotse, basadi ba kgale, ba nno gogela moriri wa bona morago le go o bofa, kudu boka ka go mosela wa pere lehono. Gomme ba ile go dikologa... Ba bile le diropo ka mokgwa wola, eupša basadi ba mokgotheng ba tšere moriri wa bona gomme ba o theošetša gohle go kgabaganya dihlogo tša bona, gomme ba o tateditše go dikologa ka mokgwa woo, le go bea matšoba ka go wona le dilo boka tše, gomme woo e be e le mohuta wa—wa lefofana mo mokgotheng; go no swana le ge re ka bona lefofana lehono, ka tsela ye a aparago. Ke bolela *lefofana*, ka gore le a tseba gore ke nna mokgalabje; kafao seo ke se ba ba biditšego sona ka matšatšing a ka. Ke eng ba ba bitšago lehono? Ke... Nna, ga ke tsebe. *Matsuana* goba se sengwe goba se sengwe. Kafao... E ka ba eng e lego. Ba fe mohuta e ka ba ofe wa leina, ba a le rata.

**252. Ngwanešu Branham, o boletše go ye nngwe ya ditheipi gore Noage o phološitše lapa la gagwe. A se se ra gore mme a ka kgona go ba le tumelo ya go swana bakeng sa lapa la gagwe? Gomme a go ra gore yo mongwe le yo mongwe wa lapa o tla phološwa ge re e dumela?**

<sup>177</sup> Bjale, yeo ke...ya, woo ke mohuta wa... O tla swanelia go šetša ka tsela ye ke arabago se bjale. Le a bona? Sa pele, “O rile... (Bjale, a nke ke bone seo.) O boletše go ye nngwe ya ditheipi tša gago gore Noage o phološitše lapa la gagwe.” Gobaneng? Ka gobane ba dumetše. Yeo ke yona, ka gobane ba dumetše molaetša wa gagwe.

<sup>178</sup> “A se se ra gore mme a ka kgona go ba le tumelo ya go swana bakeng sa lapa la gagwe?” Ee, Kgaetšedi! Ke kgona go bona pelo ya mme yo monnyane e llela batho ba gagwe. “Gomme a se se ra gore yo mongwe le yo mongwe wa lapa o tla phološwa ge re e dumela?” Ee, ge ba ka e amogela. Yeo ke nnete.

<sup>179</sup> Elelwang moletakgolego wa Filipi. Dumela bakeng sa bobedi wena... Ge o na le tumelo ya go lekanelia bakeng sa phološo ya gago mong, a o ka se kgone go ba le tumelo yela ya go swana yeo e tla šomago godimo ga batho ba geno? Tumelo ke eng? Ke maatla a go se bonwe. Le a bona? Ke eng—ke eng—ke Moya. Moya wo Mokgethwa o tliša tumelo. Le a bona? Ke maatla a go se bonwe.

<sup>180</sup> Gobaneng nka bea diatla godimo ga balwetši? Le a bona? Ge nka kgona go hwetša kgomanio yela ya sebele le moyia wola ka go motho yola fale, se sengwe se ya go direga. Le a bona? Mo go eme Moya wo Mokgethwa; O tla utolla diphiri tša pelo. O tla dira feela tlwa se A rilego O tla se dira mo letšatšing la mafelelo. Batho ba dumela seo; ba a se lebelela, “Ee, mohlomphegi, ke dumela seo.”

<sup>181</sup> Bjale, ge ke no se be setlwaedi kudu go lena (le a bona?), e ba feela selo sa tlwaelo. Le sepela go kgabola letšatši le lengwe le go sepela go kgabola letšatši la go latela. Le a bona? Seo—seo e no ba go leka mahlatse. Ga le e dumele lefelong la pele (le a bona?), gobane feela ka pela ge ka kgonthe le e dumela . . . Mosadi yola o rile, “Ge nka kgona go kgwatha kobo ya Gagwe, ke tla dirwa go fola gohle,” gomme o e dirile. Le a bona? Ga se a ke a re, “A ke e leke gape.” Le a bona? O e dumetše. Le a bona? Yeo ke—yeo ke . . .

<sup>182</sup> Bjale, ge o ka no dumela ka tšohle tše di lego ka go wena bakeng sa lapa la gago . . .

<sup>183</sup> Bjale, go swana le mo, ke eng e ntutuetšago? Ke eng—ke eng maatla a ka letsogong la ka? Ka kgonthe ga se digoba tša ka, ke moyo wa ka. Ka kgonthe, ntšhetša moyo wola ntle, gomme digoba di ya go dira eng? Le no ba go hwa ka mo le ka kgonago go ba. Le a bona? Le tla bola, eupša ke . . . Le a bona, ke moyo wo o matlafatšago.

<sup>184</sup> Lebelelang Simisone yo monnyane. Bontši bja bona ba bone mabati a notletšwe eke go tla ba magareng ga dikota tše pedi fa. Gobaneng, monna wa bogolo bjoo a ka kgona go tšeа tau le go e ripaganya ka diripana, Ngwanešu Jackson. Tau e tabogela monna boka yola ka mojako . . . ka magetla boka mojako wa ntlopolokelo, gobaneng kgonthe, seo se ka se be sephiri; eupša sephiri se be se le, o be a no ba kgopana ye nnyane ya hlogo ya dikhele, yo monnyane nthathana, mothaka wa kgale, e ka ba, yo monnyane wa nkatsjadi, mošemane wa mama yo monnyane, dikhele tše nnyane tša nkatsjadi di lekeletše go theoga mokokotlo wa gagwe. Eupša le ela hloko, o be a no hloka thuso bjalo ka e ka ba eng go fihla Moya wa Morena o etla godimo ga gagwe. Gomme ge Moya wa Morena o etla godimo ga gagwe, tau yela e kitimetše ntle le go rora, o nno e kgeilanya diripana. E be e se Simisone; E be e le Moya wa Morena.

<sup>185</sup> Bjale, o ya go tšeа bjang lerapo la mohlagare la moula, leo le bego le robetše ka leganateng lela le go galoga bošweu . . . Gomme tšona dihelemete tša Bafilelita di be di le e ka ba bokoto bja mphiri wa intšhi wa go kgwahla. Gabotse, o tšeа lerapo lela la mohlagare gomme wa le itia kgahlanong le e tee ya tšona dihelemete, le tla ya go diripa tše sekete. Le tseba seo. Ba be ba tla betha lela la kgale, lerapo la mohlagare la go oma . . . Eupša lebelelang fale, o eme fale ka lerapo le la mohlagare ka seatleng sa gagwe gomme a itiela Bafilelita ba sekete fase; ka moka ga bona ba kitimela maswikeng. O rile, “Etlang pele, le nyaka tše dingwe tša yona le lena?” A sa—a sa le swere! E be e le eng? Moya wa Morena o tlie godimo ga gagwe. Le a bona?

<sup>186</sup> Kagona, Ke Moya wa Morena. Gomme ge o na le Moya wa Morena ka go wena go dumela bakeng sa phološo ya gago mong, bea seo godimo ga lapa la gago. O re, “Ke ba tleleima ka Leina la

Jesu Kriste; ke a le tleleima! Modimo, ga ke tsebe ka fao O yago go mo dira a e dire, le ka fao O yago go mo dira a e dire, eupša ke a e dumela. Ke a e dumela, Morena! Thuša gosedumele ga ka.” Le tleleime gomme šetša se se diregago. E tla e dira.

**253. A Monyalwa—a Monyalwa pele Jesu a etla, a O tla ba le maatla ohle a Moya wo Mokgethwa go dira mehlolo, go tsoša bahu, le go ya pele bjalo ka go kgogolamooko—goba a ye ke kgogolamooko bakeng sa Bajuda ba dikete tše lekgolo masomenne nne? A badiredi bohole ba tla ba le se, a re, goba, a re no be re letile go tla?**

<sup>187</sup> Ee. O a bona, mogwera, ga—ga—ga ke moithutamodimo. Ga se nna moithutamodimo; ka fao, ke swanetše go ruta tšohle tše ke di tsebago ka Beibele go tšwa meriting le dikai. Le mohuta wa go mpitsa mmapetši. Eupša ge nka kgona go lebelela lebotong lela, gomme ga se ka ke ka tsoge ka ipona nnamong; gomme ke a lebelela, gomme ke kgona go bona gore ke na le hlogo, le ditsebe, le diatla, gomme . . . Ke tseba se sengwe ka ga se ke yago go lebega boka ge nka tsoge ka ipona nnamong. Le a bona? Ge nka bona ponagatšo ya ka ka seiponeng, ke tseba se nka lebegago ge nka kgona go ema go tloga gomme ka lebelela go nnamong.

<sup>188</sup> Bjale, yeo ke tsela ye ke naganago ka Beibele. “Dilo tšohle tše,” Baroma 26 e rile, “di diregile go ba mehlala ya rena.” Re ka kgona go lebelela morago le go bona se e bego e le sona, boka ngwedi o bonagatša letšatši. Re tseba se letšatši le tla bago, ge, ge re se ra tsoge ra bona letšatši, re kgona go bona ngwedi, le go bona gore le ya go ba le leglwane go feta woo. Gabotse, ge le bona se se diregilego ka go Testamente ya Kgale, e no ba ponagatšo ya se se diregago ka go ye Mpsha.

<sup>189</sup> Bjale, ka fa, ke dumela ka pelo ya ka yohle ke . . . rena re, goba matšatšing a . . . Ge re se, yo mongwe a le gona; go swanetše go ba. Nako e fedile; re bofelong!

<sup>190</sup> Ye nngwe le ye nngwe . . . Lefase . . . Modimo o dirile lefase mo mengwaga ye dikete tše tshela, gomme sekete sa bošupa O khutšitše. O rile motho a ka se tsoge a phela nako yeo ntle, ngwa—ngwa mengwaga, goba—goba, letšatši: “letšatši le o jago go tšwa fao, letšatši le o hwago.” Adama, goba, Methusaele e be e le monna wa motšfetšo kudu yo a kilego a phela ka Beibeleng, gomme o be a le bogolo bja mengwaga ye makgolo senyane le masometshela senyane; gomme ga se nke a phela mengwaga yela ye sekete. Eupša monna yo a yago go phela go kgabola Mileniamo, mengwaga ye sekete se tee, go laetša gore—gore kotlo e lefilwe . . . Motho o phela neng le neng; letšatši le fedile; nako e fedile; ba ka go bokagosafelego.

<sup>191</sup> Gale, ke swere mangwalo a mantši kudu ka molaetša wa ka a mabedi goba a mararo MaLamorena a go feta godimo ga—*Legae La Ka Moso la Monyalwa le Monyadi*. Seo ka kgonthé se iteile

gae felotsoko go boati bja bona. Seo... Se dirile go nna le nna. Ga se nke ka ke ka fola.

<sup>192</sup> Bjale, hlokamelang. Go se (le a bona?), Abraham o bone... Bjale, bjalo ka ge A mekamekane le Abraham, O dirile bjalo ka peu ya gagwe. Bjale, le lengwe la matšatši a ge ke etla morago nako ye nngwe, ke nyaka go tšea seo kgauswiuswi gannyane le go le laetša tlwa diteše tša bophelo bja Abraham. E tlwa le Luther, Wesley, le pele go theoga go ya mo, feelsa tlwa ka fao A šomilego le dikereke boka A dirile le Abraham; ka fao A bonagetšego; ka fao gore fale ge A tiišetša kgwerano go yena ka tlase ga madi a a tšholotšwego, e be e le lebaka la Filadelefia. Ee, mohlomphegi, leo e be e le lebaka la madi, Luther... lebaka la Wesleyan.

<sup>193</sup> Eupša gona šetšang lebaka la Pentecostal. Ka morago ga ge A tlide fao, O dirile tshepišo ya *El Shaddai*, “anywa go tšwa go Nna.” Potšišo ke: A le kgona go anywa? Yeo e tlišitšwe pele ga Mapentecostal. Le a bona? A le kgona go anywa? Eupša ga se ba e dira; ba ba hlohotše se—se sefega go tšwa go kerekela moo ba tšwago gona. Eupša ka gona Peu, Peu ya nnete, e tla godimo go anywa letswele leo.

<sup>194</sup> Gomme leswao la mafelelo ba bilego le lona e be e le eng, pele ga morwa yola wa tshepišo yola ba mo letilego mengwaga ye yohle, ge A etla morago? E be e le Modimo a eme ka sebopego sa Motho gomme a kgona go hlatha dikgopololo tše di bego di le ka pelong ya Sarah (Sarah a le Kereke, go emela Kereke), go hlatha dikgopololo tše di lego ka Kerekeng tše ebile di bego di le ka morago ga Gagwe. A yeo ke nnete? Gomme ka pela ka morago ga fao, a fetogela morago go mosadi yo moswa gomme yena e le monna yo moswa; gomme Isaka o tlišitšwe tiragalang, morwa wa tshepišo.

<sup>195</sup> Ke a dumela le bona selo sa mafelelo se se tla diregago go Kereke pele ga Tlhatlogo. Seo ke tlwa. Ke a se dumela. Pula e fedile. Nno bala ditema tše tharo tša mathomo tša Kutollo gomme le tla bona se se tshepišitšwego go Kereke. Seo ke se se tshepišitšwego, Kereke, thwi fao, mabaka a kereke.

<sup>196</sup> Le etše hloko letšatši le lengwe ge re be re thoma tšona Diphalafala, Moya wo Mokgethwa o rile, “Woo ga se wa fa.” Le a bona, le a bona?

<sup>197</sup> Bjale, kgogolamoko, Bajuda ba kete tše lekgolo masomenne nne, aowa, seo ga se... seo... ba ka se... seo—seo ke ge Eliya le Moshe... Fao ke mo mehlolo e diregago. Dilo tše batho ba bego ba di lebeletše, Mapentecostal, bakeng sa mehlolo, fao ke mo seo se tla diregago ka go seo, ka tlase ga bona. Le a bona, woo ke wa Eliya le wa Moshe. Ba otla lefase ka dithogako bontši bjo ba ratago; ba tswalela magodimo gore ga e ne ka matšatšing a seprofeto sa bona. Gomme Modimo o tla ema le go ba lwela boka A dirile, gomme O tla ba ntšhetša ntle ka tlase ga seatla se maatla

feela tlwa boka A dirile ka Egepeta (le a bona?), go tšwa go tše “diism” tša lefase. Gomme O tla dira seo, eupša seo ga se . . .

<sup>198</sup> Re no ba go letela go Tleng ga Morena. E no letang; tšwelangpele mabone a lena a gotteditšwe, ohle a tletše oli. Rapelang iri ye nngwe le ye nngwe, e sego letšatši le lengwe le le lengwe, iri ye nngwe le ye nngwe. E no tšwelangpele le le komana; ebang komana, ebang bose, gomme le šeditše.

Oo, re šeditše go tla ga Letšatši lela la lethabo  
la Mileniamo,  
Ge Morena mošegofatšwa wa rena a tla tla le  
go ubula Monyalwa wa Gagwe yo a letilego;  
Oo, nna—oo, pelo ya ka e tletše ka tlhatlogo  
bjalo ka ge ke šoma, ke šetša, le go rapela,  
Ka gore Morena wa rena o tla morago lefaseng  
gape.

Yeo ke yona; yeo ke kholofelo ya Kereke iring ye.

#### **254. A Leina la “Jesu Kriste” le lokile bakeng sa kolobetšo, goba a e swanetše go ba Leineng la “Morena Jesu Kriste”?**

<sup>199</sup> E ka ba efe. Ke e tšeja Morena Jesu Kriste (le a bona?), gobane ke nagana Yena ke Morena wa rena. Bjale, feela *Leina la Jesu*, boka ba bangwe ba baena ba rena ba kolobetša, ke—ke a fapana fale (le a bona?), gobane ke a tseba ke ne bagwera ba bantši ba bitšwago Jesu, bontši bja—bja bagwera ba bantši ba moreri ka Mexico, le—le Italia, le go ya pele. Ba ba bitsa *Jesu*, gomme kafao *Jesu* ga se la lekanela. O tswetšwe a le Kriste Mophološi, bjalo ka ge A tswetšwe a le Mophološi, Kriste, motlotšwa. Gomme matšatši a seswai moragwana O filwe leina la *Jesu*. Le a bona? Morago O be a le Morena Jesu Kriste. Seo ke se A bego a le sona. Go lokile.

#### **255. Ngwanešu Branham, a Morena a ka go dumelela go re laela ka potšišo ya lenyalo le tlhalo ka nako ye? Potšišo: A monna a ka kgona go nyala mosadi gomme a hlalwa ke yena gomme morago a nyala yo mongwe? Ge bobedi bja bona ba nyala yo mongwe, a bobedi ba dira bootswa? O boletše e tla feleletsa ka go peu ya sephente. Go bjang bjalo?**

<sup>200</sup> Bjale, fa—fa go ye nngwe ya dipotšišo tše di radiago kudu tše re nago le tšona ka go dihlopha tše, gomme ke ye e botšišwago kudukudu ka go—ka go—ka go lefase lehono. Bjale, nkwend, gomme ke na le lebaka la se. Ge ka kgonthe ke tlišitše go kereke ye le go theipi ye mosong wo, selo sa maleba ka lenyalo le tlhalo, e tla šwalalanya kereke ye nngwe le ye nngwe ka nageng, ge ba e theeditše. Le a bona? Yeo ke nnete.

<sup>201</sup> Bjale, kafao nthuše, Beibele še e robetše pele ga ka, ke bile go potšišo yeo, O RIALO MORENA! Gomme mahlakore a mabedi ao a ngangišanago a fošagetše. Bobedi bale ba ba nyalanyagogape ba ba nyetšwego le go ya pele, bobedi ba phošo go se ba se dirago, eupša gare ga yona go Therešo, bogare bja tsela. Ga ke nyake

go... Ke ya go dira theipi ge eba se sengwe se a direga go nna, gona baena ba ka e raloka morago ga ge ke ile (le a bona?) go dikereke. Eupša ke—ke nyaka go dira theipi ka yona le go no le laetša mo e lego; eupša go fihla ke ikwela go hlahlwa ke Morena, nka se bolele e ka ba eng ka yona. Eupša ke ikwela gore go dilo tše tseo ke swanetšego go hlahlwa ke Morena; ge ke sa dire, ke tla dira tshenyo ye ntši go feta ka mo ke dirago gabotse. Le a bona?

<sup>202</sup> Bjale, ke nyaka le hlokomele se. Potšišo: “A monna a ka kgona go nyala mosadi gomme a hlalwa ke yena gomme morago a nyala yo mongwe; gomme ge bobedi bja bona ba nyala yo mongwe, a bobedi ba dira bootswa?” Bjale, mogwera wa ka, ga ke nyake go gobatša maikutlo a lena, eupša yeo ke Therešo. Jesu o rile, “Mang le mang a mo nyalago yoo a hladilwego o dira bootswa.” Le a bona? Ke—ke no se nyake go e bolela, eupša ke Therešo.

<sup>203</sup> “O boletše se se tla feleletša ka go peu ya sephente.” Le a bona? Ga ke elelwa ke bolela seo, eupša go molaleng ke dirile felotsoko, ke boletše se sengwe ka yona.

<sup>204</sup> Go swana le letšatši le lengwe, ke na le se sengwe se hlakahlakane, ke diregile go se kwa, gomme ke... Ke e swere thwi fao; gomme e godimo ga theipi, gomme go molaleng ke—ke tla kwa go tšwa go yona. Ge ke be ke bolela ka Diphalafala tše Šupa, ke rile e be e le diphalafala tše šupa. Ke be ke šupa go monyanya wa Pentecost. Go tloga moketeng wa Pentecostal go fihla go šupa... go fihla di—di Diphalafala, fao go be go le Disabatha tše šupa. Disabatha tše šupa di be di le gare ga Monyanya wa Paseka go Pentecost (le a bona?), ye e dirilego matsatsi a masometlhano. Le a bona? Eupša se ke bego ke šupa go sona, go beng gore, ke rile, “Seo se ra Mabaka a Šupago a Kereke.”

<sup>205</sup> Godimo ga theipi yeo, ge o ka direga go e hwetša goba e ka ba eng, godimo ga theipi yeo e swanetšego go ba, gore kgwedi ya bošupa ka morago ga fao e tlišitše ka gare mo—mo Monyanya wa Diphalafala, ye e rilego Mabaka a Šupago a Kereke, dikgwedi tše šupago, e sego Disabatha tše šupago. Disabatha tše šupa di ile go... Ke e hlathollotše godimo kua. Ke rile Disabatha tše šupa, ka mokgwa woo, eupša ka gona ke rwele kgopolo yeo ya go swana godimo, ge e le kgwedi ya bošupa ka morago ga Monyanya wa Paseka, goba, ka Monyanyeng wa—wa Pentecost, morago gwa tla monyanya ka morago ga ge šeref e tlišitše ka gare, ya šišinywa. Le a bona gona—gona... Le elelwa fale, šeref e fetoga go ba llofo ya borotho ka morago ga nako yeo. Le a bona? Ge še—še šeref ya... šeref e tee, gona tšohle di ya ka go llofo e tee. Oo, ke thuto ye kgolo fale; ga se ke kgwathe ntsha ya yona. Eupša ge o ka direga go swara seo godimo ga theipi ya gago, elelwa, lebelela ka Beibeleng. Le a bona, ke dikgwedi tše šupa ka morago ga fao. Bala go tloga dikgweding tše šupa: Janaware, Febereware, Matšhe, Aporele, Mei, June, le Julae; e tla ba Julae, dikgwedi tše šupago, tše di emelago Mabaka a Šupago a Kereke a go tlala.

Modiredi yo mongwe a ka no topa yeo godimo, gomme ka gona o tla ba le yona, le a bona, fao. Go lokile.

<sup>206</sup> Bjale, go se fa, a nke—a nke—a nke re no mohuta wa... Lena... Sese se ke se bolelago. A nke ke bolele se, e sego Morena, a nke ke se bolele. Ge le nyetše ka nako ye, gomme bobedi le phološitšwe, gomme le tladišwe ka Moya wo Mokgethwa, gomme le ratana seng sa lena, gomme le na le bana ba bannyane (bjale, elelwang yo ke nna, e sego Morena. Le a bona?), eyang pele gomme le phele mmogo; thabang; gobane o ka se phele le mosadimogatša wa gago wa pele goba o ka be o se wa mo nyala. Gona ge o tlogela yo le go ya morago go wa gago wa pele, o dira gampe go feta o dirile lefelong la pele. Le a bona? Kafao le a bona, lena bohole le hlakahlakane; ga go tsela ya go tšwela ka ntle ga yona. Go tla ba tsela e tee feels ka therešo yeo nka kgonago go bolela go tšwa Beibeleng: bobedi bja lena le phela go se nyale. Le a bona?

<sup>207</sup> Bjale, eupša... Yeo ke tsela e nnoši nka kgonago go bolela gonabjale, eupša go ne selo se sengwe ka fale, seo nka—nka se kgone go le botša bjale, gomme lebaka ke rego, “E sego nna, eupša Morena, tšwelangpele.” Ge le ka tsoge la tliša seo go theipi, gomme letšatši le lengwe, ge nka tsoge ka se tliša, le elelwa ka tsela ye ke boletšego seo. Ge o be o le bohlale, o be o ka kgonago go e topa (le a bona?), godimo ka fao ke boletšego seo nako yela, gomme ka gona o be o tla tseba.

## 256. Ngwanešu Branham, a re swanetše go ya go dikereke tše dingwe ebile le ge di ganetšana le wena?

<sup>208</sup> Kgonthe, ya! Jesu o dirile ge ba sa dumelane le Yena. Eya pele. Re ela hloko mo, e re, “A re ka ya go kereke ye nngwe ye e sa dumelanelogo le wena?” Nnete, ga ke... Ga ke no ba le leswikana le nnoši godimo ga lebopo, le a tseba. Go—go no ba banna ba bangwe ba bomodimo mogohle; ke a holofela ke nna yo mongwe wa bona. Le a bona? Eupša le se tsoge la ya fase mo... .

<sup>209</sup> Ke bileditšwe ka gare go se sengwe boka se letšatši le lengwe. Se—se sehlopha ka Arizona se bileditše šedi ya ka go seo. Le a bona? Sehlopha sa bodiredi se rile, “Selo se nnoši re nago le sona kgahlanong le wena, Ngwanešu Branham, ke (ye nngwe ya dilo) batho bao ba tlago ntle fa le wena, ga re kgone go ba dira go ya kerekeng e ka ba kae.” Ba rile, “Ba ne bana le se sengwe le se sengwe; ba ka se ye kerekeng.” Gomme ba rile, “Gabotse, re ba boditše ba amogetšwe go tla—go tla kerekeng ya rená.”

<sup>210</sup> Bjale, ke a tseba ba Bea kgatelelo godimo ga lena gomme ba nyaka le tšoene, eupša ga la swanelo go tšoena; eupša beang tšona digotlane ka sekolong sa Lamorena felotsoko! Gomme le ya kerekeng; le se dule gae, la ya go thea dihlapi, le go tsoma, le dilo boka tšeо ka Lamorena.

O re, “Gabotse, ga ke wa molao.”

Gabotse, bokaone o be ka mokgwa woo lebaka la nakwana, go hlompholla tsogo ya Kriste. Eya kerekeng felotsoko!

<sup>211</sup> Ge ke—ge ke ile... Ge nka se kgone go hwetša... Ge ke ile kerekeng ye e *itšego* yeo ke tsebago go na le selo se tee feela bona batho ba kilego ba se bolela seo ke se dumetšego: ba rile ba a dumela Jesu o be a le Morwa wa Modimo. Ba e boletše (ke a e belaela), eupša ke tla ya go ba kwa ba bolela seo. Mohlomongwe o re... Yeo ke kereke ye, mohlomongwe kereke ya go latela e tla ba se sengwe boka Baptist. Ba re, “Ya, ke a dumela o swanetše go ba le boitemogelo.” Ke tla—ke tla ya le bona goo. Gona ke a dumela Jesu Kriste ke Morwa wa Modimo; ke a dumela o swanetše go ba le boitemogelo. Go lokile.

<sup>212</sup> Gona mohlomongwe go na le Assemblies of God. Bjale, ba dumela... Le a bona, nka—bjale nka kgona go ja e ka ba dilai tše tharo goba tše nne tša borotho le bona (le a bona?), gobane ba ka kgona go dumela...

<sup>213</sup> Go swana le letšatši le lengwe, motho yo wa go swana o biditše gomme o nyakile go tseba ka ga seo, gomme o rile, “O rile...” (Modiredi yo ntle kua, moisa yo tlase kua yo a bego a nyaka go ahlaahla yeo. Ngwanešu wa go šokiša, o ka go phoro ye bjalo.) O rile, “Gabotse, Ngwanešu Branham,” le a bona, o rile, “o kgahlanong le wena Assemblies of God.” Gomme ge modiredi wa Assembly a ka direga go topa theipi ye, ke nyaka le mpotše ke neng nkilego ka ba kgahlanong le monna wa Assembly of God goba monna e ka ba mang yo mongwe! Gobaneng e le, ge motsemošate wa lena mong o amogela gore ke le rometše dikotara tše tharo tša milione wa bana ba ka bao ke ba tswetšego go Kriste? Ke kgahlanong le Assemblies of God bjang? Gobaneng ke le kgahlanong le Oneness? Ga ke kgahlanong le Oneness, Assemblies of God, Church of God, goba motho ofe! Ke kgahlanong le tshepedišo ye nngwe le ye nngwe ye e aroganyago motho.

<sup>214</sup> Lebelelang, ke rometše go Assemblies, ka palo ya bona beng, dikotara tše tharo tša milione wa bana ba ka mong. Ge ba le ba babe kudu, gobaneng ke dira seo? Gobaneng? Ke nagana gore ke ye kaonekaone kudu e lego ka nageng go ba romela go yona, e ka ba Oneness goba...ye nngwe ya tumelo ya Pentecostal, gobane ba dumela go phodišo Kgethwa; ba dumela go tša kagodimogatlhago; ba dumela go kolobetšo ya Moya wo Mokgethwa. Seo ke se sekaoonekaone... Nka—nka se kgone go ba tliša bohole thwi mo; bohole ba godimo ga lefase. Ke na le bagwera gohlegohole lefaseng, bana bao ke ba tswetšego go Kriste. Ke tla ba romela go ba bakaonekaone... A le kile la nkwa ge ke dira pitšo ya aletara? Ke re... Ge ke ba hwetša godimo kua le go ba dira ba phološwe, ke re, “Bjale, o ya go kereke ye nngwe ye botse ya Full Gospel gomme wa ikhweletša kereke legae.” Ke ba bakae ba kilego ba nkwa ke bolela seo? Kgonthé, kgonthé. Gabotse, gobaneng ke ba rometše fale gona? A nka ba moikaketši

go romela bana ba ka mong lehung? A go be kgole le nna. Aowa, mohlomphegi!

<sup>215</sup> Ge o sa kgone go ya... Ge o sa kgone go tla mo tabarenekeleng, hwetša kereke felotsoko; go ya go yona. Ga la swanela go tsea tšohle ba di dirago. Ke karolo efe ya borotho ba go solelago, o sola borotho. Ge ba na le kaliki, gobaneng, o no e tlogela e nnoši. Le a bona? Yeo ke nnete. Nka se kgone go ba dira ba e dire, eupša seo ke tlwa... Kgonthe, eya kerekeng. E ka ba kae mojako wa kereke o bulwago, o fapogela ka maatla ka fao o ka yago. Ge ba sa dumele, gabotse... Bjale, ga wa swanela go tsea karolo. Le se ke la di tšoena, le se ke la tšoena ye e itšego ya tšona dikereke; eupša eyang go tšona; kopanelang le tšona. O tseba bjang gore ga se Morena? O rile O tla dira se sengwe le se sengwe go šomela mmogo go tše botse! Gomme mohlomongwe go ne soulo ka kua ye e swanetšego go phološwa, gomme o ka kgona go phadimiša Seetša go bona. Le a bona? Eya pele tlase kua. O se ke wa ba le manganga, eya bose; gomme batho ba thoma go re, “Yoo ke mosadi wa Mokriste kudu, le banyalani ba Bakriste; yoo ke mošemane goba mosetsana Mokriste kudu. Nna, ke rata go... Mošemane, ka kgonthe ba itshwara o ka re ba ne se sengwe.” Le a bona? Gomme ba re, “Ke eng?”

“Še yona.” Gona ba botše. Eupša o no ba letsawai, gomme ba tla nyorwa.

## 257. Morategi Ngwanešu Branham: A o a dumela gore maswao a swanetše go latela bohole ba ba nago le Moya wo Mokgethwa?

Jesu o boletše bjalo, Mareka 16.

**Ge go le bjalo, go reng ka batho ba ba dumelago Molaetša  
ka tšohle tše di lego ka go bona, efela ga ba na maswao a?  
A ke basedumele goba a ba hloka Moya wo Mokgethwa?  
Ge go le bjalo, hle re laele lehonon, mokgwa wa go amogela  
Moya wo Mokgethwa. Re a dumela o seboleledi sa Modimo  
sa letšatši la rena. Ngwaneno.**

<sup>216</sup> Ke a go leboga, ngwanešu wa ka, go ntšeela bjalo ka ngwanešu wa gago—wa gago, gomme ke nagana gore yeo ke potšišo ye botse kudu. Bagwera, ee, go nyefiša gannyane. Ke tla rata go mekamekana botelele nthathana gannyane go seo ge nka kgona. Le a bona? Ke go nyefiša. Lebelelang! Ba bangwe ba lena... Le a bona? Mola, o ka se kgone go amogela kolobetšo ya Moya wo Mokgethwa ntle le go ba le boitemogelo ge e direga... Bjale, ge o dumela “tshetlana ye nngwe le ye nngwe ya Lentšu,” o re... O re o dumela tshetlana ye nngwe le ye nngwe ya Lona, ka gona Lentšu le robetše ka kua le letetše Moya wo Mokgethwa go Le bea go šoma; eupša go tsea go gotetšwa ga kerese.

<sup>217</sup> Kerese še ka pete ka go yona, le ka ma—ma makhura ohle, le se sengwe le se sengwe e swanetšego go ba le sona ka go kerese yela; eupša go fihla mollo o etla godimo ga yona, e ka se

phadime seetša e ka ba sefe. Ga go kgathale kerese e phethagetše gakaakang, le ka fao e tla tukago le se sengwe le se sengwe, e swanetše go gotetšwa, gomme morago e a tuka. Gomme ge o dumela gomme o dirilwe ka ditaelo tša se Moya wo Mokgethwa o lego, lerato, thabo, khutšo, pelofalo, bobotse, dikenywa tše O di tšweletšago, go fihla Moya wo Mokgethwa ka boitemogelo bja mollo o etla fase le go gotetša kerese yela, gona wena o—wena o . . . ga se wa amogela Moya wo Mokgethwa. Le a bona? O swanetše go ba le boitemogelo go ba le Moya wo Mokgethwa.

- 258. Ke nna wa yunione ya bašomi. A se ke phošo go Mokriste?**  
**Lentšu le re,** “Le se ke la ena—le se ke la ena.” Re swanetše go ena go phethagatša molaotheo wa yunione ya bašomi. Ga se ke tsee karolo ya mafolofolo ge e sa le ke eba Mokriste, eupša ke sa ntše ke lefa ditshwanelo tša ka.
- 259. A leina la Judase Iskariot le phumotšwe go tšwa go Puku ya Kwana ya Bophelo, goba le be le le go Puku ya Kwana ya Bophelo?**

<sup>218</sup> Go lokile. Go amana le yunione ya bašomi, ke a tseba o šoma . . . Lena banna le na le diyunione tša bašomi le dilo tše o le . . . Ge o nyaka go šoma, o swanetše go ba wa yona. Yeo ke nnete tlwa. O swanetše go dira seo. Eupša e šetšeng (le a bona?), gobane e ya go tla go tloga go mošomo go ya go bodumedi le lengwe la matšatši a. Le a bona? Bjale, le no elelwa, ke pulamadibogo ya se sengwe le se sengwe se eba yunione. O ka se šome; ba ka se go dumelele go mošomo; wena o—wena o “wa lebakanyana,” ntle le ge wena—ntle le ge o le wa yunione ye.

<sup>219</sup> Bjale elelwang, lena batho ba baswa, elelwang se Ngwanešu Branham a se bolelago. Gomme a nke mantšu a ka a tlokiwe ka pene ya tshipi ka go tha—tha—tha thaba ya tshipi! O RIALO MORENA, selo sela sa go swana se tla direga ka go bodumedi. O tla ba wa kerekeleina ya mohuta wo mongwe, goba o ka se kgone go reka goba go rekiša. Kafao hlokomela ka kgonthe, Ngwanešu. E tlogele e ye feela go mošomo o nnoši. E šetše; ke tshebotšo!

<sup>220</sup> “A leina la Judase Iskariot le phumotšwe go tšwa go Puku ya Kwana ya Bophelo, goba le kile la ba go Yona?” Ee, le be le le go Yona gomme la phumolwa. Le a bona? Gobane ka go Mateo tema ya 10, Jesu o biditše Judase le bohle ka moka ga bona, le go ba fa maatla kgahlanong le meoya ya ditšhila. Ba ile ntle ba lelekela bodiabolo ntle, gomme Jesu o rile, “Ebile ke bone Sathane a ewa go tšwa Legodimong.” A yeo ke nnete? Gomme ba tla morago, barutiwa bale bohle mmogo, gomme ba be ba hlalala; gomme O rile, “Se hlalaleng gore a lena . . . bodiabolo ba le obamela, eupša hlalalang gore leina la gago le ngwadilwe godimo ga Puku ya Bophelo.” Le a bona? Yeo ke nnete. Gomme Judase o be a le thwi le bona! Le a bona?

<sup>221</sup> Kafao elelwang, mo Kahlolong, šetšang, mo Setulong sa Kahlolo, “Kahlolo e be e beilwe; dipuku di be di butšwe; gomme

Puku ye nngwe ya bulwa, e bego e le Puku ya Bophelo, gomme motho yo mongwe le yo mongwe o ahlotšwe bjalo.”

<sup>222</sup> Bjale, ke lena bao, go potšišo nakwana ya go feta. Le a bona? Mo Setulong sa Kahlolo. Jesu, Kereke, Monyalwa, o ile a hlatlošwa, a ya godimo ka Letagong, gomme o be a le godimo kua gomme a nyatšwe, o boetše morago lefaseng, gomme o phetše mengwaga ye sekete. Mafelelong a mengwaga ye sekete Sathane o ile a tlemollwa go tšwa kgolegong ya gagwe, ye a tlemilwego ke Morongwa ka ketane, e sego ketane ya dikota, eupša ketane ya seemo; balatedi bohole ba gagwe ba be ba le ka heleng. Bohle ba ba tsošitšwego lefaseng ba lopolotšwe le Jesu le bona. O be a sa kgone go šoma godimo ga selo; eupša mafelelong a mengwaga ye sekete, tsogo ya bobedi . . . “Wa lehlogenolo le yo mokgethwa ke yo a nago le karolo ka go tsogo ya pele yeo lehu la bobedi le se nago maatla.”

<sup>223</sup> Bjale hlokamelang, ka go tsogo ye ya bobedi, ge ba etla godimo, gona Sathane o tlemollwa go tšwa kgolegong ya gagwe lebaka le lennyane; gona kahlolo e bewa. Bjale šetšang, Jesu le Monyalwa, bjalo ka Kgoši le Kgošigadi, ba dutše teroneng, Terone ye Tšhweu ya Kahlolo; gomme dipuku tša bulwa, dipuku tša badiradibe. Gomme Puku ye nngwe ya bulwa, e bego e le Puku ya Bophelo; gomme motho yo mongwe le yo mongwe o ahlotšwe bjalo ke Monyalwa. “A ga le tsebe (go išeng ditaba tše dinnyane tše pele ga molao), a ga le tsebe gore bakgethwa ba tla ahlola lefase?” Le a bona, le a bona? Go lokile.

#### **260. A ka kgopelo o ka kgona go hlaloša sehlopha sa Kutollo 20:4 ke mang? A ke bona karolo ya Monyalwa wa ba ba fetilego goba ba ka moso?**

<sup>224</sup> Ke Monyalwa ka go felela, bobedi ba ba fetilego le ba bjale. Ke Monyalwa go felela, ka gore ba phela ka go Mileniamo. Go lokile.

**261. A ka kgopelo o ka kgona** (Gabotse, ke potšišo ya go swana tlwa) . . . **Kutollo 20:4, ke tšona disoulo tša ba ba kgaotšwego hlogo bakeng sa bohlatse bja Kriste ba ba ka se rapelego sebata goba go amogela leswao la gagwe ka go** (Oo, ke bona se ba yago go sona bjale. Se ke sa tšo se fiwa, se nno neelwa go nna) . . . **ge e sa le go re ba phetše le go ren a le Kriste mengwaga ye sekete? Kafao go a gakantšha, gobane tlaišo ya Monyalwa, eupša ba ka ba bomang gape le go ren a le Kriste mengwaga ye sekete? A ba tla—ba . . . a ba tla ba dikete tše lekgolo masomenne nne?**

Aowa, aowa! Ke Monyalwa. Bjale, elelwang, elelwang, ba . . .

<sup>225</sup> O rile, “Ge ba kgaotšwe hlogo bakeng sa bohlatse . . .” Bjale, le re, “Gobane . . . se rapele sebata . . .” Kgonthé! Le re, “Sebata se sa tlo tla.”

<sup>226</sup> Sebata se bile gona nako yohle; sebata e bile sona se ba fepilego morago fale ka go wona magolo a ditau, se ba fepilego

morago kua ka go arena yela kua ka Roma. Yoo e be e le molwalekriste; seo e be e le sebata thwi fao, se bea sebopego sa bodumedi. Go no swana tlwa, gabotse, phethene. Kereke ya Roma e be e tšerwe thwi go tšwa Beibeleng, gomme ka gona . . . Se ba se dirilego seo, ba kgatlofaditše selo le go dira setheo le go dira ke—ke kereke ya lefasepharephare go tšwa go yona, gomme bohle ba sa kwatamago fase go yona ba be ba swanetše go senywa. Le a bona? E be e le.

<sup>227</sup> Gomme ka gona ka karolong ya Mmele ye e bego e le nako yeo . . . Bjale, Mmele o godile go no swana le mohlare go fihla O etla Hlogong. Le a bona? Gomme bohle, bobedi mohwelatumelo, motlaišwa, le go ya pele . . .

<sup>228</sup> Eupša Jesu o re file khutšo ka lehlakoreng le la noka, feela boka A dirile meloko yela . . . fale (le a bona?) ga se e kgabaganyetše mošola. Bjale.

**262. Nka kgona go mo direla eng? A nka tšwelapele go (Oo!) hlokomela Papa polaseng? Nka dira eng . . . go dira go—go iphediša . . .?** Gomme o saena leina la gagwe.

Ee, ngwanešu wa ka . . . Go—go ngwadilwe fa. Ga ke tsebe ke mang . . . E re, “Ngwanešu Branham . . .” E no thomiša, “Nka mo direla eng?”

<sup>229</sup> Bjale, ka kgonagalo mošemane tsoko bakeng sa papagwe. Lebelela, Ngwanešu morategi, mošegofatšwa ke wena ge o tla hlokomela papago, ka gore papago o go hlokometše ge o be o sa kgone go itlhokomela wenamong. Gomme molao wa pele ka tshepišo, molao wa pele ka tshepišo: “Hlompha tatago le mmago se se ka telefatša matšatši ao Morena Modimo wa gago a go fago godimo ga lefase.” Le a bona? Ya, hlokomela Papa ka tsela efe kapa efe o ka kgonago. Bona gore o hwetša bokaonekaone kudu.

**263. O boletše gore Kaine o be a le wa peu ya sephente. Gobaneng Efa a rile, “Ke hweditše motho go tšwa go Morena”?**

Re ya mo. Bokaone ke lete go fihla ka morago ga matena go ye tee ye. Ya, ke tla leta go fihla ka morago ga matena go yeo. Oo, seo se ya go tšea e ka ba nako ye nnyane go hlaloša seo. Go lokile.

**264. Morategi Ngwanešu Branham: A o ka ntłhalosetša temana ye, Jesaya 2:2: “Gomme go tla tla go phethega gore ka matsatšing a mafelelo, gore thaba ya Morena . . . ka thabeng ya ntlo ya Morena e tla hlongwa ka ntłhoreng ya dithaba, gomme e tla phagamišwa ka godimo ga dithaba; gomme ditšhaba tšohle di tla elela ka go yona.”**

<sup>230</sup> Ee, ke dirile, Lamorena pele ga la go feta. Le a bona? Ntl—ntł ntlo ya Morena e tla hlongwa ka ntłhoreng ya dithaba, gomme ditšhaba tšohle di tla elela ka go yona. Ye kgolo . . . Ge o se ne . . . Ge o na le theipi ka *Legae la Monyalwa le Monyadi La Ka Moso*, e e hlaloša feela tlwa ka tsela yeo.

Oo, nna! Le nna nka no tlogela gonabjale, gobane nna, oo nna, ngwanešu, ga re tsoge ra kgabola tšohle tša tše fa. Fše!

- 265. Ngwanešu Branham, ke... (A re boneng se se lego.)**  
**Ngwanešu Branham, go dumetšwe ka setlwaedi ke ba bantši bao ba latelago Molaetša wa gago gore o Mesia wa letšatši le. A go bjalo?**

<sup>231</sup> Aowa, mohlomphegi!

**Re botše ka go hlaka, Ngwanešu Branham. O bonala go dikadika go itira wenamong go tsebja, gomme re tseba gore ka bodiredi bjo bo bjalo ka ge Modimo a go file, o swanetše go tsebagatšwa ka Mangwalong felotsoko.**

- 266. Nomoro—Nomoro 2: O re boditše morero wa gago wa go ya Arizona lekga la mathomo. O re boditše gobaneng, gomme go diragetše, eupša ga se o re botše gobaneng o ile morago gape.**

<sup>232</sup> Lefelo la pele, ga se nna Mesia! Le a bona? *Mesia* ke Jesu Kriste, eupša re “Bomesiana,” yo mongwe le yo mongwe wa rena. *Mesia, Mesia* go ra “Yena motlotšwa.” Gomme ka go Yena go dutše bottlalo bja Modimohlogo mmeleng; ka go nna go no dula karolo ya Moya wa Gagwe, go swana le ge go dula ka go lena. Ke filwe mpho go—go—go tseba dilo tše nnyane le go bonelapele dilo. Seo se ntira go no ba ngwaneno. Le a bona? Ga ke...ga go Mesia; ke nna ngwanabolena (le a bona?), feela modiši go mohlape. Gomme ge ke le boditše ke be ke le Mesia, ke tla ba moaketši. Le a bona? Gomme ga ke nyake go ba moaketši.

<sup>233</sup> “Bjale, gobaneng ke ile Arizona lekga la mathomo?” Le kwešišitše seo. Ke ile ka Leina la Morena, gobane ke rometšwe fale ka pono. Ke boile lekga la bobedi bakeng sa morero. Nno e tlogela e nnoši. Ke tseba se ke se etšego; ga ke kgone go bolela se sengwe le se sengwe. Ge le...diabolo ga a tsebe, ga a kgone go e tloša pelong ya ka. Ge nka e bolela ntle, gona a ka kgona go hwetša yeo, eupša ga a kgone...a ka se kgone go e hwetša ge e le ka pelong ya ka. Ge ke re, “Letang go fihla go etla go phethega!”...E nong go elelwa, swarang theipi ye; ke ile Arizona ka morero. Ka kgopelo nkgotleleleng. Le a bona? E no dirang se ke le botšago go se dira (le a bona?); go no—go no dira bjalo ka ge ke re dira. Le a bona?

- 267. Ngwanešu Branham, ke na le dipotšišo tše dingwe ke dumago go go botšiša—go go botšiša. Ke kwele batho ba bolela gore o eleditše batho go rekiša tša bona tšohle... (Mohlomongwe bokaone ke tlogele yeo e nnoši le yona. A re boneng. Gabotse, e šetše e le nako go tlogela. Mohlomongwe re hwetša ye ka morago ga matena, eupša ke—ke tla arabा ye goba go leka bokaonekaone bja ka. Ga ke tsebe; e sa tšo neelwa go nna. Le a bona? Billy o ntlišeditše lehupa fao—fao mo lebating. Le a bona?) Ke kwele batho ba bolela gore o eleditše batho go rekiša magae a bona ohle le go latela**

**go ya Arizona goba—goba ba ka se be ka go Tlhatlogo. A  
ye ke therešo?**

<sup>234</sup> Ao ke maaka. Le a bona? Uh-huh!

**...goba a re swanetše go rekiša magae a renā, goba a ebile  
o boletše se?**

<sup>235</sup> Aowa, mohlomphegi! Ga se ka se bolela! Ge e ka ba eng, ke eleditše batho go se e dire. Uh-huh! Elelwang, elelwang “Junie” toro ya Jackson nako yeo ge ke ile ntle kua? “Junie” o lorile gore o bone ye... Ke ba bakae ba elelwago toro, le ka fao Morena a filego tlathollo. Thaba ye kgolo yela, re be re eme godimo ga yona, le mangwalo a kgale a go gogolwa kua; gomme ke be ke leka go e hlatholla, gomme ke be ke sa kgone go e dira. Gomme ke—ke be ke e hlatholla go bona. Morago ga ge ke e hlathollotše yohle, yohle ya yona e hlatholotšwe, morago ke obeleditše le go hwetše (ka torong ya gagwe bjale) mohuta wo mongwe wa, go swana le, lepheko le go no ripa nthhora ya thaba le go lebelela ka kua, gomme yohle e be e le bošweu wa leswele, boka mabole. Eupša go be go se gwa ngwalwa, gomme ke rile, “Lena bohle dulang fa gomme le lebelele ka go se bjale, ge ke sa ya mošola.”

<sup>236</sup> Gomme “Junie”... Bohle ba bona ba ile godimo le banešu bohle le bohle ba lebeletše ka go yona, yo mongwe... Ba be ba sa kgone go kwešiša; ba rile, “Gabotse, o tseba eng? Ebile ga se go ngwalwe fa,” eupša efela o be a bala ka ntle ga yona. “Gobaneng go se gwa ngwalwa ka fa? Ga re kgone go kwešiša.”

<sup>237</sup> Gomme Junior a retologa go dikologa gomme a lebelela, gomme a mpona ke eya go leba bodikela, go leba bodikelatšatši, go ya godimo ga thaba ye nngwe, thaba ye nngwe, ka lebelo ka kgonthe, go no ba... Gomme nako yeo ba retologile go dikologa le go lebelela le go mpona ke sepetše; sehlopha ka moka se segolo sa bona se tlogile ka tsela yela, gomme ba nyakile go ya go se le go dira *sela*, ka morago ga ge ke ba boditše go dula fale. Dulang fale, dulang thwi fa; le ke lefelo.

<sup>238</sup> Gomme ka gona, ge ke dirile seo, nako yeo, gomme ke ile feela tlwa; gomme nthathana ye nnyane ka morago ga fao, Morongwa wa Morena o bonagetše go nna, a re, “Eya ntle Arizona mošola.” Ke kwele mothuthupo wola o direga le go ya kua, gomme e be e le eng? Mošemanе yola o lorile toro yela feela gabotse tlwa, gomme Morena o file ya maleba... Elelwang, ke rile, “Go na le se sengwe ke se yelago fale.” Gomme ge ke ile kua, e be e le sephiri sa Mahuto a Šupa, ao a bego a tswaleletše ka gare ga thabą yela ya Morena. Ka tla thwi morago le go bulwa ga Mahuto a Šupa. Le a bona?

<sup>239</sup> Aowa, ga wa swanela go dira seo. Ge o nyaka go ya, seo se tšwa go wena. Nnete, ga ke... Nna, ga ke kgathale moo o yago, eupša go no dira seo, go nagana Monyalwa o ya go tloga fao, o phošitše.

<sup>240</sup> “Gape ke kwele ye... Ke (A nke ke... Ke e swere ka phošo felotsoko fa. A re boneng)... Tlthatlogo. A ye ke therešo goba re swanetše go rekiša magae a rena, goba a o kile wa bolela se?” Aowa, ga se nke ka se bolela. Ga se nke... Ka mehla ke eletša batho go dula moo o lego le go tšwelapele go ya pele go fihla Jesu a etla. Ge ke le boditše makga a mantši, a nke theipi ye e be segopotšo; a nke letšatši le e be segopotšo; a nke lentšu la ka e be segopotšo; ga se ka ke, ka nako e tee, ka tsoge ka botša e ka ba mang, a kilego a sokollwa, a tsoge a leka go hwetša yo mongwe go tla kerekeng ye! Ga se nke... Bokgole bja go ba botša go tlogela kereke ya bona beng le go rekiša ntle dithoto tša bona le dilo, Modimo o a tseba gore ka mehla ke be ke eletša batho go dula o le Mokriste le go dula moo o lego go fihla Modimo a go bitša. Yo mongwe le yo mongwe o tseba seo. Dula thwi fao! Eupša bjale, go botša batho... Yo mongwe o re, “Gabotse, ke nyaka go ya godimo mo. Ke nyaka go phela godimo...” O ya kae kapa kae o nyakago go ya; seo se lokile. Ga ke kgathale mo o yago; yeo ga se taba ya ka bakeng sa seo.

<sup>241</sup> Eupša bjale, go nagana gore... Le a bona, e dira eng? E thoma bodumedithoko (le a bona?), gomme ka gona ke tsena bothateng. Ba na le sehllopha ntle kua bjale se se yago go ba go motente gabotse ka pela. Gomme ka gona e ya go ba eng? “Re tla ntle mo bakeng sa Tlthatlogo ya Monyalwa.” Seo e no ba se dikuranta di se letetšego! Ba letile go e hwetša ge ba wela motenteng gomme ba sa kgone go boela morago magaeng a bona. Gona ba ya go dira eng?

<sup>242</sup> “Gabotse, re latetše Ngwanešu Branham ntle fa. Go swanetše go ba...” Gomme ke no ba go hloka molato wa yona ka fao nka bago. Ba go ratega, batho ba babose, ba—ba a tseba gore ke a ba rata, gomme ebole le ka phošong ya bona. Gomme ba... Gobaneng, ba... Ba... Ke a ba rata go le bjalo. Le a bona? Ke a ba rata; ke bana ba ka; eupša ba no se ntheetše, se ke lekago go ba botša. Ke leka go šoma se sengwe ka Leina la Morena, gomme ba ka se ntumelele go se dira. Le a bona? Ka kgonthe ba ya kgahlanong le nna go e na le sebakeng sa ka. Ba dira...

<sup>243</sup> A ga se ka le botša ge molaetše o ka tsoge wa rerwa, o tla ba thwi mo ka tabarenekeleng ye; eng kapa eng ke swanetšego go e dira, ke tla tla mo le go le botša pele, thwi go otlologa go tšwa go tabarenekele ye? Yeo ke tshepišo ya ka!

**268. Gape, ke kwele gore go na le thuto ntle, gore puku ye o e ngwadilego mengwaga ye mmalwa ya go feta ka borotho bja bophelo... Ba a e hlatholla gore bohle re swanetše go ba le wena goba go foša Tlthatlogo.**

<sup>244</sup> Gabotse, puku e fošagetše. Puku ya *Borotho bja Bophelo*, ke elelwa seo bjale. Seo e bile go fepa kereke tšekelele, mogohle. Le a bona, bothata bja yona ke... Bjale, bjale, lena batho, le tiile

lenabeng, eupša le swanetše go ba le seo. Seo se latela kopano ye nngwe le ye nngwe. Mo—mo . . .

Ke be ke bala ka ga Martin Luther fa e se kgale botelele, e se go ipapetša renabeng le seo; eupša ye ke mpshafatšo go no swana le ge yela e bile. Gomme po—po potšišo e bile . . . Bo—bo—bo borahistori, ba rile, “Ke selo se sebotsebotse go nagana gore Martin Luther o kgonne go phegiša kereke ya Katoliki gomme a feta ka yona. Seo e be e le selo sa go makatša, eupša,” o rile, “selo sa go makatša kudukudu ka Martin Luther e be e se seo. Ka fao a kgonnego go swara hlogo ya gagwe ka godimo ga bohlanya bjohle bjoo bo latetšego kopano ya gagwe gomme a sa dutše therešo go Lentšu, pitšo ya gagwe . . .” Le a bona?

<sup>245</sup> Aowa, mohlomphegi! O se ke wa bea ya gago mong . . . Monna goba mosadi mang kapa mang yo a beago eng kapa eng go se ke se bolelago, ga ba dumele se ke se bolelago. Ga ba . . . Ba re . . . Bona . . .

**269. Gape ka malapa a ao a rekišitšego ntle le go sepelela Sierra Vista, Arizona, moo ba hlathollotšego go tšwa go ye nngwe ya diftheipi tša gago e bitšwago** (feela motsotsotso) *Bethlehem Yo Monnyane—Bethlehem Yo Monnyane, Tlhatlogo e tla direga ka Arizona. A o ba eleditše go ya kua?*

<sup>246</sup> Ka kgonthe ga se ka dira. Ge ba be ba ngwala lengwalo ka seo, yo mongwe godimo mo ka Connecticut goba se sengwe, Ke arabile lengwalo morago gomme ke rile, “O dira mosepelo wo mobe kudu o kilego wa o dira ka bophelong bja gago. O se ke wa dira selo sa go swana le seo.” Le a bona, le ka se kgone . . . Gabotse, le no elelwa, lena batho . . . Bjale, bohole le a tseba gore ga ke botše bona batho go dira seo; ke ba botša go se e dire. Eupša le a bona, seo se swanetše go latela kopano. Gobaneng batho ba mpitša *Mesia*? Gobaneng batho ba . . . ? Ba bile go rwala . . . Gabotse, moisa yo motee ntle kua o mpontšhitše letšatši le lengwe, o be a na le selo se sennyane gomme o be a eya . . . a tšwela pele, a nyaka ka moka batho go kolobetšwa leineng la ka. Seo se tla ntira molwalekriste! Eupša ga ke bakeng sa dilo tše, gomme lena batho bohole le tseba seo. Eupša le a bona, se se na le . . . Seo se tsebagatša feela Molaetša therešo.

<sup>247</sup> A ga se ba tla le go leka go botša Johane, go le bjalo, yo a butšegomadibogo go tla ga pele ga Kriste, “A ga se wena Mesia?”

O rile, “Ga ke yena! Ebile ga ke na maswanedi go tlemolla dieta tša Gagwe. Ebile ga ke na maswanedi go Mo lebelela.” Le a bona? Eupša o rile, “Yo a tlago ka morago ga ka . . .”

**270. Bjale, Ngwanešu Branham, a re hlaiwa ke se sengwe? Batho ba ba tleleima go dumela lentšu le lengwe le le lengwe leo o le bolelago go ba therešo.** (Eupša ga ba dire! Ga ba le dumele. Ditiro tša bona beng di netefatša gore ga ba dire.) **Hle a nke ke tsebe karabo ya gago ya go otlologa: ee goba aowa** (O e hweditše! Go lokile.) **ka dilo tše, gomme ge e eba**

**ke therešo, re nyaka go ba komana go ya go tšoena le ka moka ga bona kua. Uh-huh. Ka moka ga bona... Ke go leboga kudu ka dikarabo tša gago go dipotšišo tše, bjalo ka ge ke tla be ke letile go di kwa Lamorena le, ge Morena a ka diega.**

<sup>248</sup> Oo, nna! Gabotse, Ngwanešu, Kgaetšedi, ke—ke a holofela go a kwešišwa (le a bona?) gore ga se ka ke, ga ke... Bjale, ge batho... Oo, nnete, ge le nyaka go tla ntle Arizona go phela... Gomme bjale, ke tla be ke le ntle ka Arizona mohlomongwe seripa se sa mathomo. Ke tla swanelia go tla morago mo. Ke tla ba... Ke—ke nyaka go dula fale; digotlane di fodile kudu le se sengwe le se sengwe. Ke—ke nyaka go dula fale nakwana ye nnyane, gomme ke ne morero. Elelwang bjale, go theipi, O RIALO MORENA, ke na le morero ka go dira se ke se dirago; le a tseba ke dirile; eupša nka se kgone go le botša seo.

<sup>249</sup> Gobaneng ke le botša go se rekiše magae a lena? Le ya go tla godimo o timela, gomme le ya go ba ka mafelelong a makopana a thapo. Le se ke la dira seo. Nka se dule ka Arizona eupša gannyane nthathana. Gobaneng? Nka se kgone go e dira bjale.

<sup>250</sup> Ge nka tlogela batho bale go dula ntle fale le go ya pele lerato, go ya go direga eng? Gona, seo e no ba tlwa se dikerekemaina le tšohle tša tšona di se lebeletšego. “Ha, ke le boditše se se bego se le ka morago ga gagwe, sekolo se sengwe sa baprofeta goba se sengwe!” Le a bona? Ke lena bao, seo e no ba se ba se lebeletšego! Ka morago ga tšohle, bona batho, ke ne boikarabelo go bona; le ge ba se ba dira se ke ba boditšego go se dira, gomme ba dirile tlwa... O re, “Ba tlogele ba sepele; ba—ba dirile se o ba boditšego go se se dire!” Seo ga se ka pelong ya ka. Ke sa nyaka go ba yela. Ke digotlane tša ka. Nka no ba phasola gannyane ge ke ba tliša morago, eupša ke—eupša ke—ke na le nnete go ya ka morago ga bona. Gomme ke ya go dira bjang ntle kua?

<sup>251</sup> Ba rile, “Re tla go latela Lentšu.” Ebile ga ke ne kereke go ba romela fale. Mohuta wa dikereke ba tla yago go tšona go na le mohuta wa go swana le o tlogelago mafelong a mangwe, mohlomongwe wa go befabefi. Le a bona? Gomme ba ka se ye kerekeng go le bjalo, gomme ga ke ne kereke go ba rerela. Ka gona ke a tlamega ka maithshwaro go tšea bana ba ka go tšwa Arizona, moo...

<sup>252</sup> Ke le botšiša se sengwe. Ke rerile bokaonana go feta melaetša ye masometharo ka kerekeng ye ngwaga wa go feta. Gomme lebaka la mengwaga ye mehlano, ka ntle, ge e sa le ke eba ka Arizona, ke rerile bontši ka kerekeng ye ka ngwaga o tee go feta ke dirile ka go mengwaga ye mehlano nako efe kapa efe (ka kgonthé!), fa ka kerekeng. Le ke legae la ka la motheo; wo ke motsemošate wa ka; fa ke moo re hlonngwego gona. Bjale, swarang seo ka monaganong ga go kgathale se se diregago.

Bjale, ge le le bohlale, le tla swara se sengwe. Ga go kgathale se se diregago, wo ke motsemošate wa rena, thwi fa! Gomme bolokang seo ka monaganong gomme le šupetše morago go theipi ye letšatši le lengwe, gore le nkwele ke profeta. Go lokile, elelwang seo!

<sup>253</sup> Ge o nyaka . . . ge o swanetše go tloga gomme o tle kerekeng, o se ke wa ya ntle kua go e hwetša, gobane ebole ga ke gona. Ga ke ne lefelo go ya; ga ke ne lefelo go rera go lona. Ba ka se ntumelele go rera ka dikerekeng tša bona. Ebole ga ke na lefelo, gomme ke tshepišitše banna ge ke etla fale . . . Bohle ba tšhogile ke be ke eya go tla fale le go aga moago wo mogolo, go gogolela dikereke ntle. Eupša woo ga se morero wa ka wa bophelo. Le a bona? Ke—ke dira batho go phološwa. Go tšwa go bona. Boka Mosamaria tlile tlase le go tsea monna go ya ngwakong wa baeti, marago a ba dira ba ba hlokomele go tloga fao go ya pele. Ga ke mo go thuba dikereke, ke mo go iša basokologi go Kriste! Le a bona? Gomme go ntira go se kwešišwe magareng ga batho (le a bona?) ge—ge ba hlatholla tsela ya bona beng gomme e sego . . . gomme . . . ba bolela se ke se bolelago. Le a bona?

<sup>254</sup> A ga le elelwe pono? Ke ba bakae ba elelwago toro ya Junior Jackson? Gomme bona bohole ba e latela feela tlwa. E be e le eng? Dulang fa go fihla ke eya mošola! Le a bona? Gomme o hweditše tlhathollo gomme a tla morago.

<sup>255</sup> Bjale, ke na le se sengwe gape ka pelong ya ka seo ke seboditšwego ke Morena go se dira, mosepelo wo mongwe go dira o lebanego le tabarenakele ye, le kereke ye; gore ke swanetše go ya kua goba felotsoko nako ye kopana. Ke bakeng sa morero, morero wo mogolo, morero wo le sa tsebego selo ka wona. Eupša elelwang, ke no se “ebele” go dikologa, ka gore ke dira ka mokgwa wo ke lego. Ke šoma ka go thato ya Morena, bokgole bjo ke tsebago mokgwa wa go šoma ka go yona. Le a bona? Leo ke lebaka ge le dumela se ke se bolelago, gona dirang se ke rego dirang (le a bona?), gona ntheetšeng gomme le ntumeleng bjalo ka ngwanabolena. Ge le ntumela go ba moprofeta, le se ke la hlatholla ka go fošagala mantšu a ka!

<sup>256</sup> Ge go na le e ka ba eng, kafao nthušeng, ge go na le e ka ba eng le swanetše go tseba seo Modimo a tla mpotšago, Modimo o a tseba ke tla le botša feela tlwa! Gomme le se ke la oketša go lona goba go tloša go lona; e no e dirang ka tsela ye ke e bolelago (le a bona?), gobane ke a le botša go tšwa pelong ya ka bokaonekaone bjoo ke bo tsebago. Le a bona? Le no dumela seo. E nong—e nong tsea feela—feelaa se ke se bolelago ka yona, le go no e tlogela e ye ka mokgwa woo. Go lokile.

<sup>257</sup> Kafao bjale, ke swanetše go tliša tšona digitlane morago mo bakeng sa se sengwe go ja. Ba tlase kua ka leganateng ba bolawa ke tlala.

<sup>258</sup> Modiredi o tlide go nna letšatši le lengwe, a re, “Ngwanešu Branham, ba hwetša tumelothoko ya go befa tlase kua o kilego wa e bona.” O rile, “Yo mongwe le yo mongwe wa bona, mosong wo mongwe le wo mongwe, ba ya ntle; gomme ba rile ga ba ye go šoma, go kgaušwi kudu le Tlhatlogo.” Ga ba ye go šoma. Gabotse, seo se no bontšha ebile ga le kwešiše. Le a bona? Nnete. (Theipi ye e ya tlase fale!) Kafao, ee, mohlomphegi! O swanetše, go tšeа thuto go tšwa go mohlwa, Beibele e a bolela, o a tseba. Ge e sa some, ga e je. Kafao seo—seo ke nnete tlwa.

Fa go—fa, ke no topa ye nngwe ya tše.

**271. Ke... (Ga ke tsebe. Le a bona, e no ba ye nngwe—e a fapan—a no ba mongwalo wa go fapano go tšwa go wo mongwe wo. Go no le laetša, ke a nagana go na le e ka ba seswai goba lesome la tše ka kua. Le a bona?) A kereke ya go phethagala kudu—kudu e ya go ba ka Tucson, Arizona? Ke nyaka go ba ka go thato ya Modimo ya go phethagala. A re ka thothela Tucson?**

<sup>259</sup> Ga se gannyane mongwalo wa seatla wo mongwe—wo mongwe. Ke... Ke... E no lebelelang go dikologa mo; ke tla no le bontšha ke tše kae di lego go potšišo e tee yela. Ga ke... Nka—nka se kgone go di hwetša, ke a thanka. Fa go—fa go... Ke na le tše dingwe di swailwe fa, “Ke tla le dira le tsebe.”

**272. Ngwanešu Branham: Hle... (A re boneng.) Go tseba gore o moperfeta, gomme, iring ye re e phelago, tla... le—le... moperfeta bakeng sa iri re phelago (Ke seo se lego.), a go tla tla nako ge batho ba Modimo ba tla swanelwa ke go tšabelia Arizona le wena? Ge go le bjalo, a o tla re dira re tsebe nako e tla neng?**

<sup>260</sup> Nnete ke tla dira. Ke tla le botša. Ke tla le botša. Bjale le a bona, go na le mengwalo ye mebedi ya go fapano, batho ba babedi ba go fapano. Le a bona? Go na le mongwalo o tee, gomme go na le wo mongwe. Le a bona? Seo ke se se swanetšego go ba, se se lego monaganong wa kereke. Le a bona? Gabotse, a re nong go hwetša go rumo se. A re boneng ge nka kgona go hwetša... A re boneng.

**273. Ngwanešu Branham... (Go na le ye nngwe, go fapano gohlegohle.) Ngwanešu Branham, ba bangwe ba go kwešištše go bolela ka go molaetša wa gago wa *Legae La Ka Moso la Monyalwa le Monyadi* ba be ba swanetše go ba (Aowa, ye e a fapano.), go ba dimaele tše makgolo a lesometlhano go tloga tabarenekeleng, sekwere, makgolo šupa ka tsela ye nngwe le ye nngwe (Ka mantšu a mangwe, tabarenekeleng e dutše thwi ka bogareng e tla ba makgolo a šupa ka tsela ye nngwe le ye nngwe, e tla ba dimaele tše makgolo a lesometlhano. Oo!), tsela ye nngwe le ye nngwe. A ye ke therešo? Ke phela ka ntle ga lefelo le; a ke swanetše go thothela ka go lona? (Oo!)**

<sup>261</sup> Aowa, Hani, o se ke wa dira seo. Lebelela! Bjale, le bona ka fao go lego bonolo go batho? Ke ba bakae ba bego ba le mo ge ke be ke rera molaetša wola? Ke boletše gore ge ke be ke ela Jerusalema ye Mpsha, gore e tla ba disekwere maele tše makgolo a lesometlhano. Ke rile e tla fihla ka go tsenelela go tloga Maine go ya Florida, le dimaele tše makgolotshela bodikela bja Mississippi; e tla ba disekwere maele tše makgolo a lesometlhano. Ke rile Toropokgolo, go kgopolu ya ka, e tla be e dutše thwi mo mobung moo moprofeta Abraham a purupuditšego Toropokgolo yela, ge go ka se sa ba lewatle. Beibele e rile go ka se sa ba lewatle, e lego e ka ba tharo nneng ya lefase e ka meetseng. Gomme go ka se sa ba lewatle; kafao kagona, go ka se be Toropokgolo ye kgolo kudu e dutše ka lefelong boka leo. Ke a dumela e tla dula ka go lefelo le lennyane lela moo ba bakago kudu ka lona, gomme Modimo o tswetšwe, kua ka Bethlehem. ke a dumela e tla ba thwi go bapela ka Palestina kua, moo e tla tsogago go tšwa lefaseng thwi fao gomme ya ba thaba yeo.

<sup>262</sup> Eupša, mogwera morategi, ga e na le selo go dira le tabarenekele ye. Le a bona? Abraham, Isaka, Jakobo, Paulo, bakgethwa bohle, ba hwile gohlegohle lefaseng, ba tšhumilwe, ba nweletše, ba jelwe ke ditau, le se sengwe le se sengwe gape; gomme ba tla tla pele go tšwa go lenga le lengwe le le lengwe, monga, le khona ya lefase. Ke a holofela ke fao. Ga ke tsebe mo ke tla bago, eupša e ka ba kae e lego, ge ke le ka go sehlopha sela, ga se gona se ka go nthibela go beng fale! Le a bona? Gomme ga ka swanela go ba lefelong e ka ba lefe le itšego. Lefelo le nnoši ke swanetšego go ba ke ka go Kriste, ka gore bao ba lego ka go Kriste Modimo o tla ba tliša le Yena. Ga ke kgathale moo e lego, O tla tliša... Mpolokeng ka go Jesu.

<sup>263</sup> Lebelelang baprofeta bale morago fale. Ba tsebile ka go kgopolu ya kgonthe, bjale, gore tsogo ya pele, dithakangwaga, e tla ba ka Palestina. Abraham o rekile lefelo, gomme o... e sego... gomme o bolokile Sarah. Gomme o belege Isaka. Isaka o bolokilwe ka lehlakoreng la tatagwe le mmagwe. Isaka o belege Jakobo; Jakobo o hwetše tlase ka Israele... ka Egepeta, a bušwa morago ka Palestina. Gomme ka gona, Josefa le yena o hwile tlase kua. Gomme ba tlišitše marapo a Josefa morago, gobane o rile, "Dira..." o bile le Josefa go ena go yona... Jakobo, gore a ka se mmoloke tlase kua, eupša go mo tliša morago go naga ya tshepišo. Josefa o rile, "Letšatši le lengwe Morena Modimo wa lena o tla le etela. A nke ke... marapo a ka a ye le go bolokwa le tate wa ka." Gomme ba dirile, ka baka la gore, ka go ba baprofeta, ba kwešišitše gore dithakangwaga tša tsogo di tla ba ka Palastina.

<sup>264</sup> Bjale, Beibele e rile... Gomme ge le mpitša moprofeta, ga ke re ke yena; eupša ge le mpitša seo, elelwang, ke re go lena leineng la moprofeta (le a bona?), leineng la moprofeta, tsogo le

Tlthatlogo e tla ba kakaretšo gohle godimo ga lefase ka moka! Ga go kgathale mo o lego, ge iri yela e etla, o tla ubulelwa godimo go Mo gahlanetša! Yeo ke phetho! Ga go na selo se yago go go thibela, ga go kgathale moo o lego. Gomme ke no holofela gore ke fale, yo mongwe wa bona. Ke no tshepela feela le go holofela go Modimo gore ke tla ba yo mongwe wa bona gomme yo mongwe le yo mongwe wa lena o tla ba ka go—ka go swana.

Bjale, a re ne nako bakeng sa ye nngwe? Gona go ya go no ba (le a bona?), feela e nyakile go ba iri ya pele.

**274. Morategi Ngwanešu Branham: mosadimogatša wa ka le nna re arogane. O ntshua bakeng sa tlhalo. Yena ga se Mokriste, gomme ke dumela Molaetša gomme ke nyaka yena a phološwe** (A seo ga se gabotse? Woo ke moya wa Bokriste wa kgonthe. Le a bona?) **le go dumela. Ke swanetše go dira eng? Gape re na le bašemane ba babedi.** (Ba saenne leina la bona.)

<sup>265</sup> Ngwanešu, lebelela, a ke go botše, o ya go go sua bakeng sa tlhalo. Yoo ke Sathane. O a bona? Ga wa swanelo go dira seo. Eupša ge o le Mokriste, gomme o se wa dira selo lefaseng go šitiša mosadi yola, gona ke Sathane a dirago seo. O no leka go go kgeiganya.

<sup>266</sup> Bjale, ge a le yo mongwe wa bakgethiwa ba Modimo, o tla tla go Yena. Ge a se, ga a swanelo go tshwenyega ka yena. Ka gona ge e ka dira . . . Ge o tshwenyega e tla gobatša go phelega ga gago, gomme seo ke se Sathane a nyakago go se dira. O a šoma, ke a tseba, go wena. Kafao o no neela selo ka moka go Modimo le go ya pele thwi go direleng Modimo feela go thaba ka mo o kgonago go ba. Modimo o tla hlokomela ka moka ga yona. “Bohle ba Tate a Mphilego bona ba tla tla go nna.” Eya fase matolong a gago; ke tla rapela le wena goba e ka ba eng. Ke tla rapediša taba. E no re, “Morena Modimo, ke a mo rata; ke mmago bana ba ka,” (ge a le) le go re, “ke—ke—ke no neela selo ka moka go Wena, Morena. Ke ba nyaka ba phološwe, O a tseba ke a dira; eupša nka se kgone go ya kgojana. O ya go nthlala go le bjalo. Ga se ka dira selo; ge ke dirile, e utolle go nna; ke tla ya go e lokiša. Ke tla dira e ka ba eng.” Gona e gafele go Morena gomme o no e tlogela e nnoši gona, nno e tlogela e nnoši. Eya pele thwi o phela feela go swana le—le ge go se selo se kilego sa direga. Gomme Modimo o tla hlokomela ka moka ga yona.

**275. Bjale: Ngwanešu Branham, ke eng sohle se ka batho (Oo, gape!) ba thothela Arizona? E hlaloše.** Go na le mohuta wo mongwe wa mongwalo wa seatla. Le a bona, le a bona?

Gabotse, re šetše re hlalošitše seo (le a bona?), se seo se lego.

**276. Ngwanešu Branham, a Monyalwa o tla ya go kgabola tlaišego bjalo ka ge kereke ya pelepele ya boapostola e dirile?**

<sup>267</sup> Aowa, ke nno hlatholla seo metsotso e se mekae ya go feta. Aowa, selo sa go latela ke Tlhatlogo bjale. Elelwang, re mo nageng ya tshepišo; re mo mollwane. Le kwešiša matšhe wa Israele?

**277. A go molaong go—go šomiša mohuta e ka ba ofe wa taolo ya tswalo?**

<sup>268</sup> Bokaonana ke tlogele yeo go fihla morago ga sekgalela se (le a bona?), gobane ke... Ke nyaka go—ke nyaka go bolela se sengwe ka seo.

**278. Ngwanešu Branham, ke no... (Ke letile feela metsotso ye 3 bontši ge nka kgona. A nke ke hwetše se sengwe se sekopana fa mohlomongwe.) Ga ke kgone go neela go felela go Jesu. A ke na le moyo wo mobe?**

<sup>269</sup> A nke ke no šomiša nako ka moka go seo kua. Ga o kgone go ineela go Jesu? Ga ba... Le a bona, ga ke tsebe monna goba mosadi; nka se kgone go bolela ke mang. Modimo o tseba seo.

<sup>270</sup> Ga o kgone go ineela go Jesu. Gobaneng? Bothata ke eng? Ge o le mosadi, a ga wa swanelo go ineela monnamogatša wa gago go ba mosadimogatša, go ineela tšohle o lego? Mohumagadi yo monnyane ge o be o nyalwa, wa bokwala, o lwetše bophelo bja gago bjohle go dula o le wa bokwala; eupša letšatši le lengwe o hweditše monna yoo o mo ratilego. O be o le wa gagwe go felelela. Dilo tše o lwelego kgahlanong le tšona bophelo bjohle bja gago le go leka go phela go hlweka, le go hlaka, le bokwala; bjale, o ineela nthathana ye nngwe le ye nngwe ya yona go monna o tee. A yeo ke nnete? O ipea wenamong go felela ka diatleng tša gagwe; wena o wa gagwe. Tšohle tše o bego o di emetše ka go hlompheng, le maitshwaro, le se sengwe le se sengwe sa go swana le seo, bjale o retologela godimo go monna, gobane o ineela wenamong go monna. A o ka se kgone go dira selo sa go swana go Jesu Kriste? E no ineela wenamong ka tsela yeo, “tšohle ke lego tšona, monagano wohle wa ka, dikgopololo tšohle tša ka.” Nnete.

<sup>271</sup> Ga ke nagane gore o swerwe ke moyo wo mobe; Ke nagana gore moyo wo mobe o go tlotša ka yona mehuta ya dikgopololo, go leka go go dira o nagane gore o ka se kgone go ineela wenamong go Modimo. Ge... A nke ke go bontše se sengwe. Gobaneng o ka *nyaka* go ineela go Yena? Gobane go ne se sengwe ntšale fale se biletšago go wena go ineela. Ke leswao le lebotse kudu gore o swanetše go ineela wenamong.

<sup>272</sup> Bjale, tšohle o di dirago, Ngwanešu goba Kgaetšedi (e ka no ba motho yo moswa goba motšofe, e ka ba eng e lego), o rile... Ba no se kgone go ikhwetše bonabeng gore ba kgone go ineela ka go felelela. E no ineela wenamong. “Morena, go nagana ga ka, tšohle tša ka ke lego, ke—ke nyaka go Go fa. Bophelo bja ka, ke fa bjalo ka bophelo bja tirelo. Ntšee, Morena, gomme o ntšhomishe feela bjalo ka ge ke le.” Gomme ke selo se bonolo bjalo; ke duma kereke e ka kgona ka kgonthe... Ke a dumela ge—ge—ge tabarenekelé

bjale, e holega go dipotšišo tše . . . A le a di rata? Go lokile. E tla thuša gannyane.

<sup>273</sup> Bjale lebelelang, go se, ge kereke e ka no botšiša dilo tše (le a bona?), botšišang dilo tše: ge ba ka dira *se*, goba go dira *sela*, le se sengwe le se sengwe, ke tla leka go dira bokaone nka kgonago. Ge eba ke go eleditše ka go fošagala, ga se ya ba ka pelong ya ka go e dira. Ge eba ke boletše e ka ba eng ya phošo go no boloka tše dingwe tša dikgopololo le dilo tša ka mong, e sego . . . go tseba—go tseba gore ke phošo go dira seo goba go go botša gore, ke tla ba moikaketši wa ditšhila. Yeo ke nnete. Eupša go tšwa pelong ya ka, ge ke le phošo, Modimo o a tseba (le a bona?) Ke e dirile ka tšohle tše di lego ka go nna go araba dipotšišo tša lena.

<sup>274</sup> Gomme go lena badiredi ntle ka nageng moo theipi ye e tla yago, ga se ke bolele dilo tše go le gobatša. Ke e boletše gobane ke a le rata. Le a bona? Gomme ka therešo ke, ka pelo ya ka yohle . . . Ke . . . Bjale, ga ke leke go šoma go bontšha gore—gore ke—ke tseba se sengwe seo le sa se tsebego. Seo ga se sona, ngwanešu. Ke dira feela se gobane ke a le rata, gomme ke—ke—le a nthata, ke a dumela.

<sup>275</sup> Go ka reng ge o ka mpona ke eya go theoga noka ka sekepeng sa kgale, ntle mo nokeng ye, kgauswi le moo re lego bjale, mo ka tabarenekeleng, Noka ya Ohio; gomme noka e tla be e le godimo gomme e dirile mafula; gomme diphororo di be di no ba ka tlase ga ka. Gomme o a tseba gore sekepe seo se ka se ye bokagodimo ga diphororo tšela; se ka se no e dira. Gomme ke nna yo ke dutše ntle kua ka hlogo ya ka morago, gomme ke opela, le go khutša, le go ya thwi tlase, go phaphamala go theoga yela, ka go iketla, go theoga noka yela; gomme o a tseba thwi tlase kua ke ya go šogagana. Ge o be o nthata, o be o tla goelela, goba o be o tla tabogela ka seketswaneng, gomme wa kitimela ntle kua, gomme wa nkonka mo hlogong ka se sengwe, go ntliša ka gare. “Ngwanešu Branham, o tšwele monaganong wa gago! O tšwele monaganong wa gago; diphororo di thwi mo!”

<sup>276</sup> Gomme ke rile, “Oo, homola! Ntlogele ke nnoši!” Gomme go le bjalo o a nthata go le bjalo. O tla dira eng kapa eng lefaseng; o tla ntlimarela. Ge o be o swanetše go—ge o be o swanetše go rathaganya seketswana, o be o tla ntšhetša ka ntle ga fale, gobane o a nthata; o tseba se se yago go direga.

<sup>277</sup> Gomme ngwanešu, ke a tseba seo ke se se yago go direga go kerekkeleina yela. A ka se fenyé phulawatle. Le a bona? O ya thwi ka go otloga go Khansele ya Dikereke tša Lefase; gomme bjale, e ba gore o a e tšea goba e tšwa ka tsela ye re lego bjale. Ka fao, e no ba tlwa, o swanetše go dira kgetho ya gago. Gomme ga—ga ke re go ba . . . Ke rata go rathaganya seketswana, go lokile; Ke rata go dira e ka ba eng nka kgonago, e sego go go gobatša, ngwanešu, eupša go go phafoša gore o phošo. O se ke la dira seo!

<sup>278</sup> Gomme kolobetšo ye ya meetse Leineng la Jesu Kriste, ga go motho mo sefahlegong sa lefase a ka ahlolago yeo ka Lengwalo. Ga go motho a ka ahlolago yeo. Ga go Lengwalo le tee... Lena batho, lena baena—lena baena, elelwang, e nong go elelwa, phetlang Beibebe; hwetšang lefelo le letee moo e ka ba mang a kilego a kolobetšwa ka go Testamente ye Mpsha (ba be ba se ba kolobetšwa ka go ya Kgale, eupša ka go Testamente ye Mpsha), moo e ka ba mang a kilego a kolobetšwa ka mokgwa wo mongwe ntle le Leineng la Morena Jesu Kriste; morago le tle go mpontšha. Goba eyang le hwetše puku ya histori moo ba kilego ba ke ba kolobetša lebaka la makgolo a mengwaga ka morago ga lehu la baapostola ba mafelelo... Kereke ya Katoliki e thomile kolobetšo. Katikasema ya bona e bolela selo sa go swana, ba ſomiša leina la Tate, Morwa, Moya wo Mokgethwa.

<sup>279</sup> Go potšišonyakišo le moprista, thwi fa ka Kerekeng ya Sacred Heart, o mpoditše selo sa go swana. O rile kereke ya Katoliki e be e kolobetša ka mokgwa woo, ge ke mmoditše ke kolobeditše mosetsana yo wa Frazier, ge pišopo a nyakile go tseba. O rile, “A o ka ena go ditatamente tše?”

Ke rile, “Ga ke ene le gatee.”

O rile, “Pišopo o go nyaka o dire!”

<sup>280</sup> Ke rile, “Pišopo o tla swanelo go tšeа lentšu la ka goba go se le dumele, e ka ba efe a e nyakago.” Le a bona? Ke rile, “Beibebe e rile go se enwe le gatee.”

Gomme o rile, “Gabotse, uh...” O rile, “Mo...”

<sup>281</sup> Ke rile, “Ke mo kolobeditše ka kolobetšo ya Bokriste ka meetseng, go mo karabetša mo leotong la Spring Street ka Leineng la Morena Jesu Kriste.”

Gomme ge moprista a e beile fase, o rile, “Yeo ke tsela ye kereke ya Katoliki e bego e kolobetša.”

Ke rile, “Neng?”

O rile, “Ka matšatšing a baapostola.”

Ke rile, “O ba bitša Makatoliki?”

O rile, “Kgonthe, ba be ba le.”

<sup>282</sup> Ke rile, “Gona ke Mokatoliki yo mokaone go phala o le. Ke latela thuto ya bona.” Yeo ke nnete. Le a bona, le a bona? Ba tleleima seo, eupša ga go bjalo.

<sup>283</sup> Kereke ya Katoliki e ile ya hlongwa ka Nicaea, Roma, ka tlase ga Constantine, ge kereke le mmušo di kopane mmogo, gomme—gomme mmušo o fa kereke phahlo, le dilo boka tšeо; ka kgonthe ba naganne ba be ba le ka go Mileniamo. Ba naganne ba bethile Mileniamo. Woo e be e le mileniamo wa Sathane. Seo ke therešo tlwa. O se ke wa dumela selo seo. Ee, mohlomphegi!

<sup>284</sup> Bjale, eupša... Ka gona ge ba dirile, goba, ba bile... go na le gore ba be le mo—mo modimo wa go betlwa, ba theoſitše—ba

theošitše Venus, ba beile Maria godimo; ba theošetša Jupitere, ba beile Paulo goba Petro. Thwi fao ka—ka Vatican, thwi fao ka—ka Roma bjale, thwi ka Vatican City, sehlwaseeme sa kgato tše lesomesenyane sa Petro, ba tleleima gore ba atlide ye meraro ya yona menwana goba maoto go tšwa go sehlwaseeme seo. Le a bona? Gomme se sengwe le se sengwe ke . . .

<sup>285</sup> Gohle go theoga . . . Ke ile kerekeng, Billy le nna, mosong wo mongwe kua, re ile tlase ka lebatong la ka tlase fale moo ba bolokago dimonko tšohle le dilo boka tše gomme ba dumelela marapo a bona a bola godimo ka leroleng le, lerapo le tee le bola go tšwa go le lengwe godimo kua, gomme morago ba tše marapo gomme ba dira dibetlwa tša dibetlwa tša seetša tša marapo a diatla di lekeletše ka mokgwa *wo*, le magata; gomme batho bale ba tla ka fale ba gohlile ona magata bošweu, go leka go hwetša ditšhegofatšo go tšwa magateng ale a batho ba ba hwilego. Ke sebopego sa bosemoya. Le a bona?

<sup>286</sup> Gomme ke moo e thomilego thwi fale, ka Roma, gomme ke moo setulo sa sebata se lego, gomme go tloga fao go tla mme mmalegogwana wa kgale. Gomme barwedi ba gagwe ke bommalegogwana feela tlwa boka a le, gobane o fa lefase ka moka komiki ya kgalefo ya gagwe, komiki ya bopaki bja gagwe, ye e bego e tswakane ka kua le sabohloko sa lefase. Gomme o be a na le bopaki bja gagwe. O rile, “Ke dutše bjalo ka kgarebe, gomme ke—ke dutše bjalo ka mohlologadi (ke ra), gomme ga ke hloke selo”; gomme ga a tsebe gore o a nyamiša, o madimabe, o foufetše, o a diila, gomme ga a e tsebe. Yeo ke yona. Gomme seo se ya go kereke ya Katoliki le ye nngwe le ye nngwe kerekeleina ya Protestant! Eupša ka go tlhakahlakano yohle yela ntle kua, go ne batho ba bohlokwa ba ba ratago Morena Modimo ka pelo ya bona yohle, soulo, le monagano. Gomme ba nagana ba a rereša. Ba nagana ba dira gabotse. Modimo o tla ba Moahlodi yo Mogolo.

<sup>287</sup> Go nna, ge Modimo a eya go ahlola kereke ka lefase, kereke ya Katoliki e bolela bjalo, gona ke botšišitše monna yola a bego a mpotšišolla: O rile, “Modimo o tla ahlola lefase ka kereke.”

Ke rile, “Ke efe?”

O rile, “Kereke ya Katoliki.”

<sup>288</sup> Ke rile, “Kereke efe ya Katoliki? Di fapano e tee go tloga go ye nngwe.” Kereke efe? Orthodox ya Gerike goba Roma? Goba ke efe A yago go e ahlola ka yona? Ge A eya go le ahlola ka kereke ya Protestant, ke efe? Methodist, Baptist, Lutheran, Pentecostal; ke mang A yago go le ahlola ka yena? Beibele e rile O tla ahlola lefase ka Jesu Kriste, gomme Jesu Kriste ke Lentšu. Kafao go nna, ke Lentšu la Modimo leo A tla ahlolago lefase ka lona. Yeo ke nnete. Gomme ke a dumela dikahlolo tša Gagwe di lefaseng bjale, gomme ke a dumela . . . A re nyakeng ka pelo tša rena tšohle go phonyokga bogale bja tshenyego ya Modimo bjoo bo yago go

tšhollwa ntle godimo ga lefase le la go se dumele; gomme ga go tsela le gatee ya lona ya go e phonyokga.

<sup>289</sup> Go ka se tsoge, gwa tsoge, gwa tsoge gwa tla phološo go lefase gape. Ba fetile mothalo wa bona gare ga mogau le kahlolo. Go na le... O ka no bea Abraham Lincoln ka go naga ye nngwe le ye nngwe ka United States, gomme e ka se tsoge ya fetolela sehlopha se sa “boRicky” le “boElvis” morago go Modimo.

<sup>290</sup> Ge o bone ka lephepheng (ke e hweditše. Ke e tliše go wena morago ga sekgaleta se ge o nyaka go e bona bošegong bjo), moo kereke ya Presbyterian (bontši bja lena le ka be le e bone), kereke ya Presbyterian e eya go kgabola dimesa goba go kgabola sa—sa—go kgabola sakramente ka rokenrole. Modiša a eme fale a phaphatha seatla sa gagwe ka mokgwa wola; gomme ba be ba eya go kgabola mosepelo wa papolo le bohole “ba e binela” bjalo ka rokenrole ka kerekeng ya Presbyterian.

<sup>291</sup> Gomme ge se sa fasefase, sa go goelela, sehlopha sa ditšhila sa Beatles, seo se bitšwago bjalo, seo se tlilego ka fase ga motho gomme sa nyaka go ba dikhunkhwane... Ba ganne konteraka ya ditolara tše dikete tše lekgolo ka St. Louis dibeke di se kae tša go feta; ga se nke ba emela seo. Ba tla godimo fa, sehlopha sa ba bannyane, magwaragwara a Maisemane fale ka moriri o lekeletše fase mahlong a bona. Gomme bjale, ba na le bodumedi bja bona beng ba bo thomago. Le bo bone ka go kgatišobaka ya *Look*. Le a bona?

<sup>292</sup> Oo, ka fao lefase le le tšhilafaditšwego. Ga go kholofelo go lona le gatee; ba tshetše mothalo wa go aroganya gare—gare ga go fa mabaka le kgopolu ya go tlwaelega, ga re sa bolela gare ga pholo-...

<sup>293</sup> Banna ebile ga ba kgone go ahlola. Ga re sa na banna gape boka re be re fela re eba le bona. Patrick Henry o kae? Abraham Lincoln o kae? banna ba ba kgonago go emela diphenyego tša go tia.

<sup>294</sup> Monna yola o kae a ka kgonago go tsoga le go dira basadi go gafa ntle mo, ba itlhobola ka bobona ka... le ka ntle pele ga banna ba; gomme ka gona—gomme ba ba kitimišetša ntle kua bjalo ka sehlopha sa baponaki, gomme morago go bea mošemane ka go lefelo la tshokollo yo a tla hlapaolago yo mongwe wa bona? Mabaka a gago a kae? Kgopolu ya go tlwaelega ke eng? Ge a ipea ka boyena ntle kua, mo tlugele a ye bjalo ka mpša. Ee, mohlomphegi! Ge a sa ye gape go... bothakga bja tlwaelo go yena go feta fao... Melao e kae ye e ka kgonago go bo emiša?

<sup>295</sup> Thwi fa ka Louisville, Kentucky, dibeke tše pedi tša go feta ge mosadi yola ka... a leka go dira... go hwetša leina la gagwe ka pampiring, a apare pikini ya plastiki, a sepelela ntle kua go tšwa go Brown Hotel; gomme lephodisa le lekile go mo emiša, gomme a se ke a ema; a mo sega. Gomme o ile a lahlela sethunya godimo ga gagwe go mo emiša; o mo kgoromeleditše ka koloing le go mo

dira a kopane le yena ka go seteše sa maphodisa bakeng sa go apara ga maitshwarohlephi le dilo boka tšeо, gomme o ile le go kopana . . . Le tseba se ba se dirilego ka yona? Ba rakile lephodisa mošomong.

<sup>296</sup> Modimo thuša setšhaba seo se bodilego! O ka se kgone go feta ka ntle le ge o dira phošo. Re ka no se fete, eupša re ka kgona go emelela; gomme ke moo re lebeletšego. A re inamišeng dihlogo tša rena.

<sup>297</sup> Morena Jesu, a nke Modishi yo mogolo a tle gomme a re tšeо go tšwa go se, Morena. Re Mo letetše. Re šeditše bakeng sa iri yeo. Ge re bona lefase le senyegile kudu, O rile go tla ba ka tsela ye. Baprofeta ba Gago ba bagolo ba profetile gore diiri tše di tla ba fa. Re dumela baprofeta, Morena; re a e dumela.

<sup>298</sup> Gomme bjale, re a rapela, Modimo, gore O tla re fa baprofeta go hlatholla Lentšu le go rena, gore re ke re tsebe ge eba re nepile goba phošo. Re bona baprofeta ba maaka ba tsoga; ba ka maganateng, Salt Lake City, dikarolo tšohle tša setšhaba, mehuta yohle ya maganata, le mehuta yohle ya dikamora tša sephiri, mehuta yohle ya Tate Bakgethwa, le go ya pele, mogohle.

<sup>299</sup> Go boneng baena bale ba go šokiša ba makhalate, dikgaetšedi ntle fale bjale; ba nyakile momaganyo. Ka pela ge ba e hweditše. . . Yeo ke nnete; ba swanetše go ba le yona; ke banešu le dikgaetšedi. Bjale, ge ba e hweditše, ba befile go feta ba kile. Go laetša gore e hueditše ke lekomonisi. Oo, Modimo, a banna bale ba go šokiša ba ka kgona go bona seo? Gore e dirilwe feela . . . Gabotse, e swanetše go dirwa, Morena.

<sup>300</sup> Esla, seo ke se re se nyakago. O no tla, Tate. Re letile. Esla, Morena, re tšeо ka tlase ga matsogo a Gago. Re lebalele dibe tša rena. Ga go—ga go sa le toka gape ka lefaseng le. Selo se tee se gogela go se sengwe, gomme efela se nno lewa ke seboko kudu go fihla o . . . ga go modumo ka go sona. O rile mmele ka moka o fetogile boka dišo tša go bola. Therešo, tafola ye nngwe le ye nngwe e tletše mahlatša. O rile, “Ke mang Nka mo rutago thuto? Ke mang Ke tla mo dirago kwešišo ka go letšatši leo?” Tafola ka moka ya Morena e tletše mahlatša. Re a e bona, Morena. Re bona iri mo. Re thuše, hle.

<sup>301</sup> Morategi Modimo, dipotšišo tše ntši kudu mo ka batho ba ba tlago Arizona. Oo, morategi Modimo, a nke bao ba go ratega, batho ba bohlokwa . . . Ba tla theetše theipi ye ntle kua. A nke ba tsebe gore ga ke mmušanoši go ba botša moo ba ka phelago, se ba ka se dirago. Gomme a nke ka go kwagala ba e kwešiše. Ge ba rata naga yela, ke dira bjalo, a nke ba be fale, Tate. Eupša ge ba ruta gore Tlthatlogo e swanetše go tla go tšwa fao, gomme fao go mnoši, goba ba swanetše go ba le nna, wa go šokiša, wa go hloka maswanedi, modiradibe wa ditšhila, a pholosítšwego ka mogau wa Modimo, ba swanetše go ba tikologong ya ka . . . Morena, ke nyaka go ba tikologong—ke nyaka go ba tikologong

ya Paulo; ke a tseba o a ya. Le Petro, le Jakobo, le Johane, ba ka Palestina felotsoko kua. Ke a tseba ke tla ya le bona ge O sa tšo ba le leina la ka go Puku yela ge e sa le motheong wa lefase. Ke tla ba fao. Gomme ke a rapela, Modimo, gore yo mongwe le yo mongwe wa bona o tla ba fao. Nthuše, Morena, go ba kgobela bohole morago fa felotsoko, moo ba ka kgonago. . . Ba nyaka go kwa molaetša ka barutiši ba bagolo ba bjalo ka Ngwanešu Neville, le Ngwanešu Capps, le—le bohole banešu ba bangwe ba mo: “Junie,” le Ngwanešu Ruddell, gomme oo, J. T., le bona bohole—bole ba bona: Ngwanešu Collins, le Ngwanešu Beeler, le Ngwanešu Palmer, le . . . Modimo, ke a rapela gore O tla no fa se go ba . . .

A nke—a nke—a nke ba tle fa moo ka kgonthe ba O kwago, ge ba nyaka go O kwa, ba se tšhabele ntle fale ka leganateng lela. Ba leka go dira tlwa se Lengwalo le ba boditšego go se se dire. “Bonang, e ka leganateng; le se e dumele! Bonang, e ka kamoreng ya sephiri; le se e dumele!” Morena, ke leka bokaonekaone bja ka go ba sebotša, eupša yohle e laetša gore iri e kgauswi bjale. Meriti ya mantšiboa e a wa.

<sup>302</sup> Ke rapelela kgaogelo, Morena. Nkgaogele; nthuše. Go ntira ke tšhogé, Tate. Ke a rapela gore O tla nthuša. Ga—ga ke nyake go tswalela bophelo bja ka . . . Mošomo wohle wa ka mo o tla ba ntle mo lehlanya tsoko go etapele sehlopha tsoko goba bodumedi ntle go ya ka leganateng felotsoko. O se lesa leina la ka le swanela go ya fase ka mokgwa woo, Morena. Ke lwetše se thata. Ke hlokofetše ka yona ka mo nka kgonago go ba. Modimo, o se e dumelele go direga. Nthuše ka tsela ye nngwe. Ga ke tsebe ke dire eng; ke no tshepela go Wena, eupša Wena nthuše. Ke tla dira e ka ba eng O mpotšago go dira. Ke nna mohlanka wa Gago; ba ke bana ba Gago. Morena, ba . . . Bontši bja batho ba, masomesenyane senyane go tšwa go lekgolo le lengwe le le lengwe, Morena, ka kgonthe ba tiile. Ba a dumela; ba a tseba; ba a kwešiša. Gomme ba a tseba ga se nna; eupša ke a tseba dilo tše di swanetše go latela tsošeletšo ye nngwe le ye nngwe, gomme se ga sa hlabeledwa kgahlanong le yona. Kafao ke a rapela gore O tla re thuša bjale.

<sup>303</sup> Re thuše ge re eya go ba le dijo tše nnyane tša mosegare lehono, Morena. Šegofatša dikopanelo tša rena mmogo. Re kgobele morago fa ka pela morago ga sekgalela se. Bontši bja bona ba tla swanela go ya gae bjale, Morena. Ba tla swanela go ya go legae la bona—la bona, gomme ke a rapela gore O tla ba thuša. A nke ba kgone ka tsela ye nngwe, Morena, go hwetsa theipi go kwa dipotšišo tša bona ka moka. Mohlomongwe ya bona e be e se ya arabja. Ke a rapela gore O tla ba thuša, Morena.

<sup>304</sup> Nthuše ka lebelo ka kgonthe bošegong bjo feela go araba dipotšišo tše le go tsenya ye nngwe le ye nngwe ya tšona ka go yeo ke kgonago. Go fihla re kopana fa gape morago ga sekgalela se, a nke O re šegofatše. Ka Leina la Jesu ke a rapela. Amene.

Ke a Mo rata, ke a Mo rata,  
 Gobane O nthatile pele  
 Gomme a lefela phološo ya ka  
 Godimo ga mohlare wa Khalibari.

<sup>305</sup> Go ngwadilwe go kgabaganya fale, ke e ngwadile gore ka mehla e be pele ga ka: "Kriste pele ga ka, ge ke sa araba dipotšišo tše." A o a dumela ke e boletše go tšwa pelong ya ka? Se sengwe le se sengwe, go tšwa pelong ya ka, go thuša.

Ba bangwe ba bona ba ka tla go hwetša diphasela tša bona fa.

<sup>306</sup> Morategi Modimo, disakatuku šedi, diphasela di robetše mo. E ya go balwetši le batlaišwa. A nke Mohlatholli yo mogolo wa Lentšu, Moya wo Mokgethwa Wo o Le ngwadilego, a nke A tle kgauswi bjale bakeng sa karolo ye ya tirelo le go šegofatša mašela a. Morena, ge ke nagana ka nnamong, ke mang ke swanetšego go bea wa ka wa ditšila, mmele wa ditšila go kgabaganya disakatuku tše tše di emego gare ga lehu le bophelo go ba bantši? Oo, Modimo, ke a roromela. Eupša, ge ke nagana gore . . . Ga O mpone, O no kwa segalontšu sa ka. Se tla ka Madi a Morena Jesu fao. Bjale, ke a dumela gore O tla nkaraba feela bjalo ka ge O dirile bakeng sa Gagwe, gobane O ile pele ga ka go dula ka seatleng se setona, godimo kua, sa Borena godimo. Gomme Madi a Gagwe a robetše fale bjalo ka poelano, gomme ke khupeditšwe ka tlase ga Madi ale.

<sup>307</sup> Ke a dumela, Morena, gore O tla ba fodiša, ka gore ba a hloka. Ba ka be ba se ba ba le tše di robetše mo. Ke a rapela gore O tla ba dira yo mongwe le yo mongwe a welwe ke maruru. Ge ke ipea nnamong go di putla, bjalo ka . . . Ba rile ba tšere go tloga mmeleng wa Paulo . . . O be a no ba modiradibe le yena, Morena, a phološitšwego ka mogau wa Gago. Batho ba mo dumetše, le ge a ba omantše le se sengwe le se sengwe, eupša ba tsebile o be a le modiši. Ba tsebile o . . . rometšwe go tšwa go Wena, gobane O inetefaditše Wenamong ka bodiredi bja gagwe. Modimo, batho ba ba dumela selo sa go swana lehon. Ke a rapela O ba thuše bjale le go fodiša yo mongwe le yo mongwe Leineng la Jesu Kriste. Amene.

<sup>308</sup> A le swerwe ke tlala? Go lokile. Ke swerwe ke tlala bakeng sa dipotšišo tše dintši. "Motho a ka se phele ka borotho feela, eupša ka Lentšu le lengwe le le lengwe le tšwago molomong wa Modimo." Bjale, nka no ba . . . Tše dingwe tša dipotšišo tše, nka no se be le tšona gabotse; ke nno dira bokaone bjo ke kgonago. Bošegong bjo, ke tla leka go thoma feela ka iri ya bošupa. Gabotse, kereke e tla bulwa ka seripagare sa boselela. Gomme lena ba le kgonago go šala . . . Lena ba le sa kgonego, re a kwešiša; seo se lokile. Eupša ke tla leka go hwetša ye nngwe le ye nngwe ya tše ka kgonagalo nka kgonago bošegong bjo. Modimo a le šegofatše go fihla re kopana.

Bjale, a re emeng ka maoto a lena le go opela pina ye botse ye ya kgale, pina ya rena ya go phatlalala, *Tšea Leina la Jesu Le Wena*. Go lokile.

Tšea Leina la Jesu le wena,  
Ngwana wa mahloko le madimabe;

[Ngwanešu Billy Paul o bolela le Ngwanešu Branham—Mor.]  
(...?...ba tšere moneelo...?...mosong wo...?...)

...Leina, O bose bjang!  
Kholofelo ya lefase le thabo ya Legodimo.

<sup>309</sup> Ke nyaka go dira tsebišo ye. Billy o nno re ba tšere moneelo wa lerato mosong wo (le a bona?), gomme o rile ba bile le moneelo wo mobotse wa lerato. Ke na le yena go ya ka morago ga moago le go ema morago kua. Go batho mo ba ba sego ba ke ba tla ba itokišitše, ga le na le tšelete ya matena a lena, Billy o tla le fa tšelete bakeng sa matena a lena le bakeng sa go patela pili ya lena ya hotele goba pili ya mothele, e ka ba eng e lego. Le a tšea le go lefela seo bjale. Ge o... Ge o ka kgona go dula... Billy o tla kopana le wena morago kua gomme a tšea leina la gago le mo o lego, gomme re tla lefela matena a lena le kgatišo ya lena go tšwa go moneelo wa lerato woo o ntšeetšwego mosong wo.

Go fihla re kopana! go fihla re kopana!



*DIPOTŠIŠO LE DIKARABO* NST64-0823M

(Questions and Answers)

SERISI KA BOITSHWARO, TSHEPEDIŠO LE THUTO YA KEREKE

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Agostose 23, 1964, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlatlatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)